



10374

I. Mon. St. B.


P


N. L. ČR
Vltava 2, 1901
Československo

LIB
St.
ambj



10374





1 054 1/2 p. 57
EPISTOLÆ SELECTÆ
CICERONIS, PLINII,
B E M B I.

&

Senecæ, ac Sabellici nonnullæ.

Manutius pol. 507
Argumentis, quoad fieri potuit, claris, & Annotationibus Victorii, Manutii, Hibertini, Catanzæi, &c. illustratæ. Præterea, majoris commodi & utilitatis gratiâ omnes in suum quodque genus digestæ, ac suis Responsionibus, seu formulis Responsionum adauctæ. Denique Notionibus Rituum, Magistratuum, Ludorum, & ceterarum Antiquitatum Romanarum, quæ in omnibus his Epistolis occurrere possunt, prius positæ, commendatæ

Hydawa Bazyl Grochowski
Viris, Ingenuis & Studiosis Adolescentibus.



V A R S A V I Æ

Typis S. R. M. & Reipublicæ in Collegio
Scholarum Piarum Anno 1760.

*Pra omnibus aliis placent Virorum illustrium E-
pistoła, utilioreque praestant operam Reipublica li-
terariā, qui eruendis è situ Bibliothecarum veterum
lucubrationibus incumbunt, quā qui novos cu-
dunt libros; libri enim novi, si quid boni continent,
ab antiquis mutuari solent.*

Alexander VII. Pont: Max:
ad Bonam Cardinalem.

10374 I.

Pauli Cempinski
11 April 1767

fl.





NOTIO UTILISSIMA

*Rerum singularium in Epistolis passim
occurentium, ex Breviario Antiquita-
tum Romanarum Christophori Cellarii
excerpta.*

AUGURUM dignitas non impar fu-
it dignitati Pontificum. Pontifi-
ces statas solennesque cæremonias pera-
gebant; *Augures* auspicia, hoc est, initia
omnium rerum publicarum, præsertim in
Comitiis & aliis magnis rebus, procura-
bant. De cælo igitur diligentissimè serva-
bant, & siquid sinistrum observassent, ob-
nuntiabant, atque ita, quod in eorum po-
testate erat, Comitia, Magistratuum initia,
expeditiones bellicas, &c. dirimebant, a-
ut detinebant. *Auguratus* Sacerdotium
persæpe à summis viris ambiebatur. *Au-
gures* quatuor tantum erant à Numa
Pomp: instituti; postea additi quinque ple-

beji; Sulla auxit númerum, ut essent quindecim; his unum denuo superaddidit Julius Cæsar.

ÆDILIS nomen habebat ab ædibus publicis, quas curabat. *Ædiles minoris dignitatis* erant creati non tantum ædium causâ, sed ut curam quoque rerum venalium gererent, factique sunt ex plebe, eo tempore, quò Tribuni plebis. *Majoris dignitatis Ædiles*, dicti *curules* à sella curuli maximorum Magistratuum ornamento, creati sunt ex Patriciis eodem tempore, quò Prætores. Officium illorum erat præcipuum: Ludos & spectacula curare, atque edere, etiam propriò sumptu. Unde quò splendidiore ludos edidissent, eò plus gratiæ consequerentur à populo, & altioribus Magistratibus, ut Consalutui, digni reddebantur. Julius Cæsar addidit duos *Ædiles Cereales*, qui rei frumentariæ prospicerent; sed hi inferiores erant *Curulibus*, & ubicunque absolutè *Ædilis* vel *Ædilitas* nominatur, intelligi debet, *Curulis*.

CENSURA summus erat Magistratus, & propter morum castigationem formidabilis. *Censores* bini constituebantur, qui non modo númerum inirent populi & fortunarum, sed mores etiam singulorum

rum observarent; & erat Magistratus hic quinquennalis. Postea visum fuit periculo non carere, si tam diuturna potestas penes paucos esset; ideoque Æmilià lege ad annum reducta est. *Censores* dicti etiam sunt Magistri morum, propter morum castigationem. Censoria pœna erat: Senatorem *movere* Senatu, & Equiti *adimere equum publicum*, & quemcunque Civē (sive is Senator, sive Eques, sive plebejus esset) vel *Tribu movere* vel ex nobiliori in minus nobilem Tribum referre, imo pro delicti gravitate à *Tribu remove*, id est, jure suffragii privare, vel *Ærarium facere*, hoc est, censu ordinario in commodum ærarii multiplicato, punire. Sub Cæsari-
bus vix aliquando *Censores* constituebantur, quia mali Principes metuebant, ne sui etiam mores notarentur. *Censorum* etiam officij erat, Senatores legere, Senatū explere &c.

COMITIA erant vel *curiata* per *Curias* agi solita. Romulus enim divisit Urbem in tres *Tribus*, seu partes, & has in triginta *Curias*, seu Classes. Sed hæ *Curie* interierunt. Nam postea Servius Tullius divisit Urbem in quatuor *Tribus* *Saburbanam*, *Esquilinam*, *Collinam*, & *Palatinam*, atque hæ quatuor partes dictæ

sunt *urbanae*. Deinde sex populi *Classēs* constituit censu & possessionibus distinctas. In prima *Classē* erant ditissimi, in sexta tenuissimi. Porro *Classēs* singulas distribuit in suas *Centurias*: ita quidem, ut primæ *Classi*, adnumeratis Equitibus, darentur *Centuriæ* XCVIII. secundæ XXII., tertiæ XX., quartæ XXX., sexta autem quanquam numerò superiores viaceret, pro una *Centuria* censeretur. Itaque *Centuriata Comitia* erant nobilissima, quibus per *Classium Centurias*, sine tumultu & confusione, suffragia ferebantur. In his *Comitiis* Patritii superabant plebejos, in his creabantur Consules, Prætores &c. Unde etiam *Consularia*, *Prætoria* dicta sunt. Denique *Comitia Tributa* erant potius plebis concilia, quia submōtis Patribus, seu Senatu, agebantur; in iis actum de causis levioris momenti; hæc postea ad judicia translata sunt.

CONSULES pro Regibus constituti sunt duo; ut si unus malus esse voluisset, alter eum, habens parem potestatem, coerceret. Imperium eorum fuit unius anni. Ornamenta *Consulum* erant *prætexta toga*, seu purpura, *sella curulis* & XII. *Lictores* cum fascibus virgarum, quibus securis inserta erat; quanquam Valeriâ le-

ge securis fascibus fuit postea adempta ad terrorem mitigandum, & non nisi extra Urbem, in bellis, servata. *Consulares* sicut *prætorii*, *ædilitii*, *quæstorii dicti* sunt, qui Consulatu, Præturâ, &c. fuerunt functi. *Consules designati* dicebantur qui in sequentem annum jam fuerant electi, & si sub finem anni Senatus-Consiliū fieri contigit, *Consules designati* hunc habuere honorem, quod primi, inter alios, suam sententiam dicere rogarentur.

EQUESTRIS Ordinis nomen non tantum militiæ, sed etiam dignitatis est, cum digniores tantum equo militabant, idque propter paucitatem equorum in Italia. Distinguebantur à plebejis signò *annuli & angusti-clavi*. Ordo hic medius erat inter Senatores & plebem. Distinguebatur etiam eo, juxta legem Rosciam, quod Equitibus licitum fuit in Theatris in quatuordecim primis gradibus sedere, non plebejis. *Equites* non tantum *Equitibus* nascebantur, sed etiam fuerant filii Senatorum. *Equites* divisi erant in *Urbanos*, qui domicilium Romæ habebant, & *Rusticanos*, rure degentes. *Equitum* studia erant præcipua, conductio vectigalium, id est, reddituum ex Provinciis populi Romani. Inde ordo

Publicanorum in *Equestri Ordine* ferè continebatur.

IMPÉRATOR est Rector exercitûs. Rectores enim dividebantur in *summum Ducem*, & Duces alios, qui *Legati* dicebantur, pro numero Legionum assumpti. Unde etiam *Legati Legionum* postea appellati sunt. Summus autem Dux non statim *Imperator* dicebatur, sed post victoriam ita salutatus ab exercitu; finitò bellò & Triumphò, cessabat titulus, uti etià aliis bellis novus acquiri poterat. Hinc legimus sæpe: *iterum Imperator, sexies Imperator. &c.*

LATUS-clavus erat tunica Senatorum *laticlavica*, seu *latus-clavus* dicta, quâ non solum à plebejis, sed etiam ab Equitibus, quibus tantum *angustus - clavus* erat, distinguebantur. Unde *latum-clavum* accipere, est Senatorem fieri; *latum clavum* ademisse, ex Senatu movisse.

LEGATI fuerunt alii *Principum*, alii *Legionum*. Augustus enim (cum prius in libera Republica omnes Provinciæ Romanæ administrabâtur per Proconsules, & Proprætores) mutavit statum, & Provincias divisit: pacatas Senatui & populo reliquit; quibus verò opus fuerat præ ille fidiò militari, sibi servavit. Illæ itaque ad-

administrabantur formâ veteri; in has neque Proconsules, neque Proprætores, sed *Legati* summo cum imperio, & exercitu mittebantur. *Legatus* Cæsaris dicebatur etiam *Consularis Legatus*, quia ex Consularibus viris plerumque legebatur. *Legatus* autem *Legionis* dictus quoque est *Legatus Prætorius*, quia huic muneri plerumque Prætorii viri præficiebantur.

LEGIO est pars exercitûs, in qua summa vis & robur erat ex lectione juventutis Romanæ. *Legio* constabat quatuor millibus & ducentis, in quibus soli ducenti Equites erant. Bellô Punicô auditus est numerus ad quinque millia peditum & trecentos Equites. Denique à C. Mario adhibita sunt sex millia ad *Legionem*. In *Legione* fuerunt X. *Cohortes*, XXX. *Manipuli*, LX. *Centuriæ*. *Legiones* per numeros distinguebantur: prima, secunda &c. unde etiam milites dicebantur primarii, secundani &c.

LEX magnam habet vocabuli amplitudinem. *Lex* propriè dicta est generale jussum populi aut plebis rogante Magistratu, quia nulla potestas legem, ferre poterat insciô populô; itaque *Consules*, *Tribuni* &c. si quid statuerant referebant ad populum, interrogantes: an velint

velint, jubeantque hoc ita fieri? hinc etiam leges dictæ sunt *Rogationes*, seu inter-rogationes. *Leges* ab Auctoribus (ut inquit Cicero) sua habent nomina; ita *Lex Ælia & Fusia* de jure Comitiorum; *Cincia* de donis & muneribus; *Leges Corneliae*: testamentaria, nummaria, de infamia, de proscriptione &c. *Gabinia* de legatis, *Pompejæ*: de ambitu, de Judicibus. *Roscia* theatralis. *Scantinia* contra impudicos. *Sempronia*, agraria; *Papia Poppæa* de Con-nubiis, &c. &c.

LIBERTUS. est è servitute manu-missus Manu-missione autem adsequebatur modò majorem libertatem, fiebatque Civis Romanus; modò minorem, ut tantum Latini juris esset. Ad hanc libertatem non perveniebant, nisi publicâ auctoritate vel Prætoris in Urbe, vel Proprætoris extra Urbem. *Manumissio* verò dicebatur per *vindictam*, hoc est, per virgam, quam Magistratus capiti ejus, qui manu-mittebatur, inferebat. Libertas hæc à servis impetrabatur propter merita, & fidelem servitutem, licet postea, per abusionem pecuniâ etiam undequaque collectâ redimebant libertatem. *Liberti* in Senatum non poterant admitti nisi post aliquot gene-

generationes. *Libertorum* filii vocabantur *Libertini*.

LUDI apud Romanos varii erant: *Publici* qui maximâ pompâ ad demerendam populi gratiam instituebantur. *Pri-vati*, inter amicos editi. Ex publicis fuerunt *Circenses* dicti à circo, qui maximus cognominatus est ad differentiam aliorum: in rotundo enim Urbis spatio curribus certabant, circa metam septies currendo, ita, ut ad illam non offenderent: *Gladiatorii* à Gladiatoribus dicti. *Gladiatores* autem vilissimi erant homines, vel ex captivis, vel ex ingenuis etiam, propter perditos mores, & decoctam rem familiarem, lanistis sese vendentes. *Lanistæ* porro exercitatos in arte gladiatoria in publicis Ludis pro pecunia sistebant. Itaque centum, vel ducenta paria in *Amphitheatro*, circum circa spectantibus, ante meridiem armis lusoriis, id est, ligneis; post meridiem acutissimis, & ad letalia vulnera paratis, pugnabant. Quando paria componebantur (raro enim in tumultu res agebatur) qui victor fuerat, adversariò interfec-tò, libertate donabatur, nisi cum alio recente componeretur. Præmium benè pugnantis *rudis* erat, seu *virgula*, quæ signum erat liberationis ex ludo gladiatorio.

Muni-

MUNICIPIUM est communicatio Civitatis, quæ dabatur non tantum Provinciis in Italia existentibus, sed etiam extraneis, imo verò tempore Julij Cæsaris ipsis Oppidis, & singulis hominibus de Cæsare benè merentibus. Communicatio Civitatis Romanæ alijs concessa, in eo sita erat: quod qui eam habebat, amicus Romanorum fuit, possessiones bonorum in Italia acquirebat, immunitate gaudebat, verbò, *Municeps* jure Romano utebatur, quod tamen jus suffragia negabat, & honores in Urbe capiendos. *Municipium* Patria duplex fuit: altera *Loci*, in qua nati, cujus jura semper retinebant; altera *Juris*, id est Roma, in cujus civitatem transcripti erant.

PATRONI dicti sunt *Causidici*, & si illustriores essent, *Oratores*: non autem *Advocati*, qui tantum amici erant reorum, rogati, ut reis in Judicio præsentiam suam solum adessent, quorum gratiam Judices moverentur. *Patronis* alij in causis dicendis instituendi committebantur, quibus illi Præceptorum & Patrum loco erant.

PRÆFECTUS. Temporibus Augusti Cæsaris novus Magistratus *Præfectus* erat amplissimæ potestatis non tantum

In Urbe, sed ad centesimum etiam lapidem ab Urbe. *Præfecti* quidem nomen vetus est; nam in Republica etiam libera, absque tibus, vel belli, vel aliâ causâ Magistratibus *Præfectus* Urbi constituebatur. Is verò novâ potestate ac dignitate à Cæsaribus ornabatur, eratque non absentis loco, ut olim *Prætor*, sed perpetuus, & absque ulla conditione.

PRÆTOR. Post exactos Reges nullus Magistratus erat Romæ, nisi Consules, qui cum bellis gerendis sæpissimè detinerentur, additus est novus Magistratus, *Prætor* unus, qui jus in Urbe diceret & hic dictus est *Urbanus*. Postea advenientibus in Urbem multis peregrinis, creatus est alius *Prætor*, qui inter peregrinos jus diceret; & hic dictus est *Prætor peregrinus*. Deinde scribit Liv: *Epit: XIX & lib: XXXII.* tot fuisse *Prætores*, quot Provinciæ in ditionem Romanâ venerant. *Prætores* etiam dicti erant exercituum Rectores, quibus summum Imperium commissum fuit: unde Cohors *Prætoriana* appellabatur.

PROPRÆTORES potius dicebantur, non *Prætores* (quanquam & hæc appellatio in illis insolens non est) qui in Provinciis jus dicebant.

Pro-

PROCONSULES administrabant Provincias, quæ, cum inæquales essent, & una opimior alterâ, sorte sæpius distribuebant eas inter se ad contentionem excludendam; aliquando tamen easdem comparabant, hoc est, conveniebat inter Præfices de illis sine sortitione. Ad administrationem Provinciarum etiam Consules mittebantur, qui exactò licet Consulatu, in administratione tamen relinquebantur. Agebant verò omnia more Romano in suis Provinciis: *Forum* instituebant in præcipuis Urbibus, vocabant etiam *Conventus juridicos*, habebant *Causilicos Romanos* &c.

PROVINCIAE imprimis dictæ sunt vel *Frætorie*, vel *Consulares*, vel *Præsidiales* pro discrimine Magistratuum, qui ad eas regendas mittebantur à Senatu vel Principe. Provinciarum divisio alia, & quidem diversa fuit, pro diversis temporibus. Alia enim ratio fuit liberæ Reipublicæ, alia sub Augusto, alia sub aliis Imperatoribus, qui certè novis subdivisionibus multiplicarunt Provincias. Exemp: gr: *Hispania* à Punicis bellis divisa erat in *Citeriorem* & *Ulteriorem*, Augustus autem divisit eam in *Tarraconensem*, *Heticam*, & *Lusitaniam*. *Gallia* olim divisa fuit in

it in *Transalpinam & Cisalpinam*. Julius Cæsar *Transalpinam* in tres partes divisit, nempe *Celticam, Aquitanicam, & Belgicam*. Tandem eadem Gallia Diocletiani & Constantini tempore, cum novæ ubique subdivisiones fierent, XIV. Provincias complectebatur. Idem de ceteris Regnis & ditionibus sentiendum.

QUÆSTURA erat primus honoris gradus, à quo, post militiam, ad altiores Magistratus ascendebant, qui militiam persequi noluerunt. *Quæstorum* munus erat pecuniam publicam curare, ærario inferre, & ubi opus fuerat, distribuere, ejusque rei rationes atque tabulas conficere. Jnitio id Consules ipsi administrabant. Cum auctius ærarium esse cæpisset, qui ei præssent, constituti sunt *Quæstores* duo, qui *Urbani* dicebantur. His additi sunt postea duo alii, qui Consulibus in bello adessent. Denique crescente Republica duplicatus est eorum numerus. Sulla tandem constituit *Quæstores* XX. ex quibus singulis Præsidibus Provinciarum *Quæstor* est sorte additus. Tum demum à Julio Cæsare XL. *Quæstores* creati esse perhibentur. *Quæstores* Præsidibus Provinciarum fuerunt filiorum loco, Præsides à *Quæstoribus* ut Patres colebant.

lebantur. Tandem sub Cæsaribus à Quæstoribus translata est cura ærarii ad Præfectos

SUPPLICATIONES erant duplicis generis: *Tristes* pro avertendis malis prodigiis; & *Lætæ*, quibus pro victoria, aut Republica conservata gratiæ Diis, per unum, aut plures dies, agebantur, & si solenniores erant, ipsò Triumphò, judicante Catone *ad Cic: lib: XV. Ep: 5.* erant clariores. Decernebantur à Senatu; inter dies festos referebantur; & summa cum lætitia peragi solebant.

TRIBUNI plebis creati sunt sextò-decimò annò post ejectos Reges. Plebs enim visa sibi à Patritiis opprimi, secessit ex Urbe trans Anienem fluvium in montem sacrum, nec revocari potuit, nisi creatò sui ordinis hòc Magistratu, qui causam plebis in Senatu ageret, potestatemque haberet etiam decretis contradicendi, quod intercedere, vel uti hodie dicitur protestari, vocabant. *Tribuni plebis* initio duo creati sunt, hi verò statim tres collegas sibi adsumpserunt. Demum X. creati sunt, & hic numerus *Tribunorum plebis* diutius mansit. Magistratus hic minor erat ordine & dignitate, summa tamen ejus erat potestas propter potentiam

tiam multitudinis, aut plebis, quâ facile poterat Consulibus & toti Senatui resister. Unde etiam Cæsares, sub nomine *Tribunorum* horum imperium summum sibi firmarant, quotannis *Tribuni plebis* facti. *Tribuni ærarii* ordinis minoris Præfecti erant, qui attributam pecuniam, id est stipendium militum de ærario adnumerabant Quæstori. In Judiciis etiam ex tribus ordinibus mixtis hi *Tribuni Militum* erant Consulari potestate, qui abrogatis Consulibus, tres primum creati sunt, deinde quatuor, aliquando sex & octo creabantur, ut Patritiorum & Plebis ambitioni fieret satis.

TRIUMVIRI alii erant *Capitales*, qui custodiam carceris habebant, & curam suppliciorum; alii *Monetales*, qui rem monetariam, sive cudendæ pecuniæ curabant.

TRIUMPHUS erat maximum Præmiorum, quô Duces victores ornabantur. Qui triumphutari erant, ad statutum tempus extra Urbem manebant. Die *Triumphæ* Senatu præeunte Dux Portam triumphalem ingressus, vectusque curru, quem equi albi trahebant, in Capitoli-

um ascendebat, ubi factis Sacris in Templo *Jovis Capitolini*, publicæ epulæ per Civitatem dabantur. Ante triumphalem Curram præferebantur prædæ, imagines captarum Urbium depictæ; proximè autem ante currum ibant captivi Reges, Principes, manibus à tergo ligatis, qui si pejus de Romanis meriti fuissent, antequam in clivum Capitolinum venirent, in Tusculanum carcerem abducti strangulabantur.



EPISTOLÆ COMMENDATITIÆ

EPIST: I. *Ciceronis*

Ex lib: I. Famil: III.

Argumentum: *Aulus Trebonius exercebat negotiationes & mercaturam in Sicilia Provincia sub T. Appio Proconſule, à quo multas ſuis negotiis impetravit immunitates, ne à Publicanis vexaretur. Appio ſucceſſit in Provincia Lentulus, huic igitur commendat Cicero Trebonium, ut iisdem privilegiis gaudere poſſit, quæ ipſi conceſſa fuere ab Appio. In Commendatione oſtendit Cicero & amicitiam ſibi eſſe cum Trebonio, & rei æquitatem, & ſtudium ſuum in commendando, quæ partes Commendationis ſunt præcipuæ.*

Ex hoc argumento cuilibet attendenti facile innotescit, quis ſit contextus Epistolæ præſentis; quod quidem in reliquis omnibus præſtare pro viribus conabimur.

M. T. C. Lentulo S. D.

Aulo Trebonio, qui in tua Provincia magna negotia, & ampla & (1) expedita habet, multos annos utor familiariter. Jscùm antea ſemper & ſuo (2.)

B2

ſplen-

(1.) Non obnoxia litibus. (2.) Virtutibus.

splendore, & nostrâ cæterorumque amicorum commendatione gratissimus in provincia fuit; tûm hoc tempore propter tuum in me amorem, nostramque necessitudinem vehementer confidit his meis literis se apud te gratiosum fore. Quæ ne spes eum fallat, vehementer rogo te; commendoque tibi omnia ejus negotia, liberos, (3) procuratores, familiam; imprimisque, ut quæ T. Appius de ejus re decrerit, ea comprobes, omnibusque rebus eum ita (4) tractes, ut intelligat meam commendationem non vulgarem fuisse. *Vale.*

EPIST: II. *Ciceronis*

Ex lib: 6. Famil: IX.

Argum: Cicero commendat T. Furfano Cæcinam ex amicitia, quæ sibi fuerat cum ejus Patre, ex familiaritate, quam cum illo habuerat, usque à pueritia, tum ex communibus studiis; rogat itaque Furfanum, ut quod sua sponte esset facturum arga Cæcinam, tantus cumulus accedat ejus commendatione, quanti se scit ab ipso Furfano id fore sibi gratissimum.

M.T.C. T. Furfano Procos S. D.

Cum Aulo Cæcina tanta mihi familiaritas consuetudoque semper fuit, ut
nulla

(3.) Negotiationibus præpositos (4.) adjuves.

nulla major esse possit. Nam & Patre
 ejus clarò homine & forti virò pluri-
 mum 1) usi sumus, & hunc à puero,
 quod & spem magnam mihi afferebat
 summæ pròbitatis, summæque Eloquen-
 tiæ, & vivebat mecum conjunctissimè, non
 solum officiis amicitia, sed etiam studiis
 communibus sic semper dilexi, ut nullo
 cum homine conjunctius viverem. Ni-
 hil attinet me plura scribere; quàm mi-
 hi necesse est ejus salutem & fortunas,
 quibuscunque rebus possim, tueri, (2)
 vides. Reliquum est, ut cognorim plu-
 ribus rebus, quid tu & de bonorum for-
 tuna, & de Reipublicæ calamitatibus (3)
 sentires, nihil à te petam, nisi ut ad eam
 voluntatem, quam tua spente erga Cæci-
 nam habiturus esses, tantus cumulus ac-
 cedat commendatione mea, quanti me
 à te fieri intelligo; hoc mihi gratius fa-
 cere nihil pores.

EPIST: III. Ciceronis

Ex lib: 11. Famil: XVI.

Argum: Cicero cum plurimum deberet L. La-
 mia, quæ, quod olim ei faveret contra Clodium,

B3

fuc-

(1) Uti aliquò, significat communiter familiarem & ami-
 cum optimum illum esse. (2.) Vides, ob quas rationes
 eas tueri, & salutem ejus defendere debeam. (3) Qui, co-
 gnovi te juicere indignum esse viros bonos adversa
 fortunâ vexari.

fuerať à Gabinio Conſule relegatus, ſivè in exilium miſſus. Iſ itaque, cum peteret Praturam; velletque Cicero beneficii ejus ſe memorem offendere, commendat diligentiffime Bruto abſenti eundem Lamiam, oratque Brutum, ut ſcribat Romam ad Lupum familiariffimum ſuum, ut omnes Censurias, in quibus Brutus plurimum poterat, congreget, ad ſavendum Lamiæ Praturam petenti, cum nihil ſit omnino, quod ei gratius ſacere poſſit.

M.T.C. Bruto Imp: Cons: Deſig: S.P.D.

Permagni intereſt, quo tibi hæc tempore Epistoła reddita ſit, utrum cum ſollicitudinis aliquid haberes, an cum ab omni moleſtia vacuus eſſes. Itaque ei præcepi, quem ad te miſi, ut tempus obſervaret epistołæ tibi reddendæ. Nam quemadmodum coram, qui ad nos intempeſtivè adeunt, moleſti ſæpe ſunt, ſic epistołæ offendunt, non loco reddidæ. Si autem, ut ſpero, nihil te perturbat, nihil impedit, & ille, cui mandavi, ſatis ſcitè et commodè tempus ad te capit addeundi, confido me, quod velim, facile impetraturum. L. Lamiæ Præturam petit, hoc ego utor unò omnium plurimum. Magna (1) vetuſtas, magna conſuetudo intercedit, quodque plurimum valet, nihil mihi eſt ejus familiaritate jucundius

(1) à multo tempore ſervata familiaritas-

cundius. Magnò præterea beneficiò ejus, magnò meritò sum obligatus. Nam Clodianis (2) temporibus, cum equestris ordinis (3) Princeps esset, proque mea salute acerrimè pugnaret, à Gabinio Consule relagatus est, quod ante id tempus Civi Romano contigit (4) nemini. Hoc cum populus Romanus meminit, meipsum non meminisse turpissimum est. Qua propter persvade tibi, mi Brute, me (5) petere Præturam. Quanquam enim Lamia summo splendore, summâ gratiâ est, magnificentissimò munere ædilitiò, tamen quasi ea ita (6) non essent; ego suscepi totum negotium. Nunc si me tantis facis, quanti certè facis, cum Equitum Centurias tenes, in queis regnas, mitte ad Lupum nostrum, ut is nobis eas Centurias (7) conficiat. Non tenebo te pluribus. Ponam in extremo, quod sentio. Nihil est, Brute, cum omnia à te expectem, quod mihi gratius facere possis. *vale*

B4

EPI-

(2) quando Ciceronem Clodius oppugnaverat & Vrbe ejecerat. (3) inter primos. (4) quia primus Lamia, ad id usque tempus fuit, qui in exilium abiit. (5) quasi ego peterem. (6) tanquam non esset Lamia commendatissimus per suam Aedilitatem, quo in magistratu optimè se gessit. (7) ut compareret, seu ut Equites ad centuriata Comitia nobis congreget.

EPIST: IV. Ciceronis

Ex lib: 13. Famil: L.

Argum: Cicero commendat Curium in ciuitate
 Patrum negotiantem Aucto Proc: ut eum à mo-
 molestia & incommodis liberum & innoxium ser-
 uet.

M. T. C. Aucto Proc: S. D.

Sumpsi hoc mihi pro tua in me ob-
 seruantia, quam penitus perspexi, quam-
 diu Brundisii fuimus, ut ad te familiari-
 ter, & quasi pro (1) meo jure scriberem,
 si quæ res esset, de (2) qua valde labo-
 rarem. M. Curius, qui Patris negotiatur,
 ita mihi familiaris est, ut nihil possit esse
 conjunctius. Multa illius in me officia,
 multa in illum mea quoque: maximum
 est, summus inter nos amor, & mutuus.
 Quæ cum ita sint, si ullam in amicitia
 mea spem habes, si ea, quæ in me offi-
 cia & studia Brundisii contulisti, vis mi-
 hi etiam gratiora efficere, quanquam sint
 gratissima; si me à tuis omnibus amari
 vides, hoc mihi da atque largire, ut M.
 Curium (3) factum & tectum, ut ajunt,
 ab

(1) conuevi ad amicos (2) quam omnino efficere vel-
 lem (3) plena hæc locutio significat ab omni injuria pro-
 rectum, estque translata à re inanimata v.g. aq. ædibus ad
 hominem.

ab omnique incommodo, detrimento, molestia, sincerum integrumque conserves. Et ipse spondeo, & omnes hoc tibi tui pro me (4) recipient, ex mea amicitia, & ex tuo in me officio maximum te fructum, summamque voluptatem esse capturum.

EPIST: V. *Bembi*

Ex lib: I.

Argum: Bembus Patavii degens studiorum causâ, commendat Barzizium medicum & Philosophum Bernardo Bembo Patri suo, & Paulo Pisano, Triumviris Venetiarum, ut eum ab exili in Patriam redire permittant, idque faciant, & pro sua justitia, & pro Barzizii innocentia, rogat.

P. Bembus Bernardo Bembo Patri, & Paulo Pisano Triumviris S. P. D.

Baptistæ Barzizii medici, atque Philosophi, hominis & omni virtutum genere perornati, & mihi amicissimi, causam vel salutem potius, & fortunas omnes commendo vobis majorem in modum. Hujus rem totam, vos, si jam (ut arbitror) ex ipso cognovistis; puto meâ commendatione eum non egere: satis enim vobis illum, vel causæ genus, vel ipsius sanctitas & summa virtus commendavit

(4) spondebunt, probabunt.

davit. Sin autem non cognovistis, date operam (obsecro) ut virum egregium & innocentem malevolorum hominum calumniâ & dolô malô ereptum è sinu Conjugis, ex amplexu suorum, errantem tot annos, & jam senem, Patriæ tandem, & Civibus, & domui suæ restituatis. Ego cum ejus causâ vehementer laboro, tum vestræ dignitatis & fidei interesse plurimum existimo, ne is vestram opem frustra imploret. Quid enim injustius, quàm si à doctis & sanctis viris homo innocentissimus, Philosophus præstantissimus deseratur? quod si is aliquando per vos restitutus, redierit ad suos; pulcherrimè vos confido, in meque recipio, operam vestram & officium posuisse existimatos. *valet.*

EPIST: VI. *Bembi*

Ex lib: I.

Argum: Manzonius Patavinus repetierat à Patris Bergomi degentibus summam certam, à Patre suo adhuc in vivis existente illis concessam, quam pecuniam illi Patris quâdam Bergomatium lege sibi debere cedere probabant, nec Manzonio eandem jure post Patrem vitâ functum repetenti reddere voluerunt, Hanc itaque causam Manzoni commendat Bembo Prætori Bergomatium, rogatque eum pro ipsiusmet humanitate & justitia, rem cognoscat.

P.

P. Bembus Paulo Pisano Equiti, Prætori Bergomatium S. P. D.

Quia non est obscurum, quàm me
ames: neque ipse possū facere, quin ti-
bi commendem eos, qui cum optimi vi-
ri sint, & mihi aliquā necessitudine con-
juncti; putant se abs te suum jus, me pe-
tente, assequi posse facilius: Neque tu
debes recusare, quò minus multos tibi
obliges honestos homines, pro quibus
(1) veteres tui familiares te rogant, præ-
sertim in iis rebus, quibus (quæ tua est
humanitas) non tu illis quidem deesses,
etiam si te nemo rogaret. Itaque Pe-
trum Franciscum Manzonium, Patre or-
batum optimò sanè virò, commendo ti-
bi diligentissimè. Is contra Patruos agit,
qui in petitione summæ, quam ei debent,
Bergomatium cujusdam legis auxiliò, fa-
tis imbecillæ quidem ac levis, rem injus-
tè impediunt contra Pataviorum leges
gravissimas, quorum ille (2) municeps
est. Peto igitur à te, ut rem cognos-
cas, & cum primum poteris, judices. Nec
patiaris probum hominem, & mihi in ea
necessitudine, quam cum Patavinis habeo,
con-

(1) dicit Bembus esse se amicum veterem Paulo. (2)
gaudet legibus & jure Patavinorum.

conjunctissimum, eludi & frustrari ab iniquis viris. Non dicam plura, ne aut amici causæ videar, aut amoris erga me tuo diffidere. Unum addam: quantum tuæ operæ Manzonio præstiteris hac in re, tantum me amari abs te posthac estimaturum. *vale.*

EPIST: VII. *Bembi*

Ex lib. 4.

Argum: Polionius habens causam Urbini, primum judicatus est innoxius, ed denuò in jus vocatus, ab iisdem Judicibus condemnatus fuit. Commendat igitur Bembus causam Polionii tanquam suam, Ubaldo Feretrio Urbinat. m. Duci, petitque ab eo, ut Polionium non præsentem in iudicio, nec se per Procuratores seu causidicos defendentem, imo nec vocatum seu citatum, & tamen condemnatum, sua auctoritate erigat, idque faciat juxta leges; ac sententiam iniquam Judicii prioris, quod omnes agrè ferunt, in meliorem mutet.

P. Bembus Ubaldo Feretrio Urbinatum
Duci S. P. D.

Quamquam ea tua humanitas est, ea pietas, ea rerum fortunæque variorum eventorum experientia, ut non dubitem, quin in tuendis bonis viris propter invidorum improbitatem aliquâ affectis illustri injuriâ, qui tuam opem, tu-

um

um auxilium implorant, satis per te ipse incitatus (1) inclinatusque sis; tamen cum Marcus Polionius, cui iustissima in causa, tuò patrociniò magnopere opus est, vir cùm perhumanus & prudens, tùm mihi quàm familiaris, ita sibi persvadeat: si tibi sese ipse commendavero, fore, ut ad illam tuam propensionem, quam dico, magnus in se tuendo cumulus voluntatis accedat; petenti amico deesse nolui: ne viderer vel benignitati tuæ, quàm me dum (2) hic esses, perhumaniter es complexus; vel meo erga te studio, observantiæ, cultui, quibus te semper sum prosequutus, diffidere. Itaque te breviter, etiam, atque etiam rogo, ut ipsius Marci causam, dignitatem, fortunas omnes, sic tuendas suscipias, ut planè meas; existimesque me abs te mihi ipsi petere, quod illi peto. Ab hujus (3) Procuratoribus intelliges: quàm malignè quàm impudenter fecerint, qui illum, quā in causa semel fuerat ipsis judicantibus absolutus, in eadem nunc condemnarint: non solum non præsentem (erat enim tunc in Gallia Cisalpina domi suæ) nec se

(1) ad tuendos bonos viros per se facilis (2) Venetis, unde Bembus hanc scripserat Epistolam. (3) Causidicis, vel, ut vulgo dicitur, plenipotentariis.

se per Procuratores defendentem, sed planè etiam non vocatum: quò, me hercule, unò nihil potest esse injustius, nihil inusitatus, nihil à Romani (4) fori dignitate magis alienum. Quæ cum ita se habeant; peto abs te, ut illi fautor adjutorque sis; ut ea ipsa causâ iterum in Judicium deferatur; eique (5) integrum sit, pro innocentia, pro dignitate, pro fortunis suis, pro capite ea omnia agere, quæ jure ac lege iis, quibus crimen aliquod objectum est, conceduntur. Quâ in re non possum dicere, quàm multis Civibus, magnis ac bonis viris & observantissimis tui, qui ægerrimè istam Judicii indignitatem perferunt satisfeceris, vel potius universæ Civitati, quæ quidem etiam literas his de rebus ad Legatū suum Romam (6) publicè misit. Quamobrem non agam tecum pluribus. Ex eo enim, qui has tibi literas reddidit, omnia, quæ te scire opus est, facile intelliges. Sed ad illud, quod initio dixi, rediens, scire te planè volo, quæcunque in Polionium contuleris, ea abs te omnia in
me

(4) non citatum vel termino non conventum (5) à Romanis legibus & forma judicandi (6) ut possit denuo vel de novo juxta formā judicii omnia agere (7) querimoniam seu manifestationem de injuria in scriptis porrexit:

me fuisse collata me existimaturum. Quàm
benè autem officium tuum sis positurus,
si illum innocentem sublevabis, multa
te docere poterunt, quæ malo re, quàm
verbis, te cognoscere. *Vale.*

EPIST. VIII. *Plinii*

Ex lib: I.

*Argum: Plinius petitus à Maurico, ut sui
fratris filia maritum deligeret, commendat ei Aci-
lianum, juvenem honestum; commendationem verò
facit tum à Parentum splendore, tum ab opibus, &
honoribus gestis, tum vel maximè à virtutibus.*

Plinius Junio Maurico suo S.

Petis, ut fratris tui filia prospiciam
maritum: quod meritò mihi potissimum
injungis. Scis enim quantopere (1) sum-
mum illum virum suspexerim, dilexerim-
que; quibus ille adolescentiam meam
exhortationibus (2) foverit, quibus eti-
am laudibus, ut laudandus viderer, effe-
cerit. Nihil est quod à te mandari mihi
aut majus, aut gravius, nihil quod hone-
stius à me suscipi possit, quàm ut eligam
juvenem, ex quo nasci nepotes Aruleno
Rustico deceat. (3) Qui quidem diu quæ-
rendus

(1) Arulenum Rusticum Fratrem Maurici (2) quàm
optimè educaverit & instituerit. (3) Genex:

rendus fuisset, nisi paratus, & quasi provisus esset Minucius Acilianus, qui me ut juvenis juvenem (est enim minor pauculis annis) familiarissimè diligit, reveretur ut senem; Nam ita à me formari & institui cupit, ut ego à (4) Vobis solebam. Patria est ei Brixia ex illa (5) nostra Italia, quæ multum adhuc verecundiæ, frugalitatis atque etiam rusticitatis antiquæ retinet ac fovet. Pater Minucius Macrinus equestris ordinis princeps, qui nihil (6) altius voluit, allectus à Divo Vespasiano inter prætorios, honestam quietem huic nostræ ambitioni, dicam dignitati, constantissimè prætulit. Habet aviam maternam Serranam Proculam è Municipio Patavino; Nosti loci mores; Serrana tamen Patavinis quoque severitatis exemplum est. Contigit & Avunculus ei P. Acilius gravitate, prudentiâ fide prope singulari. In summa, nihil erit in (7) Domo tota, quod non tibi tanquam in tua placeat. Aciliano verò ipsi plurimum vigoris & industriæ: quanquam in maxima verecundia Quæsturam, Tribunatum

(4) à Mauricio & Aruleno. (5) Transpadana, ubi virtus, abstinentia, simplicitas maximè viguisse dicitur. (6) altiores dignitates refugit. (7) in Familia, seu cognatione.

tum, Præturam honestissimè (8) percurrit, ac jam pro se tibi necessitatem ambigendi (9) remisit. Est illi facies liberalis, multò sanguine, multò rubore suffusa. Est ingenua totius corporis pulchritudo, & quidam Senatorius decor, quæ ego nequaquam arbitror negligenda. Debet enim hoc castitati puellarum, quasi premium dari. Nescio an adjiciam esse Patri ejus amplas facultates? nam cum imaginor (10) vos, quibus quærimus generum, filendum de facultatibus puto; cùm (11) publicos mores atque etiam leges (12) Civitatis intueor, quæ vel imprimis census hominum spectandos arbitrantur, ne id quidem prætereundum videtur. Et sanè de posteris, & his pluribus cogitanti, (13) hic quoque in conditionibus deli-

C

gen-

(8) ante ætatem summo cum honore administravit Magistratus mox dictos (9) quod quasi jam aliis amicis suis dignitates reliquerit petendas. (10) vos, qui non censum in marito, sed virtutes respicitis. (11) Iam verò pro more in genere quærantur opes (12) Constituta lex fuerat ab Aug. Imp: ut saltim ducenta sester tia possiderent, qui judices esse vellent unde etiam ducentarii Judices vocabantur. hinc etiam innuit eum esse opulentum. (13) hæc quoque conditio si ponatur, dicit abundare facultatibus Mauricam.

gendis ponendus est calculus. Tu fortasse me putas (14) indulgisse amoris meo, supraque ista, quam res patitur, sustulisse; at ego fide mea spondeo futurum, ut omnia longè ampliora, quàm à me prædicantur, invenias. Diligo quidem adolescentem ardentissimè, sicut meretur. Sed hoc ipsum à mantis, non onerare eum laudibus. *vale.*

EPIST: IX. *Plinii*

Ex lib: 2.

Argum: *Sextus Euritius voluit fieri Tribunus. Hunc itaque Plinius commendat Appollinari Consuli designato, ut cum in petitione Tribunatus adjuvet; exponens quot in illum beneficia contulerit, quibus virtutibus & quantis Parentum laudibus ornetur.*

Plinius Appollinari suo S.

Anxiū me & inquietū habet pētitiō Sexti Euritii mei. Afficior curā; & quam pro me sollicitudinē non adii, quasi pro (1) me altero patior; & alioquin meus pudor, mea existimatio, mea dignitas in discrimen adducitur. Ego sexto (2) Latum-clavum à Cæsare nostro

(14) Scripsisse de juvenē, quem amo, plura quam essent scribenda.

(1) dicit se Euritium, vel Euritium se esse. (2) dignitatem senatoriam etenim latus-clavus erat vestis Senatoria.

nostro, ego Quæsturam impetravi; me-
 ô (3) suffragiô pervenit ad jus Trîbu-
 natûs petendi: quem nisi obtinet in Se-
 natu, vereor, ut (4) decepiſſe Cæſarem
 videar. Proinde adnitedum eſt mihi,
 ut talem eum judicent omnes, qualem
 eſſe Princeps mihi credidit: quæ (5)
 cauſa ſi ſtudium meum non incitaret, ad-
 jutum tamen cuperem juvenem probiſſi-
 mum, graviſſimum, erudiſſimum, omni
 denique laude digniſſimum, & quidem
 cum tota Domo. Nam Pater ejus E-
 uritius Clarus, vir ſanctus, antiquus di-
 ſertus, atque in agendis cauſis exerci-
 tatus, quas ſummâ fide, pari conſtan-
 tiâ, nec verecundiâ minore defendit.
 Habet Avunculum C. Septitium, quô
 nihil verius, nihil ſimplitiuſ, nihil can-
 didiuſ, nihil fideliuſ novi. Omnes me
 certatim, & tamen æqualiter amant;
 omnibus nunc ego in uno referre gra-
 tiam poſſum. Itaque prendo amicos,
 Cz sup-

(3) auxiliô, favore meo licuit ipli petere Tribunatum
 Plebis (4) Senatu proponeret populo Tribunum con-
 firmandum. dicitur Plinius ſe vereri, Sextum indi-
 gnum Tribunatu judicari à Senatu, cum eum dignum eſſe
 perſuaderet Trajano (5) prior commendatio Euritii a-
 pud Trajanum per me facta.

supplico, ambio Domus, (6) stationesque circumeo, quantumque vel auctoritate vel gratiâ valeam, precibus experior. Te quoque obsecro vel aliquam oneris mei partem suscipere tanti putes. Reddam vicem, si reposces; reddam, & si non reposces. (7) Diligeris, coleris, frequentaris, ostende modo vale te, nec decrunt, qui, quod tu velis, cupiant. *vale.*

EPIST: X. *Plinii*

Ex lib: 10.

Argum: Plinius rogat Trajanum Imperatorem, velit commendatum habere Rosianum, sibi arcta familiaritate conjunctum, ad hæc virum probum & industrium, Caesarisque ipsius Commilitonem.

Plinius Trajano

Rosianum Geminum, Domine, arctissimò vinculo mecum tua in me beneficia junxerunt. Habui enim illum Quæstorem in Consulatu, mei summè observantissimum expertus: tantam mihi post Consulatum observantiam præstat

(6) ubi conveniunt Cives in otio fabulandi causa.
(7) habes amorem plebis, habes devinctum tibi populum.

stat ut (1) publicæ necessitudinis pignora privatis cumulet officiis. Rogo ergo, ut ipsi apud te pro dignitate ejus precibus meis faveas; cui si (2) indulgentiam tuam dabis, dabit ipse operam, ut in his, quæ ei mandaveris, majora mereatur. Pauciores me in laudando facit, quod spero tibi, & integritatem ejus, & probitatem, & industriam non solum ex ejus honoribus, quos in Urbe sub oculis tuis gessit, verum etiam ex Commilitio esse notissimam. Illud unum, quod propter charitatem ejus, nondum mihi videor satis (3) pleno fecisse, etiam atque etiam facio, teque, Domine, rogo, gaudere me exornatâ Quæstoris mei dignitate, id est, per illum, meâ, quàm maturissimè velis.

EPIST. XI. *Sabellici.*

Argum: Sabellicus commendat Benedicto Trivisano Paduæ Prætori Creticum Philosophiæ Professorem, ut illi salarium augeatur.

C3

Sa.

(1) à Quæstoribus Parentis loco Consules sunt habiti. Rosianus etiam privato Plinio eundem honorem præstitit, impensè eum colendo, ideo dicitur quasi nova veteribus conjungere officia. (2) si eum aliquo honorifico officio fungi permiseris, optimè merebitur. (3) satis te rogasse.

Sabellicus Benedicto Trivisano S.

Audire hic pro Collegio Sapientum de Salario & mercede Cretico augenda agitari. Philosophatur is græcè, & Latine multâ celebritate nominis in isto clarissimo Gymnasio. Ego, qui doctis libenter faveo, nihil à meo officio alienum duxi hominem eruditissimum tuæ amplitudini commendare, eâ, dico, commendatione, quæ diligentissima esse potest omnibus tuis in me officiis, quæ multa & magna esse fateor; hoc certè erit amplissimum, si cum meâ causâ, tum suò veteri institutò, humanitas tua bonas artes in hoc homine fuerit complexa. Summa eorum omnium, quæ illi in præsentia præstari cupio, hæc est, ut tuò testimoniò, si testimoniò opus fuerit, apud eos, quibus rei hujus decernendæ provincia delata est, dignitatem hominis diligentem me per te ornatam velis, erit hoc mihi vehementer gratum. *vale.*

Exemplum.

Argum: Commendatur vir quidam industrius ad negotia majoris momenti apud Principem agenda

Scio non sine causa dictum Horatio:
Squem cui commendes, etiam atque
etiam

etiam aspice. Sed hujus hominis integritas, sic mihi multis argumentis est explorata, ut non dubitem illum tibi, vel capitis mei periculò commendare. Quem si complecteris, gratias agam, quod mihi credideris. Sed tu mihi magis ages gratias, quod tibi tradiderim hominem in manum, qui tibi fuerat etiam è longinquo arcessendus. Et quidem cur hunc hominem tibi tantò studio commendandum putarim, mirari defines, ubi eum propius nosse cæperis. *vale.*

EPISTOLÆ CONSOLATORIÆ

EPIST: I. *Ciceronis*

Ex lib: 4. Famil: V.

Argum: *Tullia Ciceronis filia, quæ primùm nupserat Pisoni, deinde Dolabella post mortem Pisonis, tantæ fuit elegantiae & morum suavitatis, ut anima & dimidium cordis Patris à Cicerone appellaretur. Eà mortuâ, ipso tempore, cum Caesar devictis in Hispania Pompeji liberis sine Collega Consul esset, & solus Republicanam occuparet, inconsolabiliter doluit Cicero. Sulpicius igitur vir amicissimus hanc epistolâ eum consolandum ducit, collectis undique rationibus & exemplis*

plis, quæ possent omnem dolorem amovere; arguit enim à necessitate generali moriendi, ab Auctoritate & Sapientia Ciceronis, quem non decet luctui indulgere, deinde ostendit mortem Filiae eo tempore contigisse ut magis quodammodo gratulandum ei (quod oppressam Rempubicam à Cesare non videat) quam dolendum sit &c.

Servius Sulpicius Ciceroni S. D.

Postquam mihi renuntiatum est de obitu Tulliae, filiae tuæ, sane, pro (1) eo ac debui, graviter molestèque tuli, communemque eam calamitatem existimavi. Qui si istuc affuissem, neque tibi defuissem, coramque meum dolorem tibi declarassem. Etsi genus (2) hoc consolationis miserum atque acerbum est, propterea, quia per quos ea fieri debet, propinquos ac familiares, ipsi pari molestiâ afficiuntur, neque sine lachrimis multis id conari possunt: ut magis ipsi videantur aliorum consolatione indigere, quàm aliis posse suum officium præstare. Tamen quæ in præsentia in mentem veniunt, decrevi brevi ad te perscribere, non quod ea te fugere existi-

(1) qui sum tibi amicissimus, ideoque & dolor est communis mihi ac tibi (2) cum amici consolantur, quia, & quæ illi consolatione indigent.

stimem, sed quod forsitan, dolore impeditus minus ea percipias. Quid est, quod tantopere te commoveat tuus dolor intestinus? Cogita, quemadmodum adhuc fortuna (3) nobiscum egerit, ea nobis erepta esse, quæ hominibus non minus, quàm liberi, cara esse debent: Patriam, honestatem, dignitatem, honores omnes. Hòc unò (4) incommodò additò, quid ad dolorem adjungi potuit? atque quì in illis rebus exercitatus animus (5) callere jam debet, atque omnia minoris æstimare? An (6) illius vicem (credo) doles? Quoties in eam cogitationem, necesse est, & tu veneris, & nos sæpe incidimus, hisce temporibus non pessimè cum iis esse actum, quibus sine dolore licitum est mortem cum vita commutare. Quid autem fuit, quod illam hoc tempore ad vivendum magnopere invitare posset? quæ res? quæ spes? quod animi solatium? Ut cum aliquo

(7)

(3) quantum nos ipsi passi sumus. (4) sc. morte filii additâ ad supra dicta mala, quasi nihil adjiceretur dolori in comparatione eorum. (5) obduruisse consuetudine. (6) Tullii, quod è vivis excesserit, idque dicit non esse dolendum, quia sine dolore amissæ Patriæ mortuæ est, & dicit hoc in communi (7) Tullia enim divortiam facerat, cum Dola bella, antequam pareret.

(7) adolescente primario juncta ætatem ageret? Licitum est tibi (credo) pro tua dignitate ex hac juventute generum deligere, cujus fidei liberos tuos & te tuto committere putares. An ut ea liberos ex se se pareret, quos cum (8) florentes videret, lætaretur? qui rem à Parente traditam per se tenere possent? honores ordinatim petiturieffent in Rep: in amicorum negotiis libertate sua uti? Quid horum fuit, quod non prius quàm datum est, (9) ademptum sit? At vero malum est liberos amittere. Malum, nisi (10) hoc pejus sit, hæc sufferre & perpeti. Quæ res mihi non mediocrem consolationem attulit, volo tibi commemorare, si forte eadem res tibi minuere dolorem possit. Ex Aia rediens, cum ab (11) Ægina Megaram versùs navigarem, cæpi regiones circumcirca prospicere; post me erat

Æ-

(8) hoc est, virtutibus, literis, & honoribus gradatim petitis. (9) ad omnia illa commoda, facilitas sublata fuit, in oppressa Rep: (10) quia mortem filiorum animò patimur, mala autem alia & corpore sufferimus, quod pejus est. (11) ab uruibz diratis & prostratis contendi lenire dolorem Ciceronis ex obitu filiaz habitum,

Ægina, ante Megara, dextrâ Piræus, sinistrâ Corinthus, quæ oppida uodam tempore florentissima fuerunt nunc prostrata & diruta ante oculos jacent; cæpi egomet mecum sic cogitare H. m! nos homunculi indignamur, si quis nostrum interiit, aut occisus est, quorum vita brevior esse debet. cum unô loco tot oppidorum cadavera projecta jaceant? Visne tu, Servi, te ¹² cohibere, & meminisse hominem te esse natum? Crede mihi, cogitatione eâ non mediocriter sum confirmatus. Hoc idem, si tibi videtur, fac ante oculos tibi proponas. (13) Modo, uno tempore tot viri clarissimi interierunt; de Imperio præterea tanta diminutio facta est: omnes Provinciæ conquassatæ sunt, in unius (14) mulierculæ animula, si jactura facta est, tantopere commoveris? quæ si hoc tempore non diem suum obij-

(12) inducit se loquentem Servius & dicit, visne colligi & ad rationem adduci?

(13) paulo ante, cum gerebantur bella civilia. (14) utitur diminutione ut majora illa mala, quæ mox enumerata sunt, ostendantur, nonque tam vehementer doleat mortem Tullii in comparatione tot virorum Clariss: tot Provinciarum sublatarum &c.

blisset, paucis post annis tamen ei moriendum fuit, quoniam homo nata fuerat. Etiam tu ab hisce rebus animum ad cogitationem tuam avoca, atque ea potius reminiscere, quæ digna tuâ personâ sunt: illam, quamdiu ei opus fuerat, vixisse, unâ cum Republica fuisse; te Patrem suum, Prætorem, Consulem, Augurem vidisse; adolescentibus primariis nuptam fuisse; omnibus bonis prope perfundam esse; cum Respublica occideret, vitâ excessisse. Quid est, quod tu aut illa, cum fortuna (15) hoc nomine queri possitis? Denique noli te oblivisci Ciceronem esse, & unum, qui aliis consueveris (16) præcipere & dare consilium; neque imitari malos medicos, qui in alienis morbis profitentur tenere se medicinæ scientiam, ipsi se curare non possunt; sed potius quæ aliis tutè præcipere soles, tu te tibi subjice, atque apud animum propone: Nullus dolor est, quem non longinquitas temporis minuât, ac emolliat Hoc te expectare (17) tempus, tibi turpe est, ac non
ei

(15) mortis causâ nihil est, quod adversam fortunam doleas (16) scriptis commendare fortitudinæ, constantiam &c. (17) longinquum scilicet, quod per se minuat dolorem.

ei rei sapientiâ tuâ te occurrere. Quod si quis etiam (18) inferis sensus est, qui illius in te amor fuit, pietasque in omnes suos, hoc certè illa te facere non vult. (19) Da hoc illi mortuæ, da ceteris amicis ac familiaribus, qui tuo dolore mærent; da Patriæ, (20) ut, si qua in re opus sit operâ & Consilio tuo uti possit. Denique quoniam in (21) eam fortunam devenimus, ut etiam huic rei serviendum sit, nobis committere, ut quisquam te putet, non tam filiam, quam Reipublicæ tempora & aliorum victoriam lugere. Plura me ad te de hac re scribere pudet, ne videar prudentiæ tuæ diffidere. Quare si hoc unum proposuero, finem faciam scribendi: vidimus aliquoties secundam pulherrimè te ferre fortunam, magnamque ex ea re te laudem adipisci, fac aliquando intelligamus adversam quoque te æquè ferre posse, neque (22) id majus, quàm debeat, tibi onus videri; ne ex omnibus virtutibus (23) hæc una tibi vide-

(18) si mortui sentiunt (anima enim immortales esse crediderant) nolunt te tantopere doleres, (19) fac propter Tulliam, ut non doleas. (20) quia pressus dolore non facile benè consules (21) ut secundum aliorum iudicium, qui lætari sibi videntur, quod Cæsar oppressit Rempublicam vivamus. (22) non debet dolor esse viri vulnere maior. (23) tolerantia.

videatur deesse. Quod ad me attinet cum te tranquilliorē animō esse cognovero, de iis rebus, quæ hic geruntur, quem admodum se Provincia habeat, certiorē faciam. *vale.*

EPIST. II. *Ciceronis*
Ex lib: 5. Famil: XVIII.

Argum: Titius Fadius Roma cum divitias magnas sua viri utē comparasset, & honores amplissimos consecutus fuisset, occupatū per Cæsarem Republicā, privatus dignitatibus omnibus, in exilio vivebat. Itaque Cicero eum consolatur, hortaturque, ut forti animo frāt incommo- dum; tam pro ratione temporis, quō hęc acciderunt, cum majora accidere potuerunt, quā ex comparatione ad alios, qui plura amiserunt.

M.T.C. Titio Fadio S. D.

Et si egomet, qui te consolari cupio, consolandus ipse sum; propterea, quod nullā rē gravius jamdiu tuli, quā n in commodum tuum; tamen te magnopere non hortor solum, sed etiam, pro amore nostro, rogo atque oro, te colligas, virumque præbeas, & qua (1) conditione omnes homines, & quibus temporibus nati simus, cogites. (2) Plus
tibi

(1) ut subiciamur omnibus telis fortunæ (2) Virtute adeptus es gloriam & laudem, fortuna tibi abtulerit tantummodo Patriam & dignitates

tibi virtus tua dedit, quàm fortuna au-
stulit, propterea quod adeptus es, quod
non multi homines (3) novi; amilisti,
quæ plurimi homines nobilissimi. Ea de-
nique videtur conditio impendere legum,
judiciorum, temporum, ut optimè actum
cum eo videatur esse, qui quàm (4) levissi-
mâ pena ab hac Republica discesserit.
Tu verò, qui & fortunas & liberos ha-
beas, & nos ceterosque necessitudine,
& benevolentia tecum conjunctissimos,
cumque magnam facultatem sis habitu-
rus nobiscum, & cum omnibus tuis vi-
vendi; & cum (5) unum sit judicium,
ex tam multis, quod reprehendatur, ut
quod unâ sententiâ, eâque dubiâ, potenti-
æ alicujus condonatum existimetur: om-
nibus his de causis debes istam mole-
stiam, quam levissimè, ferre, meus a-
nimus erit in te, liberosque tuos sem-
per, quem tu esse velis, & qui esse debet.
vale.

EPI-

(3) quia pauci, quorum plurimi non pridem Romani
cives facti sunt, tantas dignitates adepti sunt quantas
Fadii; & amiserunt eas etiam antiquissimi & nobilissi-
mi (4) levissimam penam his temporibus diu esse
exilium. (5) una sententia Cæsaris qui te iudicat exi-
lio puniendum, est reprehendenda, cum alii omnes ferè
de te benè sentiant, unius itaque judicium prætermi-
tendum est, vel fortiter ferendum.

EPIST: III. Ciceronis

Ex lib: 6. Famil: II.

Argum: Aulus Torquatus cum fuisset Pompejanus, devictò Pompejò pugnâ Pbarsalicâ, & in desperationem adductis rebus per Casarem (cum nihilominus per Pompejanos & Casarianos pugnaretur) contulerat se Athenas, ubi desiebat communes miseras & angebatur tum de rebus suis, tum de Repla. Affert igitur Cicero rationes, quibus probat, nihil esse, quod Torquatus moleste ferat, cum res sint adhuc in varietate, nec ita in malam partem inclinata, ut aliqui opinari possint, primum tamen ponit causas quare rarius scribat.

M.T.C. Torquato S.D.

Peto à te, ne me putes oblivione tui rarius ad te scribere, quàm soleam, sed aut gravitate valetudinis, quâ tamen jam paullum videor levare; aut quia absum ab Urbe, ut qui ad te proficiscantur, scire non possim. Quare velim ita statutum habeas, me tui memoriam cum summa benevolentia tenere, tuasque omnes res non minori mihi curæ, quàm meas esse. (1) Quod majore in varietate ver-
fata

(1) quod variè exagitatus, vel quod variam fortunam expertus sis, quam te expertum iri nemo existimabat, id puto temporibus generaliter malis non moleste ferendum.

sata est tua causa, quàm homines aut volebant, aut opinabantur: mihi crede, non est, pro malis temporum, quod molestè feras. Necesse est enim, aut armis augeri Rempublicam sempiternis, aut, his positis, recreari aliquando, aut funditus interire. Si arma valebunt, nec (2) eos à quibus recesseris, vereri debes, nec eos, quos adjuvisti; si armis aut conditione abjectis, aut victoriâ detractis, Civitas respiraverit, & dignitate frui tibi & fortunis licebit. Sin omnino interierint omnia, fueritque (3) is exitus, quem Vir prudentissimus M. Antonius, jam tum timebat, cum tantum instare malorum suspicabatur; misera est illa quidem consolatio, tali præsertim Civi & Viro, sed tamen necessaria: nihil esse cuiquam dolendum in eo, quod accidat universis. Quæ vis insit in his paucis verbis (plura enim epistolæ committenda (4) non erant) si (5) atten-

D

das

(2) nec Cæsarianos, nec Pompejanos timere debes, si armis res didicetur. (3) Antonius jam tunc, cum adhuc inter Marium & Syllam fuerunt dissensiones, prævidebat malos regnatos, nec Bella civilia finem habitura, donec Respublica penitus esset deleta. Hanc igitur dicit exitum. (4) mentione facta de Reipublicæ regimine, dicit se vereri plura scribere. (5) si consideres, ut consideras, sc: hac pauca verba.

das, quod facis, profectò etiam sine meis literis, intelliges, te aliquid habere, quod speres? nihil quod, aut (6) hòc, aut aliquo Reipublicæ statu timeas. Omnia si interierint cum superstitem te esse Reipublicæ, (7) ne, si liceat, quidem velis; ferendam esse fortunam, præsertim quæ absit (8) à culpa. Sed hæc hactenus. Tu velim scribas ad me, quid agas, & ubi futurus sis, ut aut quò scribam, aut quò veniam, scire possim. *vale.*

EPIST: IV. *Bembi.*

Ex lib: 17.

Argum: Epistolam hanc scribit Bembus nomine Leonis X. Pont: Max: ad Ludovicum Galliciarum Regem, tum testificando dolorem suum, quem habet ex morte Regina Uxoris ejus, tum consolando ipsum Regem. Et primum ostendit se Pontifex dolere ex eo, quod Regina virtutibus, & pietate in Deum illustris, defuncta sit; quod Rex dolore afficiatur, quod Pontificem amore prosequuta fuerit; & quod omnes post eam, tanquam copiani; reliqui sint. Tum demum prosequitur rationes & causas, quas tam ad se, quam ad Regem e dolore levandum accommodat.

Lu.

(6) minimè velles etiam vivere amissâ Republicâ
(7) quam non nostrâ culpâ contraximus, cum bene
semper patriæ optaverimus.

Ludovico Gallia Regi.

De Anna Reginae Uxoris tuæ morte
certior factus, magnam tanè mole-
stiam cæpi, cū n̄ propterea, quod Fæ-
minam egregiā singularique virtute, &
spectatō in Deum, ac Dei Ecclesiam cul-
tū pietateque amissimus; tūm quia te
pro amore tuo in illa n̄ laudabili, illius-
que in te, maximō esse dolore affectum
multorum literis intellexi. Accedit ad
hæc, quod me illa quasi Patrem opta-
tissimum pia amantissimaque filia incre-
dibili observantia prosequabatur. Re-
gnum etiam ipsum tuum, cæteræque
Gentes opis alienæ (1) indigæ, in quas
illa munificentiam exercebat suam, mul-
tum mihi amississe in ea muliere bonæ
spei, atque præsidii videbantur. Ita-
que pluribus & quidem iustis maximis-
que de causis vehementer (2) is me nun-
cius perturbavit. Verum cum optimam
vivendi rationem, summamque probita-
tem, & eximiam mulieris temperanti-
am, tam amplo in Imperio positæ, cæ-
terasque ejus præstantissimas virtutes

D2

ani-

(1) quæ indigent protegi gratis, aut beneficentiâ a-
liorum sublevari. (2) quod mihi delatum sit Regi-
nam è vivis excessisse.

animò repeteremus, & simul hujus vitæ misérias, atque horum temporum incommoda, perturbationesque respiceremus; in eam sententiam adducti sumus; ut benè cum iis actum esse statueremus, qui hoc tempore mortem cum vita commutavissent: Deum que Opt: Max: Annam Reginam ad se se, tanquam de terrarum ælu, & fluctibus ad portum, aut tanquam de fiebili hospitio ad plenam hilaritatis paternam domum, cælum ipsum, beatorum que Concilium vocavisse magnopere existimaremus: ubi illa benè actæ vitæ præmia, & cum liberalitati atque beneficentiâ, quibus duabus virtutibus supra mulierum captum erituit, tàm verò temperantiæ patientiæque suæ speratos fructus læta felicissimæque perciperet. Quæ omnino cogitatio maiorem quidem meum multum levavit. Quare te hortor, ut eadem atque similia, vel etiam meliora, quæ Tua tibi vel prudentia, vel animi magnitudo facile subministrabit, ad cogitationes tuas adhibeas; ægritudinemque, quam te Uxoris tuæ morte contraxisse audio, leves, ferasque æquò animò, quæ ferenda sunt; sunt autem

ea omnia, quæ aliter se habere non queunt. In quo & tuum ipse temperantiam, atque prudentiam maximè ostendes, & mihi, qui te unicè diligo, omnem merore abiterges, si te levatum sensero.

EPIST: V. Seneca.

Numero CVII.

Argum: Lucilius miserat servos suos ad quoddam negotium peragendum, servi hanc nacti occasionem fugæ, non redierunt ad Dominum. Cum ergo hac de causa nimium angeretur Lucilius, Seneca eum solatur, quod ut efficacius præstet, adducit plurima & varia, quæ licet molesta sunt, accidunt tamen omninò in vita hominum, ideoque dicit illa non inopinata esse debere, quæ verò prævisa sunt mala (& esse debent omnia) illa patienter sunt ferenda, præsertimque ea, quibus occurrere, vel quæ emendare non possumus.

Seneca Lucilio S.

Ubi illa prudentia tua? ubi in dispendiendis rebus subtilitas? ubi magnitudo? (1) Tam pusilla te angunt? servi occupationes tuas occasionem fugæ putaverunt. Si amici deciperent (habent enim sanè (2) nomen, quod il-

D3

lis

(1) quod servi fugerint, quibus fugiendi occasionem, fecerunt occupationes, ad quas missi fuerunt. (2) amicos non veros, dicit nomen solum habere amici.

lis Epicurus noster imposuit, ut ita vocentur) (3) quo turpius non sint omnibus rebus tuis, desint illi, (4) qui & operam tuam conterebant, & te aliis molestum esse reddebant. Nihil horum insolitum, nihil inexpectatum est. Offendi rebus istis tam ridiculum est, quàm queri, quod (5) spargaris in publico, aut inquineris in luto. Eadem vitæ conditio est, quæ (6) balnei, turbæ, itineris, quædam intermittentur, quædam incident. Non est (7) delicata res, vivere. Longam viam ingressus es, & labaris oportet, & arietes, & cadas, & lasseris, & exclames: O! mors, id est, (8) metiaris. Aliò locò comitem (9) relinques, aliò (10) efferes, aliò timebis. Per ejusmodi offensas emetiendum est confragosum hoc iter. Mori me vult? præparetur animus contra omnia. Sciat se venisse ubi (11) pati-

(3) si itaque, inquit, & amici deserant, jamne turbata omnia putandum? (4) quia propter amicos, & propria negotia sæpius prætere irimus, & aliis propter illorum negotia molesti reddimur. (5) quod de te alij sinistrè loquantur. (6) in balneis, in turbæ, in itinere quædam observamus, quædam non attendimus, sic &c. (7) vita nostra est misera. (8) ponas finem vitæ. (9) tacebis. (10) laudabis. (11) ubi fulmine sit perimendus.

patiatur fulmen; sciat se venisse, ubi:

"Luctus & ultrices posuere cubilia curæ

"Pallentesque habitant morbi, tristisque senectus,,.

In hoc contubernio vita degenda est. Effugere ista non potes, contemnere potes: contemnes autem, si sepe cogitaveris, & futura (12) præsumpseris. Nemo non fortius ad id, cui se diu composuerat, accessit; & duris quoque, si præmeditata erant, obstitit. At contra, imparatus, etiam levissima expavit. Id agendum est, ne quid nobis inopinatum sit; & quia omnia novitate graviora sunt, hæc cogitatio assidua præstabit, (13) ut nulli sis malò Tyro. Servi te reliquerunt. (14) Alium compilaverunt, alium accusaverunt, alium prodiderunt, alium calceaverunt, alium veneno, alium criminatione petierunt. (15) Quidquid dixeris, multis accidit. Deinceps quæ multa & varia sunt, in nos diriguntur. Quædam in nos fixa sunt, quædam vi-

D4

brant

(12) prius ante oculos posueris. (13) ut nullum sit malum, in quo primum, tanquam accedens ad militiam, ercearis. (14) dicit alios servos suis dominis madamini, & molestias intulisse. (15) & ex his malis odque, pluribus accidisse dicit.

brant, & (16) cum maximè veniunt; quædam ad alios perventura nos stringunt. Nihil miremur eorum, ad quæ nati sumus; quæ ideo nulli querenda, quia paria sunt omnibus. Ita dico, paria sunt; (17.) nam etiam quod efugit aliquis, pati potuit. (18) Æquum autem jus est, non quò omnes usi sunt, sed quod omnibus latum est. Impere-
tur æquitas animo, & sine querela mortalitatis tributa pendamus. Hiems frigora adducit? algendum est; æstas calores refert? æstuandum est; intemperies cæli valetudinem tentat? ægrotandum est; & fera nobis (19) loco occurret, & homo perniciosior feris omnibus; aliud aqua, aliud ignis eripiet. Hanc rerum conditionem mutare non possumus: id possumus, magnū sumere animum, & virò dignum quò fortiter fortuita patiamur, & naturæ consentiamus. Natura autem hoc, quod vides, (20) Re-

gnum

(16) mala ista celerrimè nos petunt. (17) nam etiam si hæc mala non omnis æstu patiatur, potens est tamen, ut illis afficiatur. (18) Æquum jus est, quò licet non omnes defendunt se eo jure, sed tamen omnibus se eò defendere permissum est. (19) aliquando, vel aliquo loco, (20) Universum mundum dicit varietate rerum stare & contineri.

gnum mutationibus temperat. Nubila sereno succedunt, turbantur maria, cum quieverunt; flant invicem venti; noctem dies sequitur: pars cæli confurgit, pars mergitur; contrariis rerum æternitas constat. Ad hanc legem animus nôster aptandus est; hanc sequatur, huic pareat, & quæcunque fiunt, debuisse fieri putet; nec velit objurgare * naturam. Optimum est pati, quod emendare non possis, & Deum, quo auctore cuncta proveniunt, sine murmuratione comitari. Malus miles est, qui Imperatorem gemens sequitur. Quare impigri, atque alacres excipiamus imperia, nec deseramus hunc (21) operis pulcherrimi cursum, cui, quidquid patimur, intextum est, & sic alloquâmur Jovem, cujus gubernaculô moles ista dirigitur, quemadmodum Cleanthes nôster versibus disertissimis alloquitur, quos mihi in (22) nostrum sermonem mutare permittitur, (23) Ciceronis Viri

* conformationem, constitutionemque universi talem, quod sit varietatibus abundans (21) universi huius, in quâ etiam molesta nobis continetur (22) i. Latinum, cum versus mox legendi græcè fuerint scripti (23) Cicero etiam eosdem versus suô modo adhibuit, cum verbò in poeticis non fuerit ad id versatus, qui ortum Oratoriam est secutus, excusat se Seneca (*scilicet me Græcè*). Ciceronis itaêductione eorundem versuum.

desertissimi exemplô. Si placuerint.
(24. boni consules; si displicuerint? scies me in hoc secutum Cicero nis exemplum.

“ Duc me parens, celsique Dominator Poli,

“ Quocunque placuit; nulla parendi mora est.

“ Assum impiger; fac nolle, comitabor gemens:

“ Malusque patiar, quod pati licuit bono.

“ Ducunt volentem fata, nolentem trahunt,,.

Sic vivamus sic loquamur, paratos nos inveniatur, atque impigros, (25) fatum. Hic est magnus animus, qui se Deo tradidit, at contra, ille pusillus ac degener, qui obluetur, & de ordine mundi male existimat, & emendare mavult Deos, quam se.

Exemplum.

Amicus amicum consolatur in obitu uxoris suæ.

Non hic tui consolandi officium mihi sumpsi, quod minùs magnificè de animi tui magnitudine sentirem, sed quem

(24) probabis, laudabis. (25) fatum. tanquam Deus qui tam antiquis erat. sumitur pro rebus quæ aliter fieri nequeunt, sed sive malæ, sive bonæ fuerint, eventuræ sunt.

quemadmodum gubernatores optimi vim tempestatis, ita viri fortissimi fortunæ impetum superare interdum non possunt. Non me fugit quam grave vulnus acceperis Uxoris obitu. Amisisti fæminam singularis exempli, etiam si præscis sæculis vixisset. Quam illa marito verecundiam præstitit, cum ipsa summam mereretur? Quàm multas, quàm eximias virtutes ex diversis ætatibus, ex variis matronis collectas, ac mixtas una expressit? Tamen hoc tibi debet esse magno solatio, quod tantum bonum tam diu possederis. Vixit tecum quadraginta quatuor annos sine jurgio, sine offensa. Sed hoc ægrius fero, inquires, quò tenui diutius. At vide ne ingrati sit hominis, tantum cogitare quid amiseris, non meminisse quàm diu fructus fueris. Certè prudentiæ tuæ fuerit, non committere, ne hoc valeat apud animum tuum ratio, quod alioqui necessitas ipsa, & dies longa, & facietas doloris inducit.

EPISTOLÆ
DEMONSTRATIVÆ.

Quibus laus vel vituperium continetur.
EPIST:

EPIST: I. *Ciceronis.*

Ex lib: 2. Famil: XV.

Argum: Re benè gestâ a Cicerone in Cilicia (Cilicia enim erat Præfectus) Calius & Curio Aediles supplicationem ei accerni procuraverunt, quod cum obtinuissent, laudat Cicero eorum in hac re prudentiam, acitque se sperare triumphum. Deinde scribit de Lolabella genero suo & Tullia filia sua, quæ, absente se, Dolabella in matrimonium locatu fuerat. Postea ostendit se esse sollicitum, de Republica, & excusât se, quod de Provincia decedens, Calium quendam Adolescentem ei præfecerit, ostenditque se id tum optima ratione, tum exemplo excellentium virorum fecisse.

M.T.C. Imper: M. Cælio

Curuli Aedili S.P.D.

Non potuit accuratius agi, nec prudentius, quàm actum est à te cum Curione de supplicatione; & mehercule, confecta res est ex (1) sententia mea, cum celeritate, tum quod is, qui erat iratus, (2) competitor tuus, & idem meus, assensus est (3) ei, qui ornavit res nostras divinis laudibus. Quare scito me sperare (4) ea quæ sequuntur;

(1) ut optabam. (2) Attilius, qui Aeditatem cum Cælio, & Provinciâ cum Cicerone simul petiit, non tamen obtinuit (3) Curioni, qui de rebus gestis à Cicerone Orationem habuit in Senatu. (4) Triumphum, qui post supplicationes decretas fieri solebat.

tur; ad quæ tu te præpara. Dolabellam gaudeo à te primum laudari, deinde etiam amari. Nam (5) ea, quæ speras, Tulliæ meæ prudentiâ temperari possè, scio, cui tuæ epistolæ (6) respondeant. (7) Quid si meam legas, quam ego * tum ex tuis literis misi ad Appium. (8) Sed quid agas? (9) sic vivitur. (10) Quod actum Dii immortales approbent. Spero fore jucundum (11) generum nobis, multumque in (12) eo tua nos humanitas adjuvabit. (13) Respublica me valde sollicitat; faveo Curioni; Cæsarem honestum esse cupio; pro Pompejo emori possum; sed tamen ipsâ Republicâ nihil mihi est carius: in qua tu non valde te (14) jactas, distractus enim mihi videris esse, quod

&

(5) scripserat Cælius Dolabellam esse temerarium, sperare se tamen ad meliora posse reduci, idque fieri posse dicit Cicero prudentiâ Tulliæ suæ, uxoris ejus. (6) Iubet Cicero mitti literas de Dolabella ad Tulliam. (7) Cicero dicit se etiam de Dolabella scripisse multa ad Appium nactus materiam ex literis Cælii. (8) sed quid faciendum? (9) sic accidit, sic omnino solet esse (10) id est, matrimonium. (11) Dolabellam, (12) si consiliis tuis cum moderatus fueris. (13) dicit se esse sollicitum de Rep: quam præ Curione, præ Cæsare, præ Pompejo, qui illam perturbant, carius habet. (14) cui tu te non immisces.

& bonus Civis, & bonus amicus es. Ego de Provincia decedens Quæstorem (15) Cælium præposui Provinciæ. Puerum? inquires. At quæstorem; at nobilem adolescentem at omnium ferè 16 exemplo; (17) neque erat superiore honore uisus, quem præficerem. Pontinius multo ante discesserat, à Quinto fratre impetrari non poterat, quem tamen si reliquisssem, dicerent iniqui, non me planè post annum, ut senatus voluit, de Provincia decessisse, quoniam alterum me reliquisssem. Fortasse etiam illud adderent: Senaturn eos voluissse Provinciis præesse, qui antea non præfuissem: fratrem meum triennium Asiæ præfuisse. Denique nunc sollicitus non sum, si fratrem reliquisssem, omnia timerem. Postremo non tam mea sponte quàm (18) potentissimorum duorum exem-

(15) Cælius hic fuit Quæstor in Cilicia simul cum Cicerone, juvenis licet, at optimus (16) qui potest esse omnibus exemplum in bonis moribus. (17) neque erat dignior illò quisquam, quia Pontinius prius discessit è Provincia, qui potuit præfici eidem Provinciæ, deinde Quintus frater Ciceronis noluit, ut præficeretur, quod dicit & bene factum esse, quia aliàs reprehensiones aliorum non effageret (18) dicit se idem fecisse exemplò Cæsaris & Pompeji, qui Quæstores suos alter Cassium, alter Antonium maximis honoribus exornarant.

xemplò, qui omnes Cassios, Antonios-
que complexi sunt, hominem adolescen-
tem non tam (19) allicere volui, quàm
alienare nolui. Hoc tu meum consilium
laudes. necesse est. mutari enim non
potest. De (20) Ocella parum ad me
planè scripseras, & in actis non erat.
Tuæ res gestæ ita notæ sunt, ut trans
montem Taurum etiam de (21) Matri-
nio sit auditum. Ego, nisi quid me
(22) Etesiae morabuntur, celeriter (ut
spero) vos videbo. *vale.*

EPIST. II. *Ciceronis*

Ex lib: 8. Famil: XII.

*Argum: Cælius hâc Bristolâ exponit Appium,
qui tunc cum Pisone Censuram gerebat, ingra-
tum sibi esse, et accusationes injustas de se fecisse,
quas tamen accusationes in eundem Appium dicit
se Cælius retorsisse cum magna ejus infamia.*

Cælius Ciceroni S.

Pudet me tibi confiteri, & queri de
Appii hominis ingratiissimi injuriis; qui
me-

(19) Cælium non tam voluit obstringere hâc beneficiò,
quam, si negaretur idem ei beneficium, non dare cau-
sam alienandi ejus animi à se. (20) non significavit
Cælius quidquam de Ocella qui tamen aliquid egit,
quod dignum erat actis publicis consignari (21) Es-
ques quidam Romanus, cum quo Cælius certum nego-
gium egerat (22) nisi me venti impedierint, quibus
Santibus fluvii exundare solent.

me odisse, quia magna mihi debeat beneficia, cæpit; & cum homo avarus, ut (1) ea solveret, sibi (2) imperare non posset, occultum mihi bellum indixit; ita occultum tamen, ut multi mihi renuntiarent, & ipse facile animadvertirem, malè eum de me cogitare. Posteaquam verò comperi eum (3) Collegium tentasse, deinde apertè eum cum quibusdam locutum: cum L. Domitio, ut nunc est, mihi inimicissimo homine, deliberare velle hoc (4) munusculum deferre Cn: Pompejo: ipsum reprehenderè, & ab eo precarer injuriã, quem vitam mihi debere putaram, impetrare non potui. Quid ergo est? tum quidem aliquo amicis, qui testes erant meorum in illum meritorum, (5) locutus sum; posteaquam illum, (6) ne cui

fa-

(1) ut gratum se pro beneficiis exhiberet. (2) se adducere non posset ad id, ut mihi gratus esset. (3) Collegam suum Pisonem, cum quo fuerat Censor, sollicitasse ad infamandum Cælium. (4) hic, & ulterius sensus est: Appius dixit Domitio, se velle id facere id est, me notare, in gratiam Pompeji, precatus sum itaque eum, ut desisteret me persequi, & non potui impetrare (5) conquestus. (6) dicit se Cælius ita despectum fuisse ab Appio, ut nec pargari sive excusari (id enim hic significat satisfacere) apud eum voluerit,

satisfaceret quidem, me dignum habere
fensi, malui (7) Collegæ ejus homini
alienissimo mihi, & propter amicitiam
tuam non æquissimo me obligare quàm
illius (8) simiæ vultum subire. Id post-
quam rescit, incanduit, & me causam
inimicitiarum quærere clamitavit, (9) ut si
mihi in pecunia minus satisfecisset per
hanc speciem simultatis, eum confectarer.
Postea non (10) destitit arcessere pa-
lam Servium accusatorem, inire cum
Domitio consilia, quibus cum parum
(11) procederet, ut ulla lege mihi po-
nerent accusatorem, compellari me ea
lege voluerunt, quâ dicere non poterant.
Insolentissimi homines summis (12)
Circensibus ludis meis postulandum me
lege Scantinia curant. Vix hoc erat
prælocutus, cum ego Appium Censorem
eadem lege (13) postulavi: (14) Quod
E me-

(7) Pisoni, licet etiam inimico, malui adhærere (8) quàm
Appio, quem per contemptum simiam appellat. (9) ut
si mihi debitum non redderet, haberem hanc causam
eum vexandi. (10) non destitit subornare Servium, qui
me accusaret. (11) cum non possent efficere, ut me fe-
cisse aliquid contra aliquâ legem accusarent. (12) accusandū
curant, quasi ego summos sum notus expenderim pro
ludis Circensibus, quod Scantinia lex vetabat: (13)
sed ego ipsum Appium de ejusdem legis prævaricatio-
ne accusavi, quæ lex erat etiam contra impudicos (14)
quod mihi successit optimè.

melius caderet, nihil vidi. (15) Nam sic est à populo, & non infimo quoque approbatum, ut majorem Appio dolorem (16) fama, quàm postulatio attulerit. (17) Præterea cæpi Sacellum, in domo, quod est ab eo petere. Conturbat me mora servi hujus, qui tibi literas attulit. Nam acceptis prioribus literis, amplius quadraginta diebus mansit. (18) Quid tibi scribam, nescio, scis Domitio diem timori esse. Expecto te valde, & quàm primum videre cupio. A te peto, ut meas injurias proinde doleas, ut me existimas & dolere & ulcisci tuas solere. *vale.*

EPIST: III. Ciceronis

Exlib: 10. Famil: III.

Argum: Plancus erat Imperator cum tribus Legionibus in Gallia, cui cum Cicero non satis fieret, timeretque nè relictis partibus Republicæ, cum Antonio se conjungeret, nititur illum occultè retinere in amore Republicæ. Primum igitur, dicit se libenter vidisse Furnium, tum per seipsum

(15) nam etiam & populus id approbavit. (16) infamia à me facta, quàm accusatio ipsius. (17) Cæpi dicere de Sacello, quod ille privatum habuerat, cum hic locus erat patens populo, in quo Imagines Deorum servabantur, & qui custodiebatur à Censoribus. igitur & hac occasione persequitur Appium. (18) nescio à quo dies dicta est Domitio ad judicium subeundum.

psum, tùm quia narraverat res jucundissimas de Planco & in re militari, & in administratione Provincia; postea verò ex benevolentia, quam sibi vetustissimam dicit fuisse cum Plancis, hortatur eum, ut incumbat diligenter in tuendam & conservandam Patriam, ex qua re dicit eum summam gloriam adepturum; postremo, ne videatur ex diffidentia scripsisse, dicit se amore compulsus hac scribere.

Cicero Planco S.D.

Cùm ipsum (1) Furnium per se vidi libentissimè, tam hoc ab aliis, quod illum audiens, te visabar audire. Nam & in re militari virtutem, & in administranda Provincia justitiam, & in omni genere prudentiam mihi tuam exposuit; & præterea mihi non ignotam in consuetudine & familiaritate svavitatem tuam adjunxit; præterea summam erga se liberalitatem. Quæ omnia mihi jucunda, (2) hoc extremum etiam gratum fuit. Ego, Plance, necessitudinem constitutam habui cum Domo vestra, ante aliquantò, quàm tu natus es, amorem autem erga te ab ineunte pueritia

E2

tua,

(1) Furnius erat in exercitu cum Planco legatus, & retulerat plura, quæ agerentur. (2) hoc, quod liberalis fuerit in Furnium Plancus.

tua, confirmata jam ætate familiaritatem (3) cum studiò meò, tum iudiciò tuò constitutam. His de causis mirabiliter faveo Dignitati tuæ, quam mihi tecum statuo habere communem. Omnia summa consecutus es, virtute duce, comite fortunâ, eaque es adeptus adulescens, multis invidentibus, quos ingenio, industriâque (4) fregisti. Nunc me amantissimum tui nemini concedentem, qui tibi vetustate necessitudinis potior possit esse, si audies, omnem tibi reliquæ vitæ dignitatem ex optimo Reipublicæ statu acquires. Scis profecto, (nihil enim te fugere potuit) fuisse quoddam tempus, cum homines existimarent, tamen (5) servire temporibus; quod ego quoque existimarem te, si ea, quæ pati bare, probare etiam arbitrarer. Sed cum intelligerem, quid (6) sentirees, te arbitrabar videre, quid posses. Nunc alia ratio est; omnium rerum, tuum (7) iudi-

(3) quod & ego studuerim à te amari, & tu iudicaveris me amandum. (4) hos vicisti non vindictâ, sed prudentiâ, qui te invidebant acolescentem in dignitatus constitutum. (5) tanquam tibi placerent mala Reipublicæ tempora, quod & ego arbitrarer, si nescirem te pati ea potius, quàm placere tibi in illis. (6) quod bene sentirees, de vindicanda scilicet Rep: (7) omnia potes, cum sis Consul designatus.

judicium est, idque liberum. Consul es designatus, optimâ ætate, summâ eloquentiâ, maximâ orbitate Reipublicæ virorum talium. Incumbe per Deos immortales ineam curam & cogitationem, quæ tibi summam dignitatem & gloriam afferat. Unus autem est, hoc præsertim tempore, per tot annos Reipublicâ devexatâ, Reipublicæ benè gerendæ cursus ad gloriam. Hæc amore magis impulsus scribenda ad te putavi, quàm quò arbitrarer te monitis & præceptis egere. Sciebam enim ex iisdem te (8) hæc haurire fontibus, ex quibus ipse hausëram. Quare modum faciam. Nunc tantum significandum putavi, ut potius amorem tibi ostenderem meum, quàm ostentarem prudentiam. Interea quæ ad dignitatem tuam pertinere arbitror, studiosè diligenterque curabo.
vale.

EPIST: IV. *Bembi.*

Ex lib: 12.

Nomine Leonis X. P. M. ad Sigismundum Regem Poloniæ scripta.

Argum:

(8) Amorem & curam Reipublicæ ex Philosophia se hausisse dicit.

Argum: Vladislaus Rex Hungariae & Bohemiae vitam sanctus reliquit filium Ludovicum teneram adhuc etate, quem tamen simul cum Regnis, Leoni Pont: Max: dum viveret, maximo-pere commendavit. Leo igitur tanquam Tutor juvenis Regis Regnorumque, ut & Regem firmaret, & Regnorum pacem atque tranquillitatem procuraret, misit ad id muneris, sua auctoritate peragendum, Robertum Archi-Episcopum Reginum, ut cum Cardinali Strigoniensi, rebus in Hungaria & Bohemia componendis, adesset. Qua de re certum facit Sigismundum Regem Polonia fratrem Vladislai.

Sigismundo Poloniae Regi.

Cum Vladislai Pannoniae Bohemiaeque Regis Fratris tui mors, ejusque filii Ludovici nimis tenera ad perferenda onera duorum Regnorum aetas, aliquot nos dies mærentes, suspensosque habuisset, de Fratrum meorum E. R. Cardinalium sententia Robertum Archi-Episcopum Reginum designatum familiarem meum (quem propter Familiae splendorem, & singularem ipsius doctrinam, atque virtutem ita complector, ut sit mihi planè charissimus) legavi, quem illuc quàm celerrimè mitterem; ut esset, qui unà cum Cardinali Strigoniensi Regi puero, meo nomine adesset: atque

atque ad pacem, & otium ejus Regni
procurandum auctoritatem adderet me-
am, ut quantum pro tempore possem,
puerum, quem quidem nobis Pater ex-
tremo vitæ suæ tempore diligentissimè
amantissimisque verbis commendaverat,
& pueri Regnum ornarem, atque prote-
gerem. Volo enim omnes homines
intelligere, Fratrem me tuum fortem
virum, & prudentem ac religione præ-
ditum hominem, cum fruentem vitâ di-
lexisse, tum ejus commendationem mo-
rientis non neglexisse; Regnorumque il-
lorum & Nationum fortissimarum, &
benè de re Christiana meritaram, quam
debui, curam & rationem habuisse. Cui
quidem Roberto, cum maturare, quan-
tum posset, profectiorem suam manda-
vissem, has ad te literas jussi dare cer-
to tabellario & celeri; ut te antè, omni-
bus de rebus docerem, quàm is Panno-
niam attigisset. Ego & si commenda-
re tibi Fratris tui Filium velim, dif-
fidere videar probitati tuæ; cui sanè non
diffido: est enim mihi quidem proba-
tissima. Sed tamen facere non possum,
quin tibi illum commendem. *vale.*

EPI.

Epistolæ
EPIST: V. *Plinii*

Ex lib 4.

Argum: Pomponius Bassus magnis honoribus perfundus, ingravescens jam annis in secessu, sive privatus degens, variis sibi, easque jucundissimas in subsequentes vitæ suæ diu disjunct occupationes. Plinius igitur laudat Pomponium, quod ea ratione vitam constituerit traducendam, ac quasi per invidiam optat sibi eandem sortem vivendi aliquando obverturam.

Plinius Pomponio Basso Suo S.

Magnam capere voluptatem, cum ex communibus amicis cognovi, te ut sapientiâ tuâ dignum est, & disponere (1) otium, & ferre; habitare amenissimè, & nunc * terrâ, nunc mari corpus agitare; multum disputare, multum lectitare; cumque plurimum scias, quotidie tamen aliquid addiscere. Ita senescere oportet virum, qui Magistratus amplissimos gesserit, exercitus rexit, totumque se Reipublicæ, (2) quâmdiu decebat, obtulerit. Nam & prima vitæ tempora, & media Patriæ, extrema nobis impertire debemus, ut ipsæ leges

(3)

(1) vacationem ab officiis civilibus facere, & eâ uti. nunc equò vel pedibus, nunc navi, (2) quâmdiu licuit per ætatem legitimam.

Demonstrativa.

71

(3) monent, quæ majorem annis LX, otio reddunt. Quando mihi licebit,? quando per ætatem honestum erit imitari istud pulcherrimæ quietis exemplum? quando secessus mei non (4) desidia nomen, sed tranquillitatis accipient?

EPIST: VI. *Plinii.*

Ex lib: 6.

Argum: Plinius constitutus à Præfetto Urbis Judex disceptandarum causarum, advertit Salinatorem & Numidium optimos esse Advocatos, gaudet igitur vehementer, illos tanquam imitatores sui esse; cum & ipse Plinius fuerit Advocatus.

Plinius Maximo Suo S.

O diem lætum! adhibitus in (1) consilium à Præfetto Urbis audiavi ex (2) adverso agentes summæ spei, summæ indolis juvenes, Fuscum Salinatorem & Numidium, egregium par, nec modò temporibus nostris, sed literis ipsis ornamento futurum. Mira utriusque probitas, constantia salva, decorus habi-

(3) lex fuerat statuta, ne Senator sexagenarius, aut cogeretur ad Senatum, aut repelleretur à Senatu. (4) desidia esset, si ante tempus legitimum ab officiis Reipublicæ amoveretur.

(1) ad judicandum. (2) à diversis partibus dicentes.

habitus, os latinum, vox virilis, tenax memoria, magnum ingenium, judicium æquale: quæ singula mihi velut tati fuere; atque inter hæc illud, quod & ipsi me ut Rectorem, ut Magistrum intuebantur. O diem! (repetam enim) lætum notandumque mihi candidissimè calculò. Quid enim aut publicè lætius quàm juvenes clarissimos nomen & famam ex studiis petere, aut mihi optatius, quàm me ad recta tendentibus quasi exemplar esse propositum? Quod gaudium ut perpetuo capiam, Deos oro, ab iisdem, teste te, peto, ut omnes, qui me imitari tanti putabunt, meliores esse, quàm me, velint. *vale.*

EPIST: VII. *Plinii.*

Ex lib: 6.

Argum: Triario petenti, ut Plinius causam ejus in Judio defendendam susciperet, promittit Plinius se id facturum, sed hac sub conditione, ut secum ageret etiam Cremutius Ruso, nobilis juvenis, sed in agendo adhuc Tyro, quem in Forum producere cupiebat ad causas dicendas instituendum.

Plinius Triario suo S.

Jmpensè petis, ut agam causam pertinentem ad (1) curam tuam, pulchram

(1) quam tu defendere debebas,

chram (2) alioquin & formosam: faciam, sed non gratis. (3) Quî fieri potest (inquis) ut non gratis? (4) tu potes. exigam enim mercedem honestiorem gratuito patrocinio. Peto atque etiam paciscor, ut simul agat Cremutius Ruso, solitum hoc mihi etiam in pluribus claris adolescentibus factitatum. Nam mirè concupisco bonos juvenes ostendere Foro, (5) assignare famæ. Quod si cui, præstare Rusoni meo debeo; vel propter natales ipsius, vel (6) propter eximiam mei charitatem, quem magni æstimo in iisdem Judiciis, (7) ex iisdem etiam partibus conspici, audiri. Obliga me, obliga antequàm dicat, nam cum dixerit, (8) gratias ages; spondeo sollicitudini tuæ, spei meæ, (9) magnitudini causæ suffecturum. Est indolis optimæ, brevi (10) producturus alios,

si

(2) Illustrem; quia causarum communium noluerunt fieri advocati. (3) quomodo fieri potest, ut, non gratis, cum in causis agendis semper abstinueris ab omni munere? (4) tu in causa es, quod à te solo mercedem exposcam. (5) Commendare bonæ famæ. (6) propter amorem, quem ille habet mei (7) ut simul mecum agat eandem causam. (8) quia benè dicet. (9) spondet se, uti bonam causam, optimè gesturum. (10) in judiciis ad patrocinandum commendaturus.

si interim (11) provectus fuerit à nobis. Neque enim cuiquam tam clarum statim ingenium est, ut possit emergere, nisi illi materia, occasio, fautor etiam commendatorque contingat. *vale.*

EPIST. VIII. *Plinii.*

Ex lib: 9.

Argum: Colon Quintiani amici sui morte ita affligebatur, ut eum semper videre, eidemque colloqui afflictum cuperet. Hoc itaque in Colone laudat Plinius. Ostenditque Quintiani tantam fuisse virtutem, ut hunc amorem meritò mereatur.

Unicè probo, quòd Pompeji Quintiani morte tam dolenter afficeris, ut amissi charitatem (1) desiderio extendas: non ut plerique, qui tantum viventes amant, seu potius amare se simulant quidem, nisi quos (2) florentes vident. Nam miserorum non sècus, ac defunctorum obliviscuntur. Sed tibi perennis fides, tantaque in amore constantia, ut finiri, nisi tua morte,

NON

(11) Si prius ipse à nobis optimè commendatus fuerit.
(1) desiderando defunctum reviviscere. (2) qui florentes opibus, aut dignitate, amant, simulate dicuntur amare.

non possit. & (3) Hercules, is fuit Quintianus, quem diligi deceat exemplò ipsius. Felices amabat, miseros tuebatur, desiderabat amissos. Jam illa quanta probitas in ore? quanta in sermone cunctatio? quam pari librà gravitas, committasque? quod studium literarum? quod iudicium? quâ pietate cum (4) dissimilimo Patre vivebat, cum (5) non obstabat illi, quominus vir optimus videtur, quod erat optimus filius? Sed quid dolorem tuum (6) exulcero? quanquam sic amati viventem, ut hoc potius, quàm de illo filieri velis, à me præsertim, cujus prædicatione putas vitam ejus ornari, memoriam prorogari, ipsa nque illam, quâ est raptus, ætatem posse restitui. *vale.*

EPIST: IX. *Sabellici.*

Argum: Laudat Sabellicus Manteum, quod discipulos suos non tam erudite, quàm sanctè instituat.

Sabellicus Manteo S.

Quæris, quid de tua institutione sentiam? dicam breviter quod de Sociati-

(3) & profectò dignus fuit Quintianus tali amore, qui pariter verus amicus aliis fuit. (4) Pater hujus Quintiani fuit iniquus. (5) iniquitas Patris non obfuit Quintiano quominus optimus videretur. (6) quid per has laudes augeo dolorem tuum?

cratica; non quia te Socratem putem, aut tuos Socraticos: non sum tamineptus, ut hanc fecem temporum cum illo hominum flore comparem; sed quia tu castè, ut ille, & sanctè doces, & tui, Socraticorum more, non minùs Præceptoris vitam, quàm præcepta intuentur. Est itaque duplex institutio; literarum una, altera rerum divinarum, nam cùm te audiunt, Grammaticen discunt, cùm mores spectant, sanctimoniam & pietatem; estque hic tuorum profectus in eo melior, quàm illorum fuit, quod veram pietatem monitras esse colendam; senex ille Atticus, si vetus Comedia vera est, nihil præter nubium vanitatem. *vale*

Exemplum.

Argum: *Laus viri alicujus vg. Annibalis scribitur.*

Annibal natus est Patre Amilcare, virò fortissimò, & cum jam esset annorum novem, fama est eum pueriliter blandientem Patri, ut duceretur in Hispaniam, cùm perfectò Africò bellò, exercitum eò trajecturus sacrificaret, altaribus admotum, tactis sacris, jurejurando

do adactum; se cum primum posset, hostem fore populo Romano. Missus Annibal in Hispaniam, primo statim adventu, eundem exercitum in se convertit. Amilcarem viventem redditum sibi milites credebant. Ingenium ejus ad res diversissimas, parendum & imperandum habile erat. Saguntum Romanis fœderatum intra sex menses evertit. Alpi- bus patefactis in Italiam trajecit. P. Scipionem apud Ticinum; Sempronium apud Trebiam; Flaminium apud Traimenum, supervit &c. Denique cum nemo per omnia sit felix, à Scipione superatus ad Antiochum Regem Syriæ confugit; quò victò ad Prusiam Bythyniæ Regem concessit; unde Romanam repetiturus, hautò quod sub annuli gemma habebat, venenò, absumptus est.

EPISTOLÆ
EXCUSATORIÆ

EPIST: I. *Ciceronis*

Ex lib: 2. Famil: I.

Argum: *Curio Orator clarissimus cum Magistratum gereret in Asia, conquestus fuit per litteras*

teras cum Cicerone, quod ab eo nihil literarum acciperet; cui Cicero respondet hujusmodi querelam seu accusationem præferre quænam amorem, cum ostendat se desiderare officium Ciceronis in scribendo. Excusat se tamen Cicero, quod in eo non fuerit negligens, & plures ad eum dederit, quàm ab eo acceperit literas, promittitque se posthæc scripturum. Deinde ostendit quanta in expectatione sit Curio; hortaturque eum, ut spem de se susceptam tueatur, & ita se gerat, ut aliquando consolationi esse possit Seneçutæ ipsius Cicero. nis, cujus præceptis optime fuerit institutus.

M. T. C. C. Curioni S. D.

Quamquam me nomine negligentis suspectum tibi esse (1) doleo, tamen non tam mihi molestum fuit accusari abs te officium meum, quam jucundum (2) requiri; præsertim, cum in quo accusabar, culpâ vacarem: in quo autem desiderare te significabas in as literas, prætefers perspectum mihi quidem, sed tamen dulcem & optatum amorem tuum. Ecquidem neminẽ prætermisi, quem quidem ad te perventurum putarem, cui literas non dederim. Etenim quis est tam in scribendo impiger quàm ego? A te verò bis, tervè ad summum, & eas

(1) doleo, quod me negligentem in scribendo suspicaris (2) requiri idem officium, scilicet, ut ad te scribam, jucundum esse sibi Cicero dicit.

eas perbreves accepi. Quare, si (3) iniquus es in me iudex, condemnabo (4) eodem ego te crimine: sin me (5) id facere noles, te mihi æquum præbere debebis. Sed de literis hactenus; (6) non enim vereor, ne non scribendo te expleam, præsertim, si in eo genere studium meum non aspernabere. Ego te abfuisse (7) tamdiu à nobis & dolui, quod carui fructu jucundissimæ consuetudinis; & lætor, quod absens omnia cum maxima dignitate es consecutus; quodque in omnibus tuis rebus, (8) meis optatis fortuna respondit. Breve est, quod me tibi * præcipere meus incredibilis in te amor cogit: tanta est expectatio vel (9) animi, vel ingenii tui, ut ego obsecrare obtestarique non dubitem, sic ad nos conformatus revertare, ut, quam expectationem tui concitasti, hanc sustinere, ac tueri possis. Et quoniam meam tuorum erga me meri-

F

to-

(3) quod me negligentem in scribendo existimes. (4) ejusdem negligentia te condemnabo. (5) si nolis, ut te condemnem, accusare me non debebis. (6) promittit se Cicero scripturum, & expleturum desiderium in hoc Curionis. (7) nam per duos annos fuit in Asia. (8) prout optaveram. * deferre, notum facere. (9) tam pro virtutibus tuis, quam pro sapientia & doctrinis, est Roma tui expectatio.

torum memoriam ulla unquam delebit oblivio, te rogo, (10) ut memineris, quantæcunque tibi accessiones fient & fortunæ & dignitatis, eas te non potuisse consequi, nisi meis puer olim fidelissimis atque amantissimis consiliis paruisses. Quare hōc animō in nos esse debebis, (11) ut ætas nostrā jam in-
gravelescens in amore atque in adolescen-
tia tua conquiescat. vale.

EPIST: II. *Ciceronis.*

Ex lib: 3. Famil: XII.

Argum: Hujus epistola duæ partes sunt 1. Appius fuerat accusatus de ambitu, a quo tamen fer Judicium est absolutus, quod itaque absolutus sit, id ei Cicero gratulatur. 2. Appius questus erat de Cicerone, quod contraxisset affinitatem cum Dolabella sibi inimicissimo (illi enim locaverat Tulliam filiam suam Cicero) excusat se itaque Cicero, quod se absente id factum sit, nam si fuisset præsens, nihil faceret sine consilio Appii. Postremò probat: propter hanc affinitatem se esse minime alienatum ab Appio, quinimo promittit se nunc majora facturum pro Appio, quàm antea.

M. T.

(10) monet Curionem, ut memor sit se consecutum esse & fortunam & dignitates ex eo, quod optimis præceptis à Cicerone adolescens institutus fuerit. (11) ut sis mihi consolationi in senectute mea.

M. T. C. Appio Pulchro S. D.

Gratulor tibi prius; (ita enim rerum ordo postulat) deinde ad (1) me convertar. Ego verò vehementer gratulor de (2) iudicio ambitus: neque (3) id, quod nemini dubium fuit, absolutum esse te; sed illud, quod, quò melior Civis, quò vir clarior, quò fortior amicus es, quoque plura virtutis & industriæ ornamenta in te sunt, eo mirandum est magis nullam ne in (4) tabellæ quidem latebra fuisse absconditam malevolentiam, quæ te impugnare auderet. Non (5) horum temporum, non horum hominum, atque eorum negotium! (6) nihil jam pridem sum admiratus magis. De (7) me autem suscipe paullisper meas partes, & eum te esse (8) finge, qui sum ego: si (9)

F2

faci-

(1) ad excusationem meam redibo. (2) quod fuerit iustum in te absolvendo ab hac culpa, quod quasi ampires dignitatem. (3) subaudi mirandum fuit, quod innocens agnitus fueris. (4) ne in occultissima parte tabellæ, in qua accusatio tui scripta est, abscondi potuit malevolentia accusatorum tuorum, quia hæc in omnibus punctis apertissima est, accusationes enim in scriptis porrigi solebant. (5) dicit Cicero nunc legem hanc non ita servari quemadmodum, servabatur. (6) quàm virum clarissimum, tam malevolè accusari. (7) incipit se excusare. (8) intellige te esse loco mei. (9) si tu facile responderis ad hæc, de quibus accusor ego

facile inveneris quod dicas, (10) noli ignore-
scere hæitationi meæ. Ego verò ve-
liam mihi, Tulliaque meæ (sicut tu a-
micissimè & svavissimè optas) prospe-
re evenire (11) ea, quæ, me inscien-
te facta sunt à meis: sed ita (12)
cecidisse, ut ageretur (13) eo tempore,
spero omninò cum aliqua felicitate, &
opto. Verumtamen plus me in hac
spe, tua sapientia & humanitas conso-
latur, quàm (14) opportunitas tempo-
ris. Itaque quemadmodum expediam
exitum huius institutæ orationis, non re-
perio; neque enim tristius dicere quid-
quam debeo ea de re, quam tu ipse (15)
ominibus optimis persequeris; neque non
me tamen (16) mordet aliquid: in quo
unum vereor, (17) ne tu parum perspi-
cias ea, quæ gesta sunt, ab illis esse ge-
sta, quibus ego ita mandaram, ut cum
tàm longè abfuturus essem, ad me ne
refe-

(10) ero reus culpæ. (11) connubium cum Dola-
bella. (12) sed, quod ita acciderit. (13) quòd eram absens
(erat enim in Provincia) spero id optimum fore, id
est, rediturum te cum Dolabella in gratiam me interme-
dio. (14) quam quod ita factum sit sc. connubium hoc
me inficio. (15) & quamvis tu ipse scribens ominaris id
posse fieri benè. (16) angit me tamen hoc matrimo-
nium. (17) ne intelligas: hæc gesta esse me permit-
tente, ut agerent, quod melius probarent, nec ad
me deferrent, cui locarent filiam meam amici mei.

referent, agerent, quod probassent. In hoc autem mihi illud occurrit: Quid tu igitur (18) si affuisses? Rem (19) probassem; 20) de tempore, nihil te invito, nihil sine consilio egissem tuo. Vides sudare me, jam dudum laborantem, quomodo (21) ea tuear, quæ mihi tuenda sunt, & te non offendam. (22) Leva me igitur hoc onere; nunquam enim mihi videor tractasse causam difficiliorem. Sic habeto tamen (23) nisi jam tunc omnia negotia cum summa tua dignitate diligentissimè confecissem, tamen si nihil videbatur ad meum erga te pristinum studium addi posse: tamen hæc mihi affinitate renuntiata, non majore equidem studio, sed acrius, apertius, significantius dignitatem tuam defendissem. Decedenti mihi & jam Imperiò annuò terminatò ante diem III. Nonas Sextiles cum ad Sidam navi accede-

F3

cede-

(18) si affuisses, dedissemne filiam tuam Dolabella? (19) respondet Cicero prudenter, tanquam post factum quod ita defacto fecisset. (20) interim nihil sine te agerem. (21) quomodo hoc factum deferam, nec te tamen offendam. (22) non imputes igitur mihi jam hanc culpam. (23) si non egissem prius negotia & causas tuas in Provincia, quam mihi nuntiatum est hoc matrimonium, agerem tamen ea pro tua dignitate ita, quemadmodum egi: hoc est, hæc nova affinitas cum Dolabella inimico tuo minimè alienaret me à te.

cederem, & mecum Q. Servilius esset (24) literæ à meis sunt redditæ; dixi statim Servilio, (etenim videbatur esse (25) commotus) (26) ut omnia à me majora expectaret, Quid multa? benevolentior tibi, quàm fui, nihilò sum factus, diligentior ad declarandam benevolentiam multò. Nam ut (27) vetus nostra simultas antea stimulabat me, ut caverem, ne cui suspicionem fidè reconciliatæ gratiæ darem, sic affinitas novam curam mihi affert cavendi, ne quid de summo meo erga te amore detractum esse videatur. *vale.*

EPIST: III. *Bembi.*

Ex lib: 8. Nomine Leonis

Sum: Pont: scripta.

Argum: Delatum fuerat Ludovico Galliarum Regi Leonem Pont: Max: quasi non a te benè esse affectum Claudio Episcopo Massiliensium designato Legato Regis Galliarum apud Curiam Pontificis

(24) de Matrimonio literæ mihi redditæ sunt, cum è Provincia jam discederem. (25) propter hanc affinitatem meam. (26) ut minimè de meo erga te animo dubitarem, statim dixi. (27) quemadmodum olim simulates quasdam tecum habitas occultabam, ne quis nos cognosceret fidos nobis esse amicos, ita nunc cavebo, ne cui videatur amor meus erga te imminutus affinitate:

tificis. Scribit itaque Leo Pontifex sinistram hanc esse delationem, & ostendat rem aliter se habere.

Ludovico Galliarum Regi.

Alatum ad nos est, tibi à certis hominibus insusurratum fuisse, Claudii Episcopi Massiliensium Legati tui curam atque operam nobis gratam non nimium esse. Quæ sanè res eò mihi gravior atque molestior accidit, quod cum illum ob eius doctrinam, ingenium, probitatem multum semper amaverim; postea cum is ad me, ut legatū tuum ageret, Romam venit; nihil ipsò tui amanti, nihil ardentius vidi; nihil planè tuis in rebus omnibus tractandis atque administrandis diligentius, accuratius, laboriosius illò fuit: quod quidem certè me illi etiam devinxit arctius. Itaque cum se aliquando ad te redire velle mihi significavisset; ne id faceret, sum illum pluribus fortasse verbis; quàm vel nostra dignitas, vel mea fert consuetudo; dehortatus. Quæ cum ita se haberent, hæc ad te scripsi, ut esset ejus rei testimonium apud te meum, hortarerque te, ne posthàc de mea in Claudium voluntate, plus illis hominibus crede.

crederes, quàm ipsi mihi; nevè velles, ut is abs te suorum pro te susceptorum officiorum, laborum, curarum, vigiliarum, longè aliam, quam te, atque ipsum deceat, mercedem, atque fructum caperet.

EPIST: IV. *Plinii.*

Ex lib: IX.

Argum: Rufoni reprehendenti Virginium, excusat, quod jussit inscribi sepulchro factum divi suum memorabile; & Frontinum laudanti, quod prohibuisset Conditorium sibi construi: demum utrosque laudat, tanquam diverso itinere, ad immortalitatem contendentes.

Plinius Rufoni suo S.

Significas legisse te in quadam Epistola mea, jussisse Virginium Rufum inscribi sepulchro suo:

Hic situs est (1) Rufus, nullo qui vindice quondam,

Imperium asseruit, non sibi, sed Patriæ.

Repre-

(1) Virginus Rufus vir clarissimus (cum fere omnes à Nerone deficerent ad Galbam Imperatorem,) copiis germanicis in Gallia præerat. Qui cum Iulium Vindicem Ducem Gallorum vicisset, proclamatus est Imperator, at ille respondit se neminem passurum Imperatorem sine Senatu lectum. Denique mortuo Nerone multi etiam ex Tribunis, qui erant in Tabernaculo, cum districto ense juberent Virginium vel Imperium, vel ferrum admittere, resistit; sed postquam à Senatu Galba creatus est Imperator, persuasit, licet dif-

Reprehendis quod jusserit; addis etiam, melius, rectiusque Frontinum, quod venterit omnino (2) munimentum sibi fieri: meque ad extremum, quid de utroque sentiam consulis; utrumque dilexi; (3) miratus sum magis, quem tu reprehendis, (4) mirariisque; atque ita miratus, ut non putarem satis unquam laudari posse, cujus nunc mihi subeunda defensio est. Omnes ego, qui magnum aliquod memorandumque fecerunt, non modò venià, verum etiam laude dignissimos judico, si immortalitatem quam meruere, sectantur: victurique nominis famam supremis etiam titulis prorogare nituntur. Nec facile quenquam, nisi Virginium invenio, cujus tanta in (5) prædicando verecundia, quanta gloria ex (6) facto. Ipse sum testis familiariter ab eo dilectus, probatusque, semel omninò me audiente pro- vectum, ut de rebus suis * hoc unum refer-

ficile, ut eundem Principem dicerent, hinc dicitur non sibi, sed Patriæ Imperium asseruisse,

(2) Sepulchrum. (3) & hunc veneratus sum magis, quem tu hoc: (4) corripis (5) in ampliandis suis bene gestis verecundus & parcus. (6) factum est annotatum. * hoc unum de rebus gestis, quas Cluvius Historicus jam descripserat, dixit Virginius & quidem modestè: an ignoras me asseruisse Imperium Patriæ non mihi? tibi ut placet, scribas.

referret; ita secum aliquando Cluvium locutum: scis, Virgini, quæ historiæ fides debeat? pròinde siquid in historiis meis legis aliter, ac velles, rogo; ignoscas. Ad hoc sic (7) illum, Cluvi, nã tu igitur ignoras, ideo me fecisse, quod feci, ut esset liberum vobis scribere, quæ libuisset? (8) Agedum hunc ipsum Frontinum, in hoc ipso, in quo sibi parcior videtur & pressior comparemus. Vetuit extrui monumentũ; sed quibus verbis? Impensa monumenti supervacanea est, memoria nostri durabit, si (9) vitam meruimus. * An restrictius arbitraris per Orbem terrarum legendum; dare duraturam memoriam suam, quàm uno in loco duobus versiculis signare quod feceris? Quanquam non habeo propositum, (10) illum reprehendendi, sed (11) hunc tuendi, (12) cujusquẽ po-
test

(7) sic Cluvium allocutus est Virginius. (8) cum Virginitio comparat Frontinum qui videtur Rufoni esse parcior in appetenda sua gloria, quem tamen ostendit magis cupidum ejusdem. (9) si immortalitatem recte gestis comparavimus (10) Frontinum. (11) Virginitium. * an modestius igitur Frontinus suam gloriam concupiverit, cum per orbem terrarum duraturam quasi probaverit: quam Rufus, qui eandem uno in loco versibus affixerit. (12) Virginitii justior causa esse debet apud te, quam Frontini, quem in computatione prætulisti Virginitio.

test apud te justior esse defensio, quam ex collatione ejus quem prætulisti. Me-ô quidem judiciô neuter culpandus, quorum uterque ad gloriam pari cupiditate, diverso itinere contendit: alter dum expetit debitos titulos; alter, dum mavult videri contempsisse. *vale.*

EPIST: V. *Plinii*

Ex lib: IX.

Argum. Plinius se excusat, quod non poterit Romæ esse. Calend: Januarii officii gratiâ, cum Paulinus Consulatum inibit; nam in Thujcis retinebatur circa prædia sua locanda.

Plinius Paulino suo S.

Nec tuæ naturæ est (1) translatitia hæc, & quasi (2) publica officia à familiaribus amicis contra ipsorum commodum exigere: & ego te (3) constantiùs amo, quam ut (4) verear, ne aliter ac velim, accipias, nisi Calendis statim Consulem videro: præsertim cum me necessitas locandorum prædiorum

plures

(1) villa, non nova. (2) vulgaris quæ à multis præstantur. (3) præ ceteris, (4) ideo non vereor, ut quid mali de me suspiceris, ex eo quod non adero Romæ
Calend: Ian: dies hac grat exordienti Consulatus.

plures annos (5) ordinatura detineat, in quo mihi nova contilia sumer da sunt. Nam priore (6) Lustrum, quanquam post magnas (7) remissiones, (8) reliqua creverunt. Inde (9) plerisque nulla iam cura minuendi æris (10) alieni, quod desperant posse persolvi. Rapiunt etiam consumuntque, quod natum est, ut qui jam putent se non sibi (11) piacere. Occurrendum ergo augescentibus vitiis, & medendum est: & medendi una ratio, si non (12) nummo, sed partibus locem, ac deinde ex meis aliquos exactores (13) operi, custodes (14) fructibus ponam: & alioqui nullum justius genus redditus, quàm quod terra, cælum, annus refert. (15) At magnam fidem, acres oculos, numerosas manus poscit. Experiendum tamen, & quasi in (16)

vete-

(5) ordinanda sunt, sive locanda prædia pro pluribus annis. (6) Lustrum est quinquennium, in quod locabantur bona, sicut apud nos in triennium (7) demptiones, seu donationes. (8) debita in majus aucta sunt, non sicut prioribus. (9) conductores, seu hi qui tenent prædia (10) quod nobis debent. (11) non parcere, videlicet, quod jam existiment, si fructibus pepercerint, quod supererit non futurum suum, sed Domini. (12) si non pecunia à Colonis pro fructibus, sed partem certam fructuum pro quolibet anno exigam & reciniam. (13) ut vineæ excolantur. (14) ne fructus rapiantur (15) sed hoc genus reddituum Procuratores fideles, diligentes, multos poscit. (16) periculoso, desperato.

veteri morbo, quælibet mutationis auxilia tentanda sunt. Vides quàm non delicata me causa obire primum Consulatus tui diem non sinat: quem tamen hîc quoque, ut prætens, votis, gaudio, gratulatione celebrabo. vale.

EMIST: VI. Sabellici:

Argum: Sabellicus reddit rationem Carolo, cur promissa munera Matri sua hucusque non miserit, eaque se missurum promittit, quam primum nactus fuerit occasionem.

Sabellicus Carolo suo S.

Cùm plus otii nactus fuero, plura ad te scribam, nunc brevi sic habeto: Post meum Venetias reditum me nunquam destitisse diligenter observare, per quem ad vos mitterem Damascena illa munera quæ nobilissimæ faminæ Matri tuæ fueram pollicitus. Vix credas quantam mihi sollicitudinem ea res injecerit, quantumque pudoris, quasi per me steterit, quò minus ad hunc diem sint vobis illa delata. Nullus hinc ad vos profectus est, qui non meis precibus fatigatus abierit; sed, qui precibus aut pretiò flecti potuerit, fuit nemo. Expecto immò observo occasiones omnes,

ac siqua posthac oblata fuerit, tam libenter arripiam, quàm undi optatum libentissimè. Matri tuæ optimæ me etiam, atque etiam commenda. *vale.*

Exemplum.

Excusatur filius apud Patrem, quod sortem ad negotiandum sibi datam inutiliter prodigisset.

Lachrimas excussit mihi filius tuus, adolescens non tam desperandus, quàm instituendus. Venit ad me macie & squallore confectus. Rogo quid haberet? statem lachrimæ obortæ. linguultim vix narrat periisse se, quod Patrem optimum amiserit suâ stultitiâ. Rogo quid flagitii? Fatetur se sortem, quam ad negotium acceperat, in amicos insumpsisse, te offensum, animum paternum abjecisse. Advolutus est genibus meis, flevit, promisit omnia se digna. Quid multa? fecit mihi pœnitentiæ fidem. Confido hœc malò edoctum posthac diligentiorẽ futurum. Quare quando ipse ad se rediit, te quoque in Patrem redire convenit. Satis jam graves hujus flagitii pœnas luit: ita graviter fert iram tuam, ut prorsus hanc lucem

cem cupiat effugere, nisi in gratiam recipiatur. Ego illum objurgavi acerrimè. Quid plura? ipse si vidisses, nec iratus lachrimas tenere potuisses. Quod reliquum est, clementer corrigi potest. Immodicâ severitate non frangatur animus imbecillis, cavendum est ne commiseris, ut te gravius in posterum pœniteat tuæ sevitiæ, quam illum nunc pœnitet suæ incogitantæ. Ignosce vel ætati: Puer est, rerum imperitus, ab improbis convictoribus impulsus est. Lapsus est, & quidem nunc primum; culpam fatetur, orat, pollicetur, noxæ dedit se se. Quid quæris amplius Pater à filio? Cogita & illum puerum esse & te fuisse; atque ita quod pater es, utere: ut memineris te hominem esse & hominis patrem. Nunquamne tu ista ætate lapsus es? Nunquam commisisti, quam ob rem pater tibi jure debuerit irasci? Non dubito, quin commiseris, & fortasse graviora. Hoc meritò vulgo jacitur in nos, quod obliti quales ipsi fuerimus olim pueri, filios nostros volumus illicò nasci senes. Hæc inter nos tutò ac liberè loqui licet. Multis profuit etiam lapsos esse. Erit posthac,
hòc

hòc malò doctus, cautior. Habebis filium, si hujus delicti gratiam feceris, addictiorem. Et hunc puerilem errorem officiis abundè pensabit. amat ac veretur unicè patrem, indolis est probæ, pudicum ingenium, animus minimè stupidus. Multa in eo signa video, quæ mihi certam spem faciunt, illum posthac talem futurum, qualem utrique volumus. Adolescentem igitur tibi in manus restituo, totam causam ad me rejicio, pro illo fidejussorem me constituo, quod si noxam addiderit, utrumque abjicere licebit, & filium & amicum. *vale.*

E P I S T O L Æ GRATIARUM - ACTORIÆ

E P I S T: I. *Ciceronis*

Ex lib: 2. Famil: IX.

Argum: Calius amicus Ciceronis adeptus est Ædilitatem Curulem, quam etiam petiit Attilius b mo jactabundus; quippe, qui dicere solitus erat omnes adolescentes Romanos habere se, qui in eo sibi Magistratu consequendo suffragarentur. Gaudet itaque imprimis Cicero, quod Calius Attilium Competitorem vicerit, agitque illi ex eo gratias, quod hominem superbum omnium risui reliquerit.

M.T.C.

M.T.C. Cælio Rufo Ædili

Curuli S. D.

Primum tibi, ut debeo, gratulor, lætorque cum præsentī, tum etiam speratā tuā dignitate, (1) seriū, non negligentia meā, sed ignoratione rerum omnium; in (2) his enim sum locis, quod & propter longinquitatem, & propter latrocinia, tardissimè omnia perferuntur. Et cum gratulor, tum verò quibus verbis tibi gratias agam, non reperio, quod (3) ita factus sis, ut dedecris nobis, quemadmodum scripseras ad me, quem semper ridere possemus. Ita que cum primū audiui; (4) ego ille ipse factus sum; scis quem dicam; (5) egique omnes illos adolescentes, quos ille jactitat. difficile est loqui. Te autem contemplanus absentem, & quasi tecum coram loquerer: (6) *Non depol. quantum egeris rem, neque quantum facinus*

G fece-

(1) quod tardius tibi gratuler. (2) Cicero in Cilicia fuerat Præfectus. (3) quod eo modo factus sit Ædilis. (4) dicit Cicero, ut primū audivit de Ædilitate Cælii, se factum esse Attilium. (5) repræsentavi omnes illos juvenes, quos Attilius jactitabat se habere pro sua parte. (6) inducit se Cicero, tanquam Attilium admirantem, quid egerit, quid fecerit Cælius?

feceris: Quod quia præter opinionem mihi acciderat. referebam me ad illud (7) incredibile hoc factu obicitur. Repente verò incesſi omnibus lætitiis, in quo cum objurgarer, quod nimio gaudio pænè deſiperem, ita me defendebam: ego voluptatem habui nimiam. (8) Quid quæriſ? dum illum rideo, pænè ſum factus ille? Sed hæc pluribus: multa que alia & de te, & ad te, cùm primùm ero aliquid otii 9) naſtus. Te verò mi Ruſe diligo, quem mihi fortuna dedit amplificatorem dignitatis meæ, ultorem non modò inimicorum, ſed etiam invidorum meorum, ut eos partim ſcelerum ſuorum, partim etiam ineptiarum pæniteret. vale.

EPIST: II. Ciceronis

Ex lib: 3. Famil: XIII.

Argum: Cùm Cicero in Cilicia Imperator eſſet, Appius & in decernenda ei Supplicatione, & in conferendis in Familiam ipſius beneficiis maximum adhibuit ſtudio. Quamobrem gratias agit Cicero Appio; oſtenditque imo. ſua in eum bene-

(7) hæc verba etiam quaſi eſſent Attilii, quo ille nunquam crediderat, ut Cælius fieret Ædilis. (8) putafne, quod verè factus ſum Attilius? (9) ſubintelligitur, ſcribam.

beneficia, quibus meritis est ejus benevolentiam
2do. laudat Appium pro singulari ejus virtute.
3tio. promittit se illi in omnibus rebus tum publi-
cis, tum privatis fore socium. 4to. ad deponen-
das similitudines, quas habuerat cum Dolabella gene-
ro suo, tacite eum hortatur, quod & sperat futu-
rum. denique dicit sibi nihil esse detractum de amo-
re erga Appium per Dolabellam, p. stremonem finit
Epistolam cum laude Appii, quod jam cum hac scri-
beret, Appius esset factus censor.

M.T.C. Appio Pulchro S.D.

Quasi (1) divinarem, tali in officio
fore mihi aliquando expetendum
studium tuum; sic, cum de tuis rebus
gestis agebatur, inserviebam honori tuo.
Dicam tamen verè: plus quam accepe-
ras, reddidisti. Quis enim ad me non
perscripsit, te non solum auctoritate (2)
orationis, sententiâ tuâ, quibus ego à ta-
li viro contentus eram, sed etiam ope-
râ, consiliô, domum veniendo, conveni-
endis meis, nullum onus officii cuiquam
(3) reliquum fecisse? Hæc mihi ampli-
ora multò sunt, quam illa ipsa, propter
quæ hæc laborantur. (4) Insignia enim

G2

vir-

(1) quasi præscirem, te ita mihi gratum fore, sic tuo
honori studui. Notandum hic, Ciceronem ostendere
beneficia Appii non esse gratuita (2) sermone gra-
vissimo habito in senatu pro Cicerone. (3) nihil reli-
quisti, quod alii facerent pro Domo mea. (4) hono-
res etiam fortunâ assequuntur plurimi.

virtutis multi etiam sine virtute assecuti sunt; (5) talium Virorum tanta studia assequi sola virtus potest. Itaque mihi propono (6) fructum amicitiae nostrae, ipsam amicitiam; quâ nihil est uberius, praesertim in (7) iis studiis, quibus uterque nostrum devinctus est. Nam tibi me profiteor & in Republica socium, de qua idem sentimus, & in quotidiana vita conjunctum cum iis artibus, studiisque, quæ colimus. Velim ita fortuna tulisset, quanti ego omnes tuos facio, uti tu (8) meos facere posses: quod tamen ipsum, nescio, quâ permotus animi divinatione, non despero. Sed (9) hoc nihil ad te, nostrum est onus. Illud velim sic habeas: quod intelliges (10) hac de re novata, additum potius aliquid ad meum erga te studium, cui nihil videbatur addi posse, quàm quid.

(5) qualis tu es, clarissimus scilicet, nisi virtute compari potest. (6) honoribus, quos dicit fructus esse amicitiae, plurima enim se dicit assecutum esse propter amicitiam Appii. (7) in studiis Reipublicae (8) optat tacite, ut cum Dolabella habitas similitudines deponat, & reconcilietur eidem. (9) neque tibi inimicitia Dolabellae oberit, neque amicitia proderit, nos hoc spectat, ut ei reconcilieris. (10) hanc novam affinitatem meam cum Dolabella (gener enim erat Ciceronis) nihil sibi esse detractum de amicitia cum Appio, dicit Cicero

quidquam esse detractum. Cum hæc scribam, (11) Censorem jam te esse sperabam; eò brevior hæc est epistola, & ut adversus Magistrum morum, modestior: *vale.*

EPIST: III. *Ciceronis.*

Ex lib: 13. Famil: XXVII.

Argum: Cicero priori epistolâ commendaverat Avianum-Hammonium, & negotia Æmilii Aviani Servio Præfecto in Achaia, suscepit hanc commendationem Servius libentissime, & Hammonium ac negotia Æmilii honorificentissime tractavit. Quamobrem Hammonius referendo Ciceroni, quò animò fuerit Servius erga se, gratias egit & suo & Æmilii Nomine, pro commendatione sui. Pro hac igitur in illos liberalitate & gratia, agit gratias Servio; tùm commendat eorundem negotia; denique scribit sibi esse in deliciis filium ejusdem Servii.

M. C. Servio S. D.

Licet (1) eòdem exemplò sæpius tibi hujus generis literas mittam, cum
G₃ grati-

(11) Censor erat Magister morum, itaque preceundo Appio accessionem honoris, nam defacto Appius futurus erat Censor, dicit se Cicero ideo modestiorem epistolam scribere, tanquam ad Censorem jam Appium.

(1) Cicero miserat jam sæpius literas gratiarum-actorias ad Servium, idemque faciendum adhuc se promittit, dicit itaque se scripturum in eadem materia diverso modo, quemadmodum Juris-consulti in suis formulis facere solent,

gratias agam, quod meas commendationes tam diligenter observes; quod feci in aliis, & faciam, ut video sæpius: sed tamen non parcam operæ, & ut vos soletis in formulis, sic ego in Epistolis de eadem re aliô modô. C. Avianus igitur Hammonius incredibles mihi gratias egit, & suo, & Æmilii Aviani, (2) Patroni sui, nomine, nec liberalius, nec honorificentius potuisse tractari, nec se præsentem, nec rem familiarem absentis Patroni sui. (3) Id mihi cum jucundum est eorum causâ, quos tibi ego summâ necessitudine & summâ conjunctione adductus commendaveram, quod M. Æmilii unus est ex meis familiarissimis, atque intimis, maximè necessarius homo, & magnis meis beneficiis devinctus, & propè omnium, qui mihi debere aliquid videntur, gratissimus: tum multò jucundiùs, te esse tali in me voluntate, ut plus pro sis amicis meis, quàm ego præsens fortasse prodessem: credo, quod magis ego (4) dubitarem, quid illorum

cau-

(2) Tutoris, Mecenatis. (3) quod Aviano & Æmilio hanc benevolentiam præstiteris (4) magis dubitarem quid propter eos facere deberem, quam tu, quid faceres propter me.

causâ facerem, quam tu, quid meâ. Sed hoc non dubito, quin existimes mihi esse gratum. Illud te rogo, ut illos quoque gratos homines esse putes; quod ita esse tibi promitto, atque confirmo. Quare velim, quidquid habent negotii, des operam, quod (5) commodô tuô fiat, ut te obtinente Achaïam, conficiant. Ego cum tuo (6) Servio jucundissimè, conjunctissimèque vivo, magnam que cum ex ingenio ejus, singularique studio, tum ex virtute & probitate voluptatem capio. *vale.*

EPIST. IV. *Bembi.*

Ex lib: 2.

Argum: *Grimanius Cardinalis multa beneficia contulit Angelo Utini commoranti; quod cum rescisset Bembus, Amicus Angeli; refert gratias Cardinali, dicitque omnia, quæcunque fecit Cardinalis Angelo (alioqui Adolescenti per se probo & literis ornato) sibi facta esse; cum amicorum sint omnia communia; tum commendat magis eundem Angelum Cardinali, dicitque proprium esse magnorum virorum benefacere.*

P. Bembus Dominico Grimano

Cardinali S.P.D.

Summô gaudiô affectus sum ex iis literis, quas ab Angelo meo proximè
acce-

(5) quod tibi non sit molestum. (6) filius Servii.

accepi, quibus mihi significabat, quàm insigne tu nuper in eum beneficium, quàmque humaniter & liberaliter contulisses. Nam etsi ego semper ita existimavi, ejus te adolescentis, vel probitatem, optimosque mœurs, vel certè doctrinam & mirificum ingenium jacere, & tanquam in obscuro esse, diutius non passurum; tamen vehementer lætor, hominis mihi conjunctissimi, & quem ego semper in germani fratris habui loco, fovendi atque ornandi abs te initium factum. Nunc autem, quoniam illi mecum omnia semper communia fuère; hæc scripsi tibi: ut scires, non te uni tantum egenti Civi opem, & auxilium præstitisse, aut omnino uni familiæ, qui Angelo Gabrieli prestiteris; sed & mihi etiam, & familiæ meæ. Neque enim est dicendum: quorum hominum animi sententiâ & voluntate conjuncti, copulatique sunt, quibus animis fortunæ (1) imperatur, eos etiam suas ipsorum fortunas non easdem putare. Itaque ago tibi gratias pro mea portione, quàm possum, maximas: petoque duas res à te: unam, ut quantum tibi debere ipsum

Ange-

(1) fortuna & honor animi virtutem sequuntur.

Angelum sentis, pro eo, in quo tu eum erigis jacentem, ac sublevas; tantum me quoque ipsum, certè tibi semper obligatum putes; alteram, ut si te clienti tuo, viro innocenti, ac frugi, deque te (2) bene merito dedisse operam existimas; pergas ei te beneficium ac liberalem præstare. Omnino mihi quidem ita videtur; nec esse quidquam tam proprium magnorum virorum, quàm bene facere quàm plurimis, neque te habere quemquam ex omni familia tua; à quo, vel magis memorem animum, & gratum acceptorum à te munerum, vel uberiores fructus operæ, ingenii, studiorum tibi ipsi polliceri possis. *vale*

EPIST: V. *Bembi.*

Ex lib: 6.

Argum: Andrea Alciato Bembus gratias agit pro gratulatione de Cardinalatu suo facta; dicitque imprimis eam gratulationem esse superabundantem, quam tamen ex maximo amore promanare magni æstimat; denique pollicetur hanc suam dignitatem commodo & utilitati Andreae futuram, si necessitas postulaverit.

P. Mem-

(2) si existimas te hominem dignum promovisse, & beneficiis cumulasse; promoveas eundem in altiores gradus dignitatis.

P. Bembus Adreæ Alciato S.P.D.

Cratulatio de Cardinalatu meo tua valde mihi grata & jucunda accidit. Tametsi tu in recensendis lætitiæ tuæ causis, (1) longius proveheris; quam ut me agnosci possit te non decipi. Sed est (2) ejusmodi lapsus non perferendus modò, verum etiam amplectendus. Amoris enim abundantia provenit: quæ quò major est, eò minus recte judicat. Amore autem nihil homini datum est suavius, nihil fructuosius. Itaque de officio isto tuo, elegantissimisque tuis atque humanissimis literis valde, me hercule, te amo. Mea verò hæc, de qua lætaris, dignitas erit mihi etiam jucundior, si in te ornando afferrealiquid poterit, quo meus erga te amor cum tibi, tum reliquis hominibus esse notior atque testatior possit. Quanquam ea tua excellens præclaraque doctrina, eæ sunt tuæ plurimæ præstantissimæque virtutes, ut alienæ opis minimè omnium indigeas. *vale.*

EPIST:

(1) supra, quam par est, laudes meas amplificas, ut ferre cognoscam te mihi immeritò aliqua tribuere. (2) nimis laudatio.

EPIST: VI. *Bembi.*

Ex lib: 6.

Argum: *Idem est quod Superioris Epistola, eademque partes.*

P. Bembus Georgio Giraldo S.P.D.

Accepi gratulationem tuam humanitatis & benevolentiae plenissimam. Nihil est enim à te prætermisum earum rerum, quarum commemoratione probari (1) Pauli Pont: Max: de me iudicium & cooptatio potuerit testimonio tuo. Quo quidem nihil gratius potuit accidere. Sed vereor, ne te eum sermonem ingressum, longius, quàm par erat, provexerit voluntas ipsa in me ornando tua. Quod si est; eò tibi largius debeo, quò tu plura in nos, quàm quæ agnosci possent, virtutum ornamenta contulisti: Omnino tota de re tuisque his literis tam benevolis, valde medius fidius te amo: doctrinamque tuam facio sanè plurimi. Quod si se mihi occasio aliqua dederit, ut tibi usui sim, te magnopere & amari à me, & probari senties. *vale.*

EPIST:

(1) Paulus Pontifex Max: adlegit Collegio Cardinalium Petrum Bembum, quem Pontificem in sua Epistola gratulatoria summis extulit laudibus Giraldu, hoc itaque sibi maximè habet gratum.

EPIST: VII. Plinii.

Ex lib 4.

Argum: Plinius liberis ex Matrimonio destitutus, petit sibi à Trajano concedi jus liberorum, hoc est, ut sibi liceret, quos vellet, adoptare filios, idque egerat per Servianum, qui bis fuerat Consul sub Trajano; Jus hoc & quidem trium liberorum cum habuerit sibi concessum Plinius, agit gratias Trajano.

Plinius, Trajano, Imp:

Exprimere, Domine, verbis non possum, quantum mihi gaudium attuleris, quod me dignum putasti jure trium liberorum; quamvis enim Julii Serviani optimi viri, tuique amantissimi precibus indulferis, tamen etiam ex (1) rescripto intelligo, libentiùs hoc (2) ei te præstitisse, quia pro me rogabat. Videor ergo (3) summam voti mei consecutus, cum inter infinita felicissimi principatus tui, probaveris me ad (4) peculiarem indulgentiam tuam pertinere; eoque

(1) dato ad Servianum, nam Jurisconsulti, qualis fuit Servianus) nomine Principum rescribebant subditis. (2) Serviano deprecante. (3) maximum votorum meorum, vel, quod maximè precatus sum. (4) quia parces, fuit Trajanus in hoc beneficio concedendo, ideo dicitur peculiare.

eoque (5) magis liberos concupisco, quos habere etiam (6) illò tristissimò sæculò volui, sicut potes duobus matrimoniis meis (7) credere. Sed Dii melius, qui omnia integra bonitati tuæ reservarunt. malui hoc potius tempore me Patrem fieri, quò futurus essem & securus, & felix. *vale.*

EPIST: VIII. *Plinii.*

Ex lib: 10.

Argum: Plinius & Socrus ejus rogarunt Trajanum fmp: ut Cælium, finito Consulatu suo, præficeret Bithynia Provincia. Pro quo beneficio, se & Socru suâ rogantibus, Cælio præstito, Plinius gratias agit Trajano.

Plinius Trajano.

Difficile est, Domine, exprimere verbis, quantam perceperim lætitiā, quod (1) & mihi & socru meæ præstiti, ut ad finem Consulatus Cælium Clementem in(2) hanc Provinciam transferres.

(5) quod te tam benevolum mihi experiar. (6) cum distracta Republica nulla spes erat aut bonorū possidendorum, aut honoris consequendi. (7) Colligere ex eo, quod duas uxores habuerim propter hæredes, (1) quod me & socra meâ rogantibus, præstiteris id, ut &c. (2) Bithyniam.

ferres. Ex illo enim (3) mensuram beneficii tui penitus intelligo, cum tam plenam indulgentiam, cum tota Domino mea experiar, cui referre gratiam parem, nec audeo quidem, quamvis maximè debeam; itaque ad vota confugio, deosque precor, ut iis, quæ in me assidue confers, non indignus existimer.

EPIST. XI. *Sabellici*

Argum: Sabellicus scribit pergratum sibi esse, quod in filii sui negotio amicus tantum laborarit, quantum optimus exitus ejusdem negotii exigere videbatur.

Sabellicus Martino Arbensi S.

Et si officium mitti non debet in questum, nullum tamen eò esse questuosius potest, quò amicitia paratur, quale fuit nuper illud, quod tu, vir clarissime, in filii mei negotio, mihi præstitisti. Vix credas, quàm sit mihi gratum: quod tu vir istâ dignitate, & eruditione, tantum laboris meâ causâ adieris, ut non solum id negotium libenter suscipere dignatus sis, sed totis

(3) quàm magna sint in me beneficia tua.

tis etiam viribus elaboraris, ut ex Sententia nobis conficeretur. Sim ego omnino ingratus, nisi tantum tibi omni tempore debere velim, quantum homo homini debere potest. Spero amicitiam hanc tuis auspiciis initam perpetuis incrementis auctum iri. Id ut fiat, eò plus est mihi annitendum, quàm tibi; quod vix tam officiosum sit gratiam constituere, quàm turpe, & invidiosum non recipere, aut receptam non tueri. Sed cur non tuear, aut cur non potius is sim quem tu tuò officiò & benevolentia esse voluisti, quique gratiam hanc per te auspiciatissime inchoatam non solum augere possim, sed ad posteros etiam illustrare? Vale, & hoc tibi persuadeas, velim, ex omnibus amicis, quos tua virtus tibi conciliavit, qui plenius Sabellicò sit tibi in amicitia responsurus, esse neminem.

Exemplum.

Gratia referuntur pro munere sibi collato.

Accepi munus tuum, re quidem magnificum, sed te Authore longè mihi tum pretiosissimum, tum jucundissimum. Rectè enim à Nasone scriptum est: sic acceptissima semper munera sunt, **Autor**

thor quæ pretiosa facit. Quò quidem quid me tibi devinctum esse fatear, cum sim jam olim devinctissimus? Totus in ære tuo sum: arctioribus vinculis me tibi astringere non potes. Quod referam vel istò munere, vel potius tuò istò in me animò, qui mihi munere ipso longè est svavior, dignum, nihil habeo, nisi me ipsum, quem si alicujus esse pretii putas, totum peculio tuo adscribito. Crede mihi nihil habes in omnigenere possessionum tuarum, quò tu tam propriè possis & uti, & abuti, quàm Basiliò tuò
vale,

Aliud.

Gratia referuntur pro officiis amico præstitis.

Multa sunt tua erga me officia, at nullum omnium mihi fuit aut opportunius, aut jucundius, quàm quod fratrem meum in causa difficillima tuò patrociniò juveris. Qui est mihi propemodum me ipsò charior, ita quidquid in illum contulisti, id mihi gratius etiam videri debet, quàm si in me ipsum esset collatum. Sed ne diligentius tibi gratias agam, nostra familiaritas flagitare videtur. Neque enim tu novi quid
quam

quam fecisti, & ego re, quàm verbis
beneficium rependere malim. *vale.*

EPISTOLÆ GRATULATORIÆ.

EPIST: I. *Ciceronis*

Ex lib: 2. Famil: V.

*Argum: Cicero gratulatur Curioni, quod
absens, vel quia civiles misérias non videat,
vel quod sit ibi, ubi magnam ex recte factis lau-
dem consequatur. Pestremò hortatur eum, ut o-
mnia paret, omnia cogitet, quibus Respublica for-
titer defendi possit, cum ejus solius auxilio vide-
atur indigere.*

M. T. Cic: C. Curioni S.P.D.

Hæc (1) negotia quomodo se habeant,
ne (2) epistolâ quidem narrare au-
deco tibi, etsi ubicunque es (ut scripsi ad
te antea) in (3) eadem es navi: tamen
quod abes, gratulor, vel quia non vi-
des ea, quæ nos; vel quod (4) excelso
H & il-

(1) innuit tacitè p. sibi num itarum Reipublicæ. (2) ne-
que per epistolam, quæ secretum tenet, audeo deferre.
(3) eidem periculo es exp. sitis, cui & ego. (4) in A-
sia, ubi plurimi Romani & Socii Romanorum multi er-
rant, optimè se gessit Curo, unde laudem maximam
comparabat.

& illustri loco sit laus tua, in plurimorum & sociorum, & Civium conspectu; quæ ad nos nec obscurò, nec vario sermone, sed & clarissimâ, & una omnium voce perfertur. Unum illud nescio, gratulerne tibi, an timeam, quod (5) mirabilis est expectatio redditus tui: non quod verear (6) opinioni hominum non (7) respondeat; sed, me hercule, ne, cum veneris, non habeas jam, quod cures; ita sunt omnia debilitata, jam propè & extincta. Sed (8) hæc ipsa, nescio rectenè sint literis commissa. quare cetera cognoscas ex aliis. Tu tamen si ve habes aliquam spem de Republica, si ve desperas, ea para, meditare, cogita, quæ esse in eo Cive ac Viro debent, qui sit Rempublicam afflictam & oppressam miseris temporibus, ac perditis moribus, in veterem dignitatem, ac libertatem vindicaturus.

EPIST: II. Ciceronis

Ex lib: 15. Famil: VII.

Argum: Gratulatur Cicero Marcello, quod esset Consul designatus; optatque eum feliciter gere-

re

(5) quod vehementer ab omnibus redditus tuus desideretur (6) dicit omnes existimare à Curione vindicandam Remp: (7) non propterea, quod quasi dubitem, ut respondeat redditus tuus votis omnium. (8) sed & hæc, quæ innui de Republica, timeo ne revelentur.

re hunc Magistratum, administrareque pro dignitate tū suā, tū Patris sui; postremò commendat ei suam dignitatem.

M.T.C. Procos. C. Marcello

Cons: Design: S.P.D.

Maximā sum lætitiā affectus, cū auidivi te Cōsulem factum esse, eumque honorem tibi Deos fortunare volo, atque à te pro tua Parentisque tui dignitate administrari. Nam cū te semper amavi, dilexique, tū mei amantissimum cognovi in omni (1) varietate rerum mearum; tum Patris tui pluribus beneficiis, vel defensibus tristibus temporibus, vel ornatus secundis; & sum totus vester, & esse debeo, cū præsertim matris tuæ gravissimæ atque optimæ fæminæ, majora erga salutē dignitatemque meā studia, quæ erant à muliere postulanda, perspexerim. Quapropter à te peto in majorem modum, ut me (2) absentem diligas, atque defendas.

EPIST: III. *Bembi.*

Ex lib: 1.

H₂

Ar-

(1) secundis & tristibus temporibus, tempore pacis & bellorum civilium (2) erat enim tunc Cice o Ciliciæ Præfæsus.

Argum: Paulus Pisanus cum rediens ex Legatione Romana, Venetiis adhuc commoraretur designatus est Triumvir cum Bembo Patre hujus Bombi, de eo itaque Triumviratu gratulatur Bembo tum Paulo, tum Reipublicæ, cujus gloria cum ejus honore conjuncta est, dicitque nihil esse posse gloriosius Reipublicæ, quam à viris sapientibus, qualis est Paulus, gubernari.

P. Bembus Paulo Pisano Equiti
Triumviro designato S.P.D.

Gratulari quidem me per hanc epistolam oportet; atque unū (1) id planè mihi esse faciendum scio. Cui autem gratuler potissimum? id mihi dubium facit, (2) vel virtus, vel etiam felicitas tua. Nam quod Romanà legatione defunctus sis, laboriosà illà quidem & gravi; quod sospes redieris ad tuos; de eo tibi esse statuo gratulandum, idque me tecum rectè facere puto. Quod autem nondum etiam reversum in Patriam, (3) illa te amplissimis Magistratibus honorarit, de qua, te optimè meritum omnes homines prædicant; in (4) eo mihi videtur non tam tui, quàm etiam Rei-

(1) ut tibi gratuler. (2) utrum virtuti, an felicitati tuae sit laus tribuenda. (3) Patria, de qua es optimè meritus. (4) quod dignitate adornatus sis, cum nondum reversus fueris in Patriam, ex eo & tua maxima virtus, & Reipublicæ utilitas colligitur.

Reipublicæ habitam esse rationem. Illa enim ex quo te uti cæpit, uberes semper fructus ex te, voluptatesque percepit; tu verò & in iis Legationibus, quas antea gessi tibi passus es permagnos fluctus laborum. & ex his muneribus quæ nunc geres, maximas es, ut mihi quidem videtur, negotiorum undis, tempestatibusque perperurus. Tum etiam illud accedit, quod ex munerum (5) accessiones; ut ego semper existimavi, quæ in optimos Cives fiunt, non tam ad eorum pertinent dignitatem, quæ quidem (6) aucta esse semper debet ipsa satis ex se se; quàm ad Reipublicæ gloriam sempiternam; cui quid potest esse gloriosius, quàm à viris sapientibus regi, & gubernari? Quod si tui similes in nostra Urbe multos Cives habemus; fortasse hæc illa esset Respublica, quam beatam esse dicere verè liceret. Itaque, ut ad me redeam, quo genere gratulationis utar, non satis explicatum habeo; vel potius habeo, ac planè jam scio. Nam quod in tua felicitate positum est, de eo tibi esse gratulandum puto;

(5) honorum, Magistratuum collationes. (6) cum viri optimi, per se se digni sunt.

puto; quod in virtute, Reipublicæ; nisi me malis tu, hâc epistolâ philosophari: ut (7) ea una, quæ in animo fita sunt, tua demum ipsius ducam, deque iis tibi gratuler potissimum; Quæ autem fortunæ subiecta sunt, de (8) iis cum Republica bene-actū putem, in qua & casus & fortuna plerūque dominantur. Sed vides quo (9) laboror? Jam mihi est de utroque, scilicet, & tibi & Reip: gratulandum. Neque enim vereor, ne quis me reprehendat; si noverit, mihi cum Sapientissimo Philosopho, & Senatore præstantissimo esse sermonem. Sit itaque sanè hoc, Paule, sit inquam & nobis eveniat sæpius, ut tibi & Reip: gratulemur. Cupimus enim, quod etiam optare debent omnes boni, ut & tu illam exornes semper, & illa te; ita enim & se se illustrabit illa maximè, & ipse sempiternā facies benè agendo, beneque consulendo, memoriam nominis tui. Et verò enim semper optimi cujusque Civis gloria cum Reip: gloria conjuncta est; neque clara esse ulla Resp: potest
finē

(7) ut id unicū bonū, quod in animo situm est, id est, virtutem, tuum esse dicam. (8) de iis, quæ casu, vel fortunâ Reipublicæ sunt utilia, gratulandum est Reipublicæ. (9) quid intendam.

sine suorum Civium splendore ac dignitate. Cæterum, quod superest, gaudeo etiam plurimum mihi, qui te in Triumviratu video Collegam Bembi Patris mei fore; quem quidem ille, unum sibi maxime omnium, optaverit contigisse, posteaquam ei (9) Marcum Sannutium Collegam alterum Prætura Bergomenis eripuit. *vale.*

EPIST. IV. *Bembi.*

Ex lib. 4.

Argum: Bembus gratulatur Cardinali Sanctæ Crucis reditum Romam ex Legatione Germanica, declaratque se esse semper ejus memorem, & promittit se Romæ propediem futurum.

P. Bembus Cardinali S. Crucis S. P. D.

Cùm primum mihi renuntiatum est id, quod maxime intelligere cupiebam, te ex illâ tua laboriosa Legatione Germanicâ, Romam (1) multa cùm laude atque gloria salvum sospitemque rediisse, tùm meum officium esse duxi, ut tibi gratuler, qui quasi ex tempestate in portum, ita ex magnis laboribus,

&

(9) cum Bembo fuit Triumvir Marcus, is factus est Prætor, & in ejus locum successit Paulus

(1) ex eo, quod legationem gloriose peregisset.

& longo itinerum errore incolumis redieris ad tuos; tum mihi statui gaudendum, quod te, quô ego unô Patronô optimô atque humanissimo utor; non jam inter ultimas, efferasque Gentes versari, sed apud Julium Pontificem Max: in vestro Cardinalium Collegio esse Romæ, hoc est, in Orbis terrarum (2) Theatro maximo, atque pulcherrimo audierim. Itaque hæc ad te scripsi, ut scires me, & tui memoriam absentis diligentissimè semper coluisse, & nunc reversi amplitudine atque gloriâ vehementer lætari. Quod si mihi per negotia licebit, præsens te in Urbe propediem salutabo. *vale.*

EPIST: V. *Plinii*

Ex lib: 6.

Argum: Servianus V. r. princeps sponderat filiam suam Fusco Salinatori in uxorem; id igitur tanquam optimè factum gratulatur Plinius Serviano, Salinatoris virtutes probat, optatque filios ei nasci.

Plinius Serviano Suo S.

Gaudeo & gratulor, quod Fusco Salinatori filiam tuam destinasti. (1) *Domus*

(2) intelligit Romanam Urbem in Orbe terrarum præclaram & maximè conspicuam (1) Laudat Salinatorem & majoribus, qui fuerunt Senatores.

mus Patritia, Pater honestissimus. Mater pari laude. Ipse 2 est studiosus, literatus, etiam disertus, puer simplicitate, comitate juvenis, senex gravitate; neque amore 3) decipior. Amo quidem effusè (ita officiis, ita reverentiâ meruit) judico tamen, & quidem tantò acrius, quantò magis amo; tibi que, ut (4) qui exploraverim, spondeo habiturum te Generum, quò melior fingi, ne votò quidem potuit. Superest, ut (5) avum te quàm maturissimè simillimum sui faciat. Quàm felix tempus illud, quo mihi liberos illos, nepotes tuos, ut meos, vel liberos, vel nepotes ex vestro sinu (6) sumere, & quasi pari jure tenere contingat! *vale.*

EPÍST. VI. *Plinii.*

Ex lib. 10.

Argum: Plinius gratulatur Trajano Impi quod brevi post adoptionem accepit Imperium Romanum, eique felicitatem optat.

Pli.

(2) ipse Salinator reddit se aptum, accommodat se ad munia Reipublicæ. (3) in iis, quæ dico non exacer amore, quò, propter ejus officia in me, illum prosequor. (4) qui peripexi ejus doctes, (5) ut filium sibi similem habeat. (6) gestate, complecti.

Plinius Trajano.

Tua quidem (1) pietas, Imperator Sanctissime, optaverat, ut quam tardissime succederes Patri; sed Dii immortales festinarunt virtutes tuas ad gubernacula Reipublicæ, (2) quam susceperas, admove. Precor ergo, ut tibi & per te generi humano prospera onnia, id est, digna sæculo tuo contingant. Fortem te, & hilarem, Imperator optime, & privatim; & publicè opto.

EPIST: VI. *Sabellici*:

Argum: Sabellicus gratulatur amico de accessione Dignitatis; ostenditque se amantiſſimum illius.

Sabellicus Josepho S.

Gratulor tibi, vir amicissime, quod Belumenses, ut audio, te publicè in-auctorarint; & si serò, gratulor tamen, cupioque feliciter tibi evenire quod non parvis initiis cæperis, & publicè profiteri. Video factum esse tibi gradum ad

ca

(1) pietas erga Nervam Patrem suum, à quo adoptatus fuerat in filium, & quem Imperatorem optaverat fore quâ diutissime, quo tamen mortuo, brevi successit in imperium (2) quia Trajanus Rempublicam, permittente Nerva, etiam cum is in vivis adhuc existeret, gubernavit.

ea laudum incrementa, quæ de te sum mihi semper pollicitus; utinam tibi in tanto rerum successu, tuarum laudum vel spectator vel, fautor adesset; nostrum testimonium ad te ornandum nunquam defuisset. Quanquam nihil est virtute ipsâ commendabilius, quippe quæ ita omnibus tuæ vitæ partibus elucet, ita se se effert, ut qui eam in te non exosculatur, Phineo credi possit & Ædipode cæcior. Sed quod nostrum sit de te iudicium, malo ex his intelligas, qui nos quâcunque in corona, & cætu hominum de ingeniis nostri sæculi differentem audivêre; nunc tantum de uno habeto chariorem esse mihi neminem. Da operam, ut ego quoque intelligam me mutuo abs te amari. *vale.*

Exemplum.

Amicus Amico gratulatur novam dignitati suæ accessionem.

Literæ tuæ suavissimæ, quibus te novis honoribus ornatum nuntias, tantâ me lætitiâ impleverunt, ut prorsum dubitem, cui potissimum gratulari debeam; tibine, cui tanta dignitas, nec petenti, nec cogitanti contigerit? an Patris,

triæ, quæ talem sit Senatorem habitu-
rat an Principi, qui talem Consiliarium;
an mihi potius, qui tuis fortunis perinde
ac meis delector? gratulari certè debeo
omnibus, sed cum probè noverim te isti-
usmodi ornamenta ne desiderare, suspici-
amque te tantò istò honore digniorem,
quò delectaris minùs, virtuti tuæ vel
maximè gatulor. *vale.*

EPISTOLÆ HORTATORIÆ.

EPIST: I. *Ciceronis*

Ex lib: 2. Famil: VI.

*Argum: Cicero intendit Curionem cohorta-
ri ad laudem & gloriam bonis artibus compa-
randam, idque tacite insinuat; ut Rempublicam;
quæ jam tunc propè extingui videbatur, in vete-
rem dignitatem & libertatem vindicare studeat.
Est autem artificiosum exhortationis genus, quod
ex abrupto non exposuerit, quid vellet; ast positis
tantum tribus epistolarum generibus; cum dicat
sibi nullum scribendi argumentum suspetere, osten-
dit se tanquam coactum hortari Curionem ad am-
plectendam Rempublicam.*

M.T.C. C. Curioni S.P.D.

Epistolarum genera multa esse non i-
gnoras; sed unum illud certissimum
cujus

cuius causa inventa (1) res ipsa est, ut certiores faceremus absentes, si quid esset, quod eos scire, aut nostrâ, aut ipsorum interesset. Hujus generis à me profectò non expetis; tuarum enim rerum domesticarum habes & scriptores & nuntios. In meis autem rebus nihil est sanè novi. Reliqua sunt epistolarum genera duo, quæ me magnopere delectant: unum familiare & jocosum, alterum severum & grave. (2) Utrò me minus deceat uti, non intelligo. Jocerne tecum per literas? civem, me hercule, non puto esse, qui temporibus * his ridere possit. An gravius aliquid scribam? quid est, quod possit graviter à Cicerone ad Curionem scribi, nisi de Republica? Atque in (3) hoc genere hæc mea causa est, ut neque ea, quæ nunc sentio, velim scribere. Quamobrem, quoniam nullum mihi scribendi argumentum relictum est, utar ea clausula, quâ soleo, teque ad studium summæ laudis cohortabor. Est enim tibi gravis

(1) Epistola ipsa. (2) neutro horum genere convenit me uti. pessimis. (3) de Republica etiam nolo tibi scribere; idque ob causam, quæ non declaratur, sed tamen subintelligitur, nempe, ob timorem Caesaris, ne quid agere contra eum videretur.

vis, (4) adversaria, & parata incredibilis quædam expectatio, quam tu (5) una re facillimè vinctes, si hoc statueris: quarum laudum gloriam adamaris, quibus artibus eæ laudes comparantur, in iis esse laborandum. In hanc sententiam scriberem plura, nisi te tuâ sponte satis incitatum esse considerem; & hoc quidquid attigi, non feci inflammandi tui causâ, sed testificandi amoris mei. vale.

EPIST: II. Ciceronis.

Ex lib: 6. Famil: XXII.

Argum: Victo in Thessalia Pompejò, multi boni Cives ab armis discesserunt, alique Romam, spe obtinendæ veniæ à Casare, alii vicina in Oppida se receperunt. Cicero igitur Roma existens excusat officium suum, quod literas aliquanto tempore non dederit ad Domitium in Italia commorantem, hæc potissimum rationes, quod consolari alios non potuit per literas, cum ipse solus consolatione egeret. Denique hortatur eum vehementer, ut incolumitati suæ consulat, amicorumque, quos belli casus eripuit, desiderium forti animo ferat. In extremo pollicetur se omnia facturum, quæ salutis illius ac dignitati conducere arbitratur.

M.T.C.

(4) expectarunt reditum Curionis Romani & amici tanquam vindicem libertatis, & aliqui adversi eidem futuri erant, ideo dicitur adversaria expectatio. (5) beneficiendo, sive optimis, pro Patria gestis.

M.T.C. Domitio S.D.

Non (1) ea me res terruit, quo minùs
 posteaquàm in Italiam venisti, lite-
 ras ad te mitterem, quod tu ad me nul-
 las miseras; sed quia, nec, quid tibi pol-
 licerer, ipse egens rebus omnibus, nec
 quid suaderem, cum mihi met ipsi con-
 siliu n deesset, nec quid consolationis
 afferrem in tantis malis, reperiēbam. (2)
 Hæc quanquàm nihilo meliora sunt,
 nunc etiam atque etiam multo despe-
 ratoria, tamen (3) inanes meas esse li-
 teras, quàm nullas malui. Ego, si te
 intelligerem plus (4) conatum esse susci-
 pere Reipublicæ causà (5) muneris, quam
 quantum prætare potuisses: tamen qui-
 buscunque rebus possem, ad eam con-
 ditionem te vivendi, quæ daretur, quæ-
 que esset, hortarer. Sed cum consilii
 tui benè, fortiterque suscepti eum tibi
 finem statueris, quem ipsa fortuna ter-

minum

(1) dicit Cicero se non propterea ad Domitium non scri-
 psisse, quod Domitius cum in Italiam venisset, ad eum ni-
 hil scripserit *sed &c.* (2) Hec etiam tempora licet non sint
 meliora, imo pejora, *tamen &c.* (3) aliquid malui scribere,
 quam nihil (4) si scirem te secutum fuisse hoc bellum alio
 fine, quam eo, quem fortuna dedisset, tamen hortarer te
 ad id, ut fortunæ morem gereres. (5) Causa honoris, causâ
 boni publici, quod ut Civis defendere debueras.

minum contentione non nostrarum esse voluisset; oro, obtestorque te pro veteri nostra conjunctione, ac necessitudine, proque summa mea in te benevolentia, & tua in me pari, te ut nobis, Parenti, Conjugi, tuisque omnibus, quibus es, fuistisque semper carissimus, saluum conserves; incolumitati tuæ, tuorumque, qui ex te (6) pendent, consulas; quæ didicisti, quæque ab adolescentia pulcherrimè à Sapientissimis viris tradita, memoriâ & scientiâ comprehendisti, his hoc tempore utare; quos conjunctos summa benevolentia plurimisque officiis amisti, eorum desiderium si non æquò animò, at forti feras. Ego, quid (7) possim, nescio, vel potius me parum posse sentio; illud tamen tibi polliceor, me, quæcunque saluti ac dignitati tuæ conducere arbitrabor, tantò studiò esse facturum, quantò semper tu & studiò & officiò in meis rebus fuisti. Hanc meam voluntatem ad Matrem tuam optimam fæminam, tuique amantissimam, detuli. Si quid ad me scripseris, ita faciam, ut te velle intellexero. Sin autem

minùs

(6) qui sine te non possunt esse incolumes. (7) quid possim, vel pro tua, vel pro Reipublicæ salute agere.

in ius scripseris; ego tamen omnia, quæ tibi utilia esse arbitror, summò studiò, diligenterque curabo. vale.

EPIST. III. Ciceronis.

Ex lib. 12. Famil. I.

Argum. Cum interfectores Caesaris ex Urbe profugissent, & Antonius pro libidine omnia in Urbe ageret, quemadmodum olim egerat Caesar, Cicero cum magno dolore ea commemorat, & ostendit omnem reliquàm libertatis spem esse in ipso Cassio & Bruto; quos ita incendit, ut demonstret eos frustra interfecisse Casarem, nisi Rempubicam etiam à dominio Antonii liberent; quem odio exponit, commemorans ejus iniquè facta.

M. T.C. C. Cassio S.P.D.

Finem nullum (1) facio, mihi crede, Cassi, de te, & de Bruto nostro, & de tota Republica cogitandi, cujus omnis spes in Vobis est. Quam quidem jam habeo ipse (2) meliorem, Republicà à Dolabella meo præclarissimè gestà. Manabat enim illud (3) malum urbanum, ut ego quidem & Urbi, & otio diffi-

I derem

(1) dicit Cicero se semper cogitare de laudibus Cassi & Bruti, ac de vindicanda Republica. (2) ostendit meliorem esse Rempubicam ex eo, quod Dolabella gener suus sit Consul cum Antonio. (3) Seditiones Civium ita ampliabantur, ut nec Urbis, nec quietis ullam spem haberem.

derem urbano. Sed ita (4) compressa est, ut videamur omne jam ad tempus, ab illo duntaxat * sordidissimo periculo tuti futuri. Reliqua magna sunt ac multa; sed posita omnia in vobis; quanquam (5) primum quid explicemus, non videamus. Nam, ut adhuc quidem actum est, non (6) regnô, sed Rege liber ti videamur. Interfecto enim Rege, Regios omnes nutus tuemur. Neque verò id solum, sed etiam, quæ ipse ille, si viveret, non faceret, ea nos (7) quasi cogitata ab illo probamus; Nec ejus rei quidem finem video. (8) Tabulæ finguntur, (9) immunitates dantur, pecuniæ maximæ describuntur, exules reducuntur, senatus consulta (10) falsa referuntur; ut tantummodo (11) odium illud hominis impuri, & servitutis dolor depulsus esse videatur, Respubli-

ca

(4) composita Urbs, & ad pacem redacta. * à cædō Cæsaris. (5) primum (intelligitur de malis, quæ reliqua sunt) non est explicandum, ratio ita im subjungitur. Nam &c. (6) Imperia eadem esse dicit, quæ fuerunt sub Cæsare. (7) quasi primum cogitata à Cæsare & necdum facta, ea nunc sub Antonio fieri videmus. (8) leges novæ. (9) à communibus oneribus (10) quod non est statutum in Senatu, refertur tanquā statutū (11) ut videatur id tantum factum esse, quod Cæsar oculis non obversetur, cætera vero sint eadem mala.

ca jaceat in his perturbationibus, in quas eam ille conjecit. Hæc omnia vobis sunt expedienda; nec (12) hoc cogitandum, satis jam habere Rempublicam à vobis. Habet illa quidem tantum, quantum nunquam mihi in mentem venit optare, sed contenta non est, & pro magnitudine & animi, & beneficii vestri, à vobis magna desiderat. (13) Adhuc ulta est suas injurias per vos, interitu Tyranni, nihil amplius. Ornamenta verò sua quæ recuperavit? an quod ei mortuo paret, quem vivum ferre non poterat? cujus (14) æra refigere debemus, ejus etiam (15) chirographa defendimus? (16) at enim ita decrevimus: Fecimus id quidem, temporibus cedentes, quæ valent in Republica plurimum. Sed immoderatè quidam & ingratè nostra (17) facilitate abutuntur. Verum

I2

hæc

(12) quasi totum propter Remp. feceritis interheiendo Cæsarem (13) solummodo vindictam sumpsit de oppressione sua per vos, nihil boni ultra. (14) abulas legum publicarum à parietibus avellere (15) atque Cæsaris propria manu scripta (16) inducit obicientem, quod statuta Cæsaris rata & habita sunt à nobis, proinde servanda. quàm objectionem diluit necessitate temporum (17) quod temporibus cedentes faciles fuerimus in acceptandis legibus iniquis, hæc facilitate nostra alii non debent abuti.

hæc propediem, & multa alia coram. Interim sic tibi persvadeas, mihi cum Republicæ, quam semper habui carissimam, tum amoris nostri causa, maximæ curæ esse tuam dignitatem. Da operam, ut valeas.

EPIST. IV. *Bembi.*

Ex lib: 6.

Argum Andreas Alciatus, Venetiis oriundus, Jurisconsultus optimus, apud Biturienfes degens, invitabatur à Patavinis ad jus civile in Academia declarandum, quò venire Alciatus aliquomodo renuebat; hortatur itaque eum Bembus, tum pro celebritate Urbis, tum ratione solutionis certæ, & promissione plurium commodorum, tum pro voluntate Matris ipsius, quæ optat eum propius adesse; denique proponit ei amorem honesti, quo incitari debet ad petitiones aliorum implendas.

P. Bembus Andreæ Alciato

Jureconsulto S.P.D.

Iuto non necesse esse, me hominem nullâ (1) necessitate tibi conjunctum te hortari, ut magna cum tua dignitate Patavium accersitus, ad jus civile declarandum, venias. Velenim Urbs hæc præcla:

(1) nullâ familiaritate, aut non adeo magnâ notitiâ.

præclara, conventusque illustribus cum doctorum hominum, tum doceri cupientium, qui te incredibiliter expetit; vel ipsa Civitas Veneta, cujus iussu hac de re tui ad te scribunt; satis te ad iter posse hortari, atque impellere videntur. Præsertim cum tu te ostenderis hoc ipsum (2) cupere: dederisque ad tuos (3) interpretes literas, quibus ex literis (4) sponsores pro te essent, si Respublica tibi, quod petebas, stipis nomine polliceretur; te venturum. Quod si propterea, qui cum tu nummos aureos (5) solares petieris, illa tibi tantum aureos est pollicita, hortatore eges, qui te cunctantem & dubitatem incitet? primum (6) quantum id est; propter quod ad petitionis tuæ summam non pervenitur? deinde spondeo tibi ipse, in meque recipio, te, si verneris, brevi tempore non modò ea, quæ poposcisti, sed multò etiam plura, multoque àpliora nullò negotiò consecuturum. Itaque, vir clarissime Alciate, pro eo,

I3

quo

- (2) velle te ostendisti in Academia Patavinorum esse.
 (3) significatorias literas. (4) qui sponderent pro te, sive qui certos nos redderent de adventu tuo. (5) aurei solares dici possunt à figura sic dicti, quod in illis sol exprimeretur, & erant nummi melioris valoris quàm alii.
 (6) parum est, de quo agitur, quodque tuum adventum retardare videtur.

quò tuam dignitatem maximè quidem
semper, sed his etiam præcipuè diebus,
defendi atque adjuvi studiò; conditio-
nem, quæ proponitur, te respuere mi-
nimè omnium velim. Quare non tan-
tum te hortor, sed planè etiam at-
que etiam rogo, ut ad nos, quod tuò
commodò fiat, sine mora te conferas.
Erit id & matri tuæ jucundissimum,
quæ, ut audio, te abesse tam longin-
quis in locis molestè fert; & tibi im-
primis honorificum; addo etiam mul-
tis de causis perutile. Quancumque qui-
dem cum Juris civilis scientiam sis
complexus, ab (7) honesto magis
duci noverique te; tui est officii, at-
que muneris. Hæc amor summus in
te meus scriptis excitatus & confirmatus
tuis, me, ut ad te scriberem, impulit. *vale.*

EPIST. V. *Bembi.*

Ex lib: 6.

*Argum: Bembus habuit sibi nuntiatum per
litteras, quod Scaevola in bonarum artium studio
optimè profecerit. Hortatur itaque eum, ut ean-
dem viam diligenter insistat, adaugetis rationibus,
ab exemplo Majorum, & commoestate rerum ad*

per-
(7) honestate magis, quam cupiditate lucri duci debes,

pertrahenda studia necessariarum, tum ab aitate ad id idonea, & ingenio.

Petrus Bembus Paulo Sadoletto S.P.D.

Tuas ad me humanissimas literas superiore anno datas, & tunc eò libentius legi, quò mihi maximam spem attulerunt, fore te in bonarum artium studijs brevi eum illum, quem volumus, quijam tùm tam ampliter profecisses: quemadmodum tibi rescripsi. Et nunc; dum (1) est, cui dem; te planè hortor, istam ipsam insistas viam, pergasque eò gressu, quò cæpisti, vel potius, quò jam magnam itineris partem confecisti, atque illam quidem, quæ profectò (2) morosior salebrisque impedita magis est. Nam ea, quæ restant; unà cum fructu & quidem uberrimo, jucunditatis tibi plurimum sunt allatura. (3) Habes Domi, unde omnia tanquam de pleno fonte haurias; Patrum scilicet tuum hominem antiquis illis, quos tantopere laudamus, parem. Habes ætatem ad omnem industriam exercendam, laboresque perferendos aptissimam, atque
acco-

(1) cum sit, per quem literas ad te transmittam. (2) quia in altioribus scientiis plures sunt difficultates (3) incitat eum à majorum gloria.

accommodatissimam. Habes otium. Præstas ingenio; quò maximò præstantissimòque uteris. Ut nihil ad id, quod summum est, assequendum tibi à Diis immortalibus non abundè atque largiter subministratum fuisse videatur. Hæc, quia te amo, equidem plurimum, non propterea, quod tu monitore egeas, scribo. Valebis igitur, nosque diliges.

EPIST: VI. *Plinii.*

Ex lib I.

Argum: Minutius Fundanus vir prudens & Sapiens, urbanis tamen negotiis nimium erat ceditus; hortatur ergo eum Plinius, ut par. sibi rationem vivendi aeligat, hoc est, ut seculum ab Urbe & Stucium amplectatur, idque ex eo, quod in Urbe occupati sunt homines rebus inanibus, ruri verò nihil audiant, quò offendantur; nihil loquantur, quod loqui peniteat.

Plinius Minutio Fundano suo S.

Mirum (1) est, quàm singulis diebus in Urbe ratio aut constet, aut constare videatur pluribus, cunctis non constet: Nam si quem interroges; hodie quid

(1) miror, quod aliqui videantur posse ostendere rationem, quonodo, & in quibus negotiis dies singulos in Urbe transegerint, cum plurimi & fere omnes hujusmodi rationem reddere non possint.

quid egisti? respondeat: (2) officio togæ virilis interfui; (3) sponsalia aut nuptias frequentavi; ille me ad signandum testamentum, ille in advocationem, ille in consilium rogavit. Hæc, quod die feceris, necessaria; eadem si quotidie te fecisse reputes, inania videntur; multò magis cum secesseris, tunc enim subit recordatio: quot dies, quàm frigidis rebus absumpseris. Quod evenit mihi, postquàm in (4) Laurentino meo aut lego aliquid, aut scribo, aut etiam corpori (5) vaco, cujus (6) fulturis animus sustinetur; nihil audio, quod audisse, nihil dico, quod dixisse pæniteat. Nemo apud me quemquam finitris sermonibus carpit; Neminem ipse reprehendo, nisi unum me, cum parum commodè scribo; nullà spe, nullò timore sollicitor, nullis rumoribus inquietor, mecum tantum & cum libellis loquor. Rectam sinceramque vitam! ô dulce

otium

(2) Officium præstiti, seu assistebam, cum amicus togam virilem sumeret sumebatur autem Toga virilis 17. ætatis anno, quò puerilis ætas fiebat & virilis incipiebat cum cerimonialis. (3) pacta ante-nuptialia conscripti (4) Rus appellatum Laurens, ubi degebat Plinius. (5) curo corpus vel cibis, vel medicamentis, vel deambulatione &c. (6) curatione corporis.

otium honestumque, ac penè omni negotiò pulchrius! ô mare, ô littus verum secretumque (7) *Museum*, quam multa invenitis, quam multa dictatis! Proinde tu quoque strepitum istum, inanemque discursum, & multum ineptos labores, ut primum fuerit occasio, relinque; teque studiis vel otio trade. Satiùs est enim, ut Attilius noster eruditissimè, simul & facetissimè dixit, (8) otiosum esse, quàm nihil agere. *vale.*

EPIST. VII. *Sabellici:*

Argum: Sabellicus hortatur Marium Filium suum ad studia literarum, & ut ad se sepius scribat, monet.

Mario suo S.

Iam quis sim, & quem te esse oporteat, non ignoras, ut arbitror. Ego quod possum tibi præto, nec, quod ad tuorum studiorum rationem attinet, sum tibi defuturus, modo tu ipse tibi non detis. Quid mihi cum unà fuimus pollicitus es, cave, ne obliviscaris. Sanctissimum jusjurandum serva, nisi Deum vis iratum habere & Patrem. Attulit tibi Carsius viginti argenteos num-

mos

(7) locus musarum, doctrinæ, aut Bibliotheca (8) melius est ab officiis quiescere, vel esse in otio literarum, quam inanibus rebus implicari, cum juxta Senecam: qui futiles facit, nihil agit.

mos, si qua re indiges, quæ ad vestitum attineat, fac ut sciam. Satis humanè ne piè dicam feceris, si sæpius ad me scripseris, ut ex tuis literis intelligam, quid demum de tuo profectu me sperare oporteat. *vale.*

Exemplum.

Vir authoritatis non postrema hortatur amicum ad quodpiam factum insigne.

Cogita, quanta factum istud laus & gratulatio sit consecutura. Quid multis? Sic te numeris omnibus virtutum absolutum præsta, ut inimici vituperare te non possint, nisi simul laudent. Illud noctes diesque tecum cogita, quò te quoque possis tollere humo, victorque virum volitare per ora. Quis non exosculerur istam eximiam indolem? Quare te etiam atque etiam hortor, ut quod tibi majores prætulerunt, tu poteris præferas. Tu vel unus efficere potes, ne prorsus verum sit, quod vulgo jactatur, nobiles nostros nihil habere in domibus suis pulchrum, nisi Imagines. Hortantur te unò ore amici omnes, ut magnò sis animò, utque omnia summa speres. Hoc utilissimum judicato, quod est cum honestate conjunctum.

EPI.

EPISTOLÆ
INVECTIVÆ.EPIST: I. Ciceronis
Ex lib: I. Famil: X.

Argum: Lentulus Valerius Jurisconsulti nomine appellari gaudebat, quamvis in hac arte non esset adeo exercitatus. Itaque in hac Epistola eum irridet Cicero, licet id faciat jocando; deinde hortatur, ut Romam redeat, ubi multi alii sunt Jurisconsulti, quam in Cilicia literas amicorum expectans malit esse, ubi solus sapere videtur; Denique carpit eum arrogantia.

Epistola hæc videtur non habere principium, cum particula, Cur, non conveniat exordio Orationis; Sed hæc refertur ad finem tituli epistola, scilicet ad Nomen Jurisconsulti, quod appellari gaudebat. Explicandum est itaque sic: Nescio cur in hoc tibi non morem geram, ut te Jurisconsultum appellæ, cum ita gaudeas appellari?

M.T.C. L. Valerio, Jurisconsulto S.D.

Cur enim tibi hoc non gratificer, nescio; præsertim cum his temporibus (1) audaciâ pro sapientia liceat uti. (2) Lentulo nostro egi per literas

(1) quod se iactarit Valerius sapientem Jurisconsultum esse, cum perfectus non fuerit. (2) Valerius fuerat in Cilicia apud Lentulum, ab eoque multis beneficiis est cumularus, atque pro his Cicero gratias egit illi nomine Valerii tanquam amici sui.

tuo nomine gratias diligenter. Sed tu-
velim definas jam nostris (3) literis uti, &
nos aliquando revisas, & ibi malis esse,
ubi (4) aliquo numero sis, quam istic,
ubi solus sapere videare. (5) Quanquam
qui istinc veniunt, partim te superbum
esse dicunt, quod nihil respondeas, par-
tim contumeliosum, quod malè respon-
deas, Sed jam cupio tecum coram
jocari. Quare fac, ut quàm primum ve-
nias, neque in Appuliam tuam accedas,
ut possimus saluum venisse gaudere. Nam
illò si veneris, tanquam (6) Ulysses,
cognosces tuorum neminem. *vale.*

EPIST. II. *Ciceronis.*

Ex lib: 5. Famil: V.

Argum: *Antonius fuerat Collega in Consu-
latu Ciceronis, tunc quando Catilina conjurave-
rat; Antonium Cicero licet amicum suum esse scie-
bat, veritus tamen est, ne is in opprimenda conju-
ratione Catilinæ à se dissentiret, effecit itaque, ut
Antonius mitteretur cum exercitu contra Catilinam*
quod

(3) nostras literas desiderare. (4) aliquo modo poteris
numerari inter Legisperitos (5) quanquam pluribus
non videaris sapere, cum sis superbus &c. (6) Ulysses
post multos & longos maris errores cum domum redi-
isset, nullum suorum cognovit, nec ab ullo est cognitus,
itaque à Telogono filio suo per imprudentiam est inte-
reptus.

quod factum esse cum intelligeret Antonius, aliquantum disjunct se ab amicitia Ciceronis tanquam sibi diffidentis; conquestusque est multa in se & dicta & facta à Cicerone fuisse indigna gravi viro & amico. Hæc igitur epistolâ increpat Cicero Antonium tanquam ingratum suorum beneficiorum, quarum testes dicit esse illum ipsum, Senatum & populum Romanum; ostenditque longè aliter se rem habere, quàm senserat. Denique Pomponium familiarem suum illi magnopere commendat.

M. T. C. Cajo Antonio Imperatori S. D.

Et si statueram nullas ad te literas mittere, nisi cōmmendaticias, non quò eas intelligerem, satis apud te (1) valere, sed ne (2) iis, qui me rogarent, aliquid de nostra conjunctione imminutum esse ostenderem; tamen cum T. Pomponius, homo omnium meorum in te studiorum, & officiorum maximè conscius, tui cupidus, nostri amantissimus, ad te proficisceretur, aliquid mihi scribendum putavi; præsertim cum (3) aliter ipsi Pomponio satis-facere non

pos-

(1) pondus apud te habere, & prodesse commendatio.
(2) ne si rogantes à me commendari, non commendarem, ostenderem illis me esse aliquomodo alienatum à te. (3) aliter roganti non potui satisfacere, nisi ut ad te scriberem.

possem. Ego si abs te summa (4) beneficia desiderem, mirum nemini videri debet, omnia enim à me in te profecta sunt, quæ ad tuum commodum, quæ ad honorem, quæ ad dignitatem pertinent. Pro iis rebus nullam mihi abs te relatam esse gratiâ, tu es optimus testis. (5) Contra etiam esse aliquid abs te profectû, ex multis audivi; nam (6) comperisse me, non audeo dicere, ne forte id ipsum verbum ponam, quod abs te ajunt falsô in me solere conferri. Sed ea, quæ ad me delata sunt, malo te ex Pomponio, cui non minus molesta fuerunt, quam ex meis literis, cognoscere. Meus in te animus, quam singulari officio fuerit, & senatus & populus Romanus testis est. Tu quam gratus erga me fueris, ipsè existimare potes; quantum mihi debeas, ceteri existimant. Ego (7) quæ tuâ causâ antea feci voluntate sum adductus, posteaque constan-

tia

(4) gratum animum pro meis in te collatis beneficiis, quem animum n tu non præstas. (5) imo et am s. io ingratum te mihi exhibuisse. (6) ac si diceretur: Comperisse te ajunt à me aliquid contra te factum esse; quod falsum est (7) quod te cum exercitu miserim contra Catilinam, feci hoc bonô in te animô, & perseverante amicitia.

tiâ. Sed (8) reliqua, mihi crede, multo majus meum studium, majoremque gravitatem desiderant. Quæ ego si non (9) profundere ac perdere videbor, omnibus meis viribus sustinebo; sin autem ingrata esse sentiam, non committam, ut tibi ipse (10) insanire videar. Ea quæ sint, & cujusmodi; poteris ex Pomponio cognoscere. Atque ipsum Pomponium tibi ita commendo, ut quamquam ipsius (11) causâ, confido, te facturum esse omnia, tamen abs te hoc petam, ut si quid in te residet amoris erga me, id omne in Pomponii negotio ostendas. Hoc mihi nihil gratius facere potes. *vale.*

EPIST: III. *Ciceronis.*

Ex lib: 7. Famil: XXVII.

Argum: Gallus cum esset in exilio; quod Pompejanis partibus favisset, iniquè Ciceronem Literis accusaverat; vicissim igitur eum Cicero repungit, cujus acerbitalis causam in eundem transfert.

M.

(8) quæ tibi sunt a me faciendâ beneficia, majori Audio faciam. (9) si ea beneficia non inaniter fecero, teu si pro iis gratiam te experiar. (10) quia insanus videtur qui in invitum & ingratum confert beneficia. (11) quod sit bonus Vir.

mul-
que
non o-
au-
mit-
ear.
ex
um
am-
te
noc
oris
tio
ere

quod
nem
cero
ans-

funt

ndia
eu si
etur
uod

sunt, tibi (7) liberum non visum, demiror. Nam si falsa fuerunt, (8) quæ tu ad me, ut ais, detulisti; quid ego tibi debeo? si vera; tu es optimus testis, quid mihi populus Romanus debeat. *vale.*

EPIST: IV. *Plinii.*

Ex lib: 9.

Argum: Plinius scribit Calvisio se semper vacasse literarum studio, etiam Romæ, in Urbe negotiosa, ubi plurimæ distrabendi se se occasiones occurrunt. Tùm facta sibi quasi quæstione, in venit in ludos Circenses, tanquàm rem inanem & nullius voluptatis.

Plinius Calvisio suo S.

Omne hoc tempus inter pugillares ac libellos jucundissimâ quiete transivi, Quemadmodum, inquis, in Urbe potuisti. (1) Circenses erant, quo genere spectaculi ne levissimè quidem tene-

Or.

(7) ego liberavi Cives à conjuratione Catilinæ, tu me dicis non liberum esse, cum scribas, me non audere, quod sentio, dicere. (8) liberatos per me Cives à Conjuratione si falsò mihi antea adscripisti, nihil debeo tibi, si verè. non ignoras, quantum mihi obligati sunt Cives Romani.

(1) Circenses ludi dicti sic à circuitu, quod metas circuibant. Instituti sunt in honorem Matris Deûm, Megalesia etiam appellati.

or. Nihil novum, nihil varium, nihil;
quod non semel spectasse sufficiat. Quo
magis miror, tot millia virorum tam
pueriliter identidem cupere. Currentes
equos, insistentes curribus homines
videre. Si tamen aut velocitate equo-
rum, aut hominum arte traherentur, ef-
fēt ratio non nulla; Nunc favent (2)
panno; pannum amant; & si in ipso cur-
su, medioque certamine, hic color illuc;
ille huc transferatur, studium favorque
(3) transibit, & repenti agitadores il-
los, quos (4) procul noscitant, quorum
clamitant nomina, relinquunt. Tanta
gratia, tanta autoritas in una vilissi-
ma tunica! (5) Mitto apud vulgus, quod
vilis tunica est, sed apud quosdam gra-
ves homines, quos ego cum recordor
in re inani, frigida, 6 assidua, tam in-
satiabiliter desiderare, capio aliquam vo-
luptatem, quod 8 hāc voluptate capi-
ar. Ac per hos dies libentissimē otium
meum in literis colloco, quos alii oti-
osissimis occupationibus perdunt. *vale.*

K2

ma

(2) in his ludis factiones, seu partes distinguebantur
diverso colore vestium, quibus aurigæ induebantur.
jam si quæ factio in cursu excelluit, spectatores, si fue-
runt ejus factionis, eidem factioni applaudebant. (3)
a victa ad victricem partem spectatores animum &
plausum transferebant. (4) ex Colore indumentorum.

EPIST: V. Senecæ No CXII.

Argum: Seneca refert Lucilio, quen tam amicum ipsius, quem in curam suam susceperat, non posse reduci ad honestam vitæ rationem. Tum id referendo videtur invehi in illum amicum, tanquam hominem veterem annorum & vitiorum.

- Seneca Lucilio. S. D.

Cupio, mehercule, amicum tuum formari, ut desideras, & (1) institui, sed valde (2) durus capitur, imo potius, quod est molestius, valde (3) molli capitur, & consuetudine mala ac diutina fractus. Volo tibi ex (4) nostro artificio exemplum referre. Non quælibet insitionem vitis patitur; si vetus & exesa est, si infirma gracilisque; aut non recipiet surculum, aut non alet, nec applicabit sibi, nec in qualitatem ejus naturamque transibit. Itaque solemus supra terram præcidere; ut, si (5) responderit, tentari possit secunda fortuna, & (6) iterum repetita infra ter-

(5) mirus est invehi in plebem, quæ hos ludos frequentat, quia viles homines in rebus occupari utcumque convenit. (6) quia per multos dies hi ludi fiebant. (7) tempus absumere (8) quod alij rebus inanibus delectantur.

(1) & ut ego proposui, volui: (2) quod sit nimiam pertinax (3) quod sit propensus in malum, & qualibet occasione vitetur. (4) quia etiam ipse Seneca cultor horria vinearum fuerat eximius (5) si iterum ramos ediderit. (6) ut secundo surculus eidem viti inseratur

ram inferatur. Hic de quo scribis & & mandas, non habet vires. indulfit vitiis: simul & emarcuit, & induruit. Non potest recipere rationem, non potest (7) nutrire. At cupit ipse. Noli credere. (8) non dico illum mentiri tibi: putat se cupere. (9) stomachum illi fecit luxuria; cito tamen cum illa (10) redibit in gratiam. Sed dicit se offendi vitâ. Non negaverim. quis enim non offenditur? homines vitam suam & amant simul & oderunt. Tunc itaque de illo feremus sententiam, cum fidem nobis fecerit, invisam jam esse sibi luxuriam; nunc (11) illis malè convenit.

vale.

EPISTOLÆ LAMENTATORIÆ.

EPIST: I. *Ciceronis*

Ex lib: 2. Famil: II.

Argum: *Curioni deservit Cicero Patrem ejus
Romæ vitâ functum esse, dolereque se ostendit quod
eum*

(7) non potest bona consilia servare. (8) prætermisionis figura: non dico, quod mentiatur. (9) Fastidium; id est, fastidit luxuriam, seu profusionem bonorum, aut vitam mollem, delicatam. (10) brevi amabit eandem, reverteretur ad eandem. (11) quæ dicta sunt, scilicet, quod cupiat reduci ad rationem, quod indignetur sibi ipsi, quod suâ vitâ effendatur, his dictis vita ejus non convenit, cum malè vivat.

eum amiserit, tanquàm testem sui amoris erga hunc Curionem, quem pollicetur filii loco habere.

M. T. C. Curioni S.D.

Gravi teste privatus amoris summi
 erga te mei; Patre tuò, clarissimò
 virò; qui cùm suis laudibus, tùm verò
 te filiò (1) sup. rasset omnium fortunam,
 si ei contigisset, ut te ante videret quàm
 à vita discederet. Sed spero nostram
 amicitiam (2) non egere testibus. Ti-
 bi (3) patrimonium Dii fortunent. Me
 certè habebis, cui & carus æquè sis &
 jucundus, ac fuisti Patri. *vale.*

EPIST: II. Ciceronis.

Ex lib: 4. Famil: I.

Argum: Cicero rediens ex Cilicia Romam, ubi Triumphum speravit decerni sibi pro benegesta Provincia, offendit plurimas dissensiones Caesaris cum Pompejanis, quas cùm non posset componere, contulit se in prædiola sua, ut esset remotior à populari tumultu. Inde tamen non rorò ad Urbem accessit. Præsenti itaque, quodam tempore, cum non posset colloqui Sulpicius (quod malà valetudine laborasset) id molestè tulit, detulitquè per Tre-

(1) esset felicissimus omnium, si te filium optimæ expectationis, antequàm moreretur, videret Romæ præsentem. (2) quis cuique perspecta erit (3) res à patre relicta,

Trebatium ad Ciceronem, cupere se eum & videre
 & alloqui de eo, quid utrique esset agendum. Re-
 spondet itaque Cicero Sulpicio quod si potuissent col-
 loqui salvâ & integrâ Republ. câ, profuissent ali-
 quid Reipublicæ, quoniam eum cognovit semper
 cupidum pacis esse, sicut & ipse semper fuit; nunc
 autem serò esse conventuros de Republica;horta-
 tur tamen, ut convenient, & si non Reipublicæ, sal-
 tem rebus suis consulant; pollicetur nihilominus
 se venturum ad Urbem, si potissimum Servius Sul-
 picus cum eo colloquendum existimaverit.

M. T. C. Ser: Sulpicio S. D.

Cajus Trebati^{us} familiaris meus ad
 me scripsit, te ex se quæsisse, quibus
 in locis essem, molestèque te ferre,
 quod me propter valetudinem, cum ad
 Urbem accessissem, non vidisses; & hoc
 tempore velle te mecum, si propius ac-
 cessissem, de (1) officio utriusque no-
 strâ communicare. Utinam, Servi,
 salvis rebus (sic enim est dicendum)
 colloqui potuissemus inter nos! profe-
 ctò aliquid opis occidenti Reipublicæ
 tulissemus. Cognoram enim jam absens,
 te hæc mala multò ante prævidentem,
 defensorem pacis & in Consulatu tuo,
 & post Consulatum fuisse. Ego autem
 cum

(1) de eo, quid utrumque nostrâ facere oporteat.

cum consilium tuum probarem, & (2) iam ipse sentirem, nihil proficebam. Sero enim (3) veneram (4) solus eram; (5) rudis, etsi (6) videbar, in causa; incederam in hominum pugnandi cupidorum insanias. nunc quoniam nihil jam videbimur opitulari posse Reipublicæ, si quid est, in quo nobismetipsis consulere possimus, non ut aliquid ex pristino statu nostro retineamus, sed ut quam honestissimè lugeamus. Nemo est omnium, quicum potius mihi, quam tecum, communicandum putem. Nec enim clarissimorum virorum, quorum similes esse debemus, exempla; neque doctissimorum, qui os semper coluisti, præcepta te fugiunt. Atque ipse antea ad te scripsissem, te frustra in Senatum, siue potius in (7) conventum Senatorum esse venturum, ni veritus essem, ne (8) ejus animum offenderem, qui à me, ut te imitarer, petebat. Cui quidem e-

go,

(2) cum æquè pacis Auctor fuero, nihil efficere poteram
(3) ex Cincia; cum jam essent inflammati animi ad bellum. (4) quia alii erant cupidores belli. (5) inscius eorum, quæ agebantur Romæ. (6) subintelligitur, opitulari posse. (7) conventum Senatorum dicit, qui non erat plenus Senatus. (8) id est Casaris, qui Ciceronem in suas partes traxit.

(2) go, me cum rogaret, ut adesset in Senatu, eade n omnia, quæ à te de pace, & de (9) Hispanis dicta sunt, ostendi me esse dicturum. Res vides quomodo se habeat/ Orbem terrarum, Imperiis distributis, ardere bellò; Urbem sine legibus, sine judiciis, sine jure, sine fide, relictam direptioni & incendiis. Itaque mihi venire in mentem nihil potest, non modò quid sperem, sed vix jam quid audeam optare. Sin autem tibi homini prudentissimo, videtur utile esse, nos colloqui; quanquam longius etiam cogitabam ab Urbe discedere, cujus jam etiam nomen invitus audio; tamen propius accedam. Trebatioque mandavi, ut, si quid tu eum velles ad me mittere, ne recusaret; idque ut facias, velim: aut, si quem tuorum fidelium voles, ad me mittas: (10) ne aut tibi exire ex Urbe necesse sit, aut mihi accedere.

Ego

(9) Hispaniacum Africa simul fuit decreta Pompejo, qui illas Provincias per legatos suos administraverat. Cæsar itaque cum meditaretur bellum in Hispaniam contra Legatos, quod jam Pompejum ipsum viciisset, id non adeo Cicero svasit Cæsari. (10) commendat fidem fore debere emissarium, ex causa, ne si prodiderit secreta sibi commissa aut Sulpicius in exilium eat, aut Cicero invitus ad Urbem accedat, si in judicium vocetur.

Ego (11) tantum tibi tribuo, quantum mihi fortasse arrego: ut exploratum habeam, quidquid communi sententia statuerimus, id omnes homines probaturos. *vale.*

EPIST. III. *Ciceronis.*

Ex lib. 5. Famil. I.

Argum: Cicero oppugnatus fuerat in Senatu à Metello Nepote, quod Cives Romanos in Conjuratone deprehensos quasi indictâ causâ necari fecisset, quapropter Cicero hunc Metellum adeo persequabatur, tanquam de capite & fortune ejus ageretur. Metellus igitur Celer, Nepotis frater, in Gallia Proculus, queritur fratrem suum à Cicerone oppugnatum.

Quin. Metellus Celer Procos.

M.T. Ciceroni S.D.

Si vales, benè est. Existimaram pro tuo inter nos animo & pro (1) reconciliata gratia, nec (2) absentem lumbus lumbis iri, nec Metellum fratrem ob (3) dictum, capite ac fortunis per te oppugnatum iri, (4) quem si parum pu-

(11) ita d: Sulpicio bene sentit, quemadmodum de seipso, tanquam duo essent, quos ceteri sequantur. (1) pro veteri, nam alienati ab invicem, denuo redierant in gratiam. (2) nec absentem me affigere. (3) quod aliquid contrate dixisset. (4) Fratrem meum si verecundia, quâ excessit contra te, non defendebat, debuit defendere respectus familiaris nostræ.

dor ipsius defendebat, debebat vel familiaris nostræ dignitas, vel meum studium erga vos, Remque - publicam, satis sublevare. Nunc video - illum circumventum, me desertum, à (5) quibus minime conveniebat. Itaque in luctu & squalore sum, qui Provinciæ, qui exercitui præsum, qui bellum gero; quæ quoniam nec ratione nec (6) majorum nostrorum clementiâ administrais, non erit mirandum, (7) si quos pænitebit. Te tam (8) mobili in me meosque esse animo non sperabam; Me interim nec domesticus dolor, nec cujuscpiam injuria à Republica abducet. *vale.*

EPIST. IV. *Ciceronis.*

Ex lib: 9. Famil: XI.

Argum: D labella voluit à Cicerone certior fieri de morte Tullie ejus, & uxoris prius sue, quia mortua est post divortium. Respondet igitur Cicero, malle à Dolabella desilari literas de suo interitu, quam de filie suæ; deinde gratum habet, quod adversarios ejus persequatur.

Cice-

(5) ab amicis, qualis etiam fuit Cicero Metellis. (6) Majores vestri etiam graviter offensi non tamen illico sui adversantes damnari capite postularunt. (7) Comminatur Ciceroni, quasi aliquando vindicaturus sit ipsum. (8) arguit Ciceronem levitatis & inconsiderantiæ.

Cicero Dolabellæ S.D.

Vel meô ipsius interitu mallem literas meas desiderares, quàm ⁽¹⁾ eô casu, quô sum gravissimè afflictus; ferrem certè moderatiùs, si te haberem. Nam & oratio tua prudens, & amor erga me singularis, multum levaret. Sed cum brevi tempore, ut opinio nostra est; te sum visurus, ita me affectum ⁽²⁾ offendes, ut multum à te possim juvari: non ⁽³⁾ quò ita sim fractus, ut aut hominem me esse oblitus sim, aut fortunæ succumbendum putem; ⁽³⁾ sed tamen hilaritas illa nostra & iuvavitas, quæ te præter ceteros delectabat, erepta mihi omnis est. ⁽⁵⁾ Firmitatem tamen & constantiam, si modò fuit aliquando in nobis, eandem cognosces, quam reliquisti. ⁽⁶⁾ prælia te meâ causâ sustinere, non tam ⁽⁷⁾ id laboro, ut si qui mihi

⁽¹⁾ quàm hac de ratione, quod filia mea mortua sit ⁽²⁾ ita me inveniēs aut deprehendes, ut quasi nihil imminutus sit dolor meus, quem sentio ⁽³⁾ non propterea, quasi hic dolor reddiderit me expertem rationis ⁽⁴⁾ sed tamen ex eo, quod omnis iucunditas videatur mihi esse erepta finiri cum Tullia. ⁽⁵⁾ Constantiam tamen in ferendo tam gravi casu cognosces meam. ⁽⁶⁾ contentiones cum his, qui mihi obtreçant. ⁽⁷⁾ Non tam id curo, ut obtrectatores confutentur, quam id, ut cognoscant me à te mari.

mihi obtrecent, à te refutentur, quàm intelligi cupio, quod certe intelligitur, me à te amari; quod ut facias, te etiam atque etiam rogo. Ignosca'que brevitati literarum mearum. nam & celeriter unà futuros nos arbitror, & nondum satis (8) confirmatus sum ad scribendum.
vale.

EPIST: V. *Plinii*

Ex lib: 4.

Argum: Helvidius reliquerat duas filias, & unicum filium. Ex filiabus utraque post partum brevi decessit; scribit itaque Plinius Velio se maxime dolere, quod & illæ filiæ Helvidii decesserint in adolescentia, & quod proles orbata sit parentibus, & quod unicus tantum familiæ Helvidiorum hæres remaneat, de quo adhuc magnopere timet, ne casus aliquis eidem contingat pro fragilitate vitæ humanæ.

Plinius Velio Cereali suo S.

O tristem & acerbum casum Helvidiarum sororum! utraque à partu utraque (1) filiam enixa decessit. Afficior dolore, nec tamen (2) supra modum

(8) minus dispositus ob dolorem.

(1) quod filiarum natæ sint, non postremam habet rationem dolendi, quia familia & nomen per has non ampliabitur. (2) non tamen, quam necesse foret dolere, ita doleo, licet vehementer.

dum doleo, ita mihi luctuosum videtur, quod puellas honestissimas in flore primo fecunditas abstulit. Angor infantium sorte, quæ sunt parentibus statim, & dum nascuntur, orbatæ. Angor optimorum maritorum, angor etiam (3) meo nomine. Nam patrem illarum defunctum quoque, perseverantissimè diligo, ut (4) actione mea, librisque testatum est. Cui nunc unus ex tribus superest, domumque pluribus adminiculis paulò ante fundatam (5) desolatus fulcit, ac sustinet. Magnò tamē fomentò dolor meus acquiescet, si hunc saltē fortē & incolumē, paremque illi patri, illi avo, fortuna servaverit. Cujus ego pro salute, pro moribus, hoc sum magis anxius, quod unicus factus est. Nosti in amore (6) molliam animi mei, nosti metus. Quò minus te mirari oportebit, quod plurimùm timeam, de quo plurimùm spero. *vale.*

EPI-

(1) causa mei, quod ejus nominis amantissimus sim. (4) Helvidium iniquè persecutus fuerat Quadratus vir pariter Nobilis. contra eum itaque pro Helvidio & dixit & scripsit Plinius, ita. ut Quadratum efficeret causæ reum, id igitur dicitur: actio (5) solus & unicus familiam opibus & honoribus non pridem aut am. (6) vehementiam amoris pro cujus ratione maxime timeo.

EPIST. VI. *Plinii.*

Ex lib: 8.

Argum: Julium Avitum adilitatis candidatum, jam Tribunatu militum & Quaesturâ functum decessisse, impatienter dolet; Nam Plinium tanquam Magistrum in omnibus seculus, ut aliquid disceret. Patrem suum jam atate gravem, Uxorem, filiulam unicam mortuus reliquit. Impar igitur tanto dolori, Marcellino rem totam exponit hanc epistolâ tristissimâ.

Plinius Marcellino suo S.

Omnia mihi studia, omnes curas, omnia (1) avocamenta exemit, excussit, eripuit dolor, quem ex morte Julii Aviti gravissimum cæpi. (2) Latum-clavum in domo mea induerat; suffragiô meô adjutus in petendis honoribus fuerat: ad hoc ita me diligebat, ita verebatur, ut me formatore morum, me quasi magistro uteretur. Rarum hoc adolescentibus nostris. Nam quotusquisque, vel ætati alterius, vel authoritati, ut minor, cedit? Statim sapiunt, statim sciunt omnia, neminem verentur, imitantur neminem, atque ipsi sibi exempla sunt

(1) Lusus, confabulationes, quibus distrahuntur homines.

(2) vestem Senatoriam, quam post virilem ætatem filii Senatorum induebant.

sunt. Sed non Avitus, cujus hæc præcipua prudentia, quod alios prudentiores arbitrabatur; hæc præcipua eruditio, quod discere volebat. Semper ille aut de studiis aliquid, aut de officiis vitæ consulebat; semper ita recedebat, ut melior factus, & erat factus, vel eo, quod audierat, vel quod omnino quæsierat. Quod ille obsequium Serviano (3) exactissimo præstitit? quem (4) Legatum Tribunus ita & intellexit, & excepit, ut ex Germania in Pannoniam transeuntem, non ut Commilito, sed ut comes affectatorque sequeretur. Quâ industriâ, quâ modestiâ Quæstor Consulibus suis, & plures habuit, non minus jucundus ac gratus, quam usui fuit? quò (5) discursu, quâ vigilantia hanc ipsam Ædilitatem, cui præreptus est, petiit? Quod vel maximè dolorem meum exulcerat: obversantur oculis cassi labores, & infructuosæ preces, & honor, quem meruit. 6 Tantum non redit animo ille Latus-clavus in penatibus me-

is

(3) omni virtute absolutissimo. (4) Servianum scilicet, Tribunus Junius, & intellexit virum optimum, & hospitio honestavit. (5) quò labore. in trahendis pro sua partē suffragiis aliorum. (6) non tantum redit &c.

is sumptus, (7) redeunt illa prima, illa
 potrema suffragia mea, illi sermones,
 illæ consultationes. Afficior adolescenti-
 tate ipsius, afficior (8) necessitudinum ca-
 su. Erat illi grandis natus Parens, erat
 uxor, quam antè annum virginem ac-
 ceperat; erat filia, quam paulo ante su-
 stulerat. Tot spes, tot gaudia dies u-
 nus in diversa convertit. Modò desi-
 gnatus Ædilis, recens maritus, recens
 pater, intactum honorem, orbam ma-
 trem, viduam uxorem, filiam pupillam
 ignaram avi, ignaramque patris reli-
 quit. Accedit lachrymis meis, quod
 absens, & impendentis mali nescius, pa-
 riter ægrum, pariter decessisse cognovi,
 ne gravissimo dolori (9) tempore consve-
 scerem. In tantis tormentis etiam, ut
 cum scriberem hæc, scriberem sola.
 Neque enim nunc aliud aut cogitare,
 aut scribere possum. *vale.*

L

Exem-

(7) sed etiam redeunt &c. (8) amicorum, & affinita-
 te, aut sanguine junctorum. (9) dicit inde etiam ve-
 hementer se dolere, quod iisdem literis nunciatus ei
 fuerit & morbus, & obitus Aviti, quæ eum simul obru-
 erunt, nam si prius relatum sibi habuisset de morbo,
 paulatim assuesceret dolori, quem ex morte esset habi-
 turus.

Amicus apud amicum conqueritur, quod illi, nihil rerum omnium ex sententia succedat, imo quod malis pejora superveniant.

Non possum tibi, quales uterque volumus, Epistolas mittere, cum mihi nihil rerum omnium ex sententia procedat. Sed quid ego, mi Laurenti, te meis querelis exanimo? nisi quod juvat apud familiarissimum amicum graves animi mei curas deponere. Credo omnes, & superos, & inferos in meam perniciem conjurasse; ita ubi hoc malum vix effugi, succedit aliud multò acerbius. In morbum jam iterum, atque iterum incidi, decidi, recidi. Multo vix sumptu recreatus, en Sogdianus quidam pessimis moribus, peltis omnium, quas nunquam irati Dii mortalibus immisere, longè teterrima, se mihi erudiendū tradidit. Quid ibi miseriarum non vidi? quantum angustiae? quantum luctus summis meis laboribus mihi conscivi? Id monstrum jam biennium me exercet. Fugio, quando vinci non potest. Jam Deorum aliquem mihi propitium factum arbitrabar, quod Antonium, hominem candidissimum essem nactus, cujus humanitas illius feritatem leniebat. Invidit mihi rursū, nescio

quod Numen, jucundissimi Sodalis convivum; distrahitur invitatus ab invito. Inde solus, & destitutus, dum omnia tento, nihil non experior. Deum immortalem in quos fluctus, in quæ monstra incidi? His tantis, tamque perpetuis malis, vel Hercules ipse, aut si quid Hercule fortius, vinci poterat. Oblurui tamen, sic mecum cogitans: Adversam fortunam & si infesta esset, aliquando malis meis satiatam, æquiores futuram; Nemini perpetuò acerbam aut fuisse unquam, aut esse posse. Et ecce de integro capitali morbo corripior miser, qui, quod erat diuturnus, & corpus & loculos protinus exhaustit. Nec erat cui meus doleret dolor, quos juvaret, per multi. Sogdianum autem illum, præter cæteros, delectabat malum meum, cui molestissimum ut esset, eram meritis. Ne tum quidem animum dejeci, non quod sperarem quidquam, sed ne terribissimo illi discipulo voluptatem augerem. Servatus sum, sed superis, opinor, iratis, si miseris ferendis servatum esse voluerunt. Quid enim postea vel maximis, vel minimis in rebus à me tentatum est? quid tam detestatio confilio institutum, quod non infelicissimè evenerit? O me omnium, qui

sunt, quique fuerunt, infortunatissimum Egone unusex universo hominum numero, præposterus ille Polycrates extiti, cui omnia adversarentur, cui nihil unquam obtigerit optatum? Hic tu me, scio, veris, ut ajunt, bonis commemorandis, nimirum literis & ingenio consolari incipies. Tolle mihi inanes istas consolationes, quæ ægritudinem meam exasperant etiam, tantum abest, ut leniant. Odi jam ego meum hoc ingenium, odi literas, quibus si carerem, minus miser essem, minus sentirem, minus angerer. Sed querelarum plus satis. Tu cura ut rectè valeas, quando nos Dii noluerunt.

EPISTOLÆ MONITORIÆ.

EPIST: I. Ciceronis

Ex lib: 2. Famil: III.

Argum: Auditò nuntiò de obitu patris sui Curio, instituit Ludos Circenses & Gladiatorios faciundos in honorem Patris vitæ functi, ut ita favorem & gratiam populi Romani sibi compararet (ludi enim maximorum munerum loco erant, in quos, ad oblectamentum populi, insignes expensæ fiebant) hoc itaque negotium, cum solus abesset, dederat Ciceroni, Rupa, & aliis amicis suis. Excusat igitur Cicero, quod Rupa mandata ejus non esset executus, monetque statim, quod illi Ludi nihil expediant male-affectæ Reipublicæ, & quod ex-

pensa

*penſa in eos facta divitias potius, quàm virtutem
oſtendat. Tum adventum ejus dicit præſtantio-
rem fore omnibus muneribus; denique concludit
ſignificatione benevolentia.*

M. T. C. Curioni S. D.

Rupæ (1) ſtudio non deſuit decla-
randorum (2) munerum tuo nomi-
ne: ſed nec mihi placuit, nec cuiquam
tuorum, quidquam te abſente fieri, quod
tibi cum veniſſes, non eſſet (3) integrum.
Equidem quid ſentiam, aut ſcribam ad
te poſtea pluribus, aut, ne ad (4) ea me-
ditere, imparatum te (5) offendam, co-
ramque contra iſtam rationem, meam
dicam; ut aut te in meam ſententiam
adducam, aut certè teſtatum apud ani-
mum tuum relinquam, quid ſenſerim; ut
ſi quando (quod noli) diſplicere tibi
(6) conſilium tuum cæperit, poſſis me-
um recordari. Brevi tamen ſic habe-
to: in eum ſtatum temporum tuum re-
ditum incidere, ut iis bonis, quæ tibi
naturâ, ſtudiô, fortunâ data ſunt, faci-
lius omnia, quæ ſunt ampliſſima in Re-
publica, conſequi poſſis, quàm mune-

(1) animus (2) ludorum proponendorum. (3) parum
eſſet, quod per te ipſum præſtare poſſes populo Rom:
ſi te abſente ludi fierent. (4) ne contra ea te præpares,
quæ à me dicenda ſunt. (5) ut te aggrediar eum, qui non
habeas, quo meam ſententiam oppugnes. (6) conſilium
de apparando funere & ludis magnificis.

ribus, quorum neque facultatem quisquam admiratur (est enim copiarum non virtutis) neque quisquam est, (7) quin satietate jam defessus sit. Sed (8) aliter, atque ostenderam, facio, qui ingredior ad explicandam rationem (9) sententiae meae. Quare omnem hanc disputationem in adventum tuum differo. Summam, scito, in expectatione te esse, eaque à te expectari, quae à summa virtute, summoque ingenio expectanda sunt; (10) ad quae si es, ut debes, paratus, (quod ita esse confido) plurimis maximisque muneribus & nos amicos, & Civis tuos universos, & Rem publicam afficies. Illud cognosces profecto, mihi te neque cariorē, neque jucundiorē esse quenquam. *vale.*

EPIST: II. *Ciceronis*

Ex lib: 2. Famil: XXVIII.

Argum: Thermus fuerat Proprator in Hellesponto; cum itaque discederet de Provincia, tunc Quaestor ejus, quam Legati, Thermi loco, relinquere conabantur; & quidem Thermus Legatis magis assentiri videbatur. Quare Cicero monet Thermum, ut velit Quaestorem suum Legatis anteferre, ne irritet animum Quaestoris nobilissimi, pro-

(7) ut non sit tædio fatigatus; quia ludi sapissimè institui solebant. (8) quia dixerat Cicero prius se non scripturum, quæ sit sua sententia (9) disputationem de ratione sententiae meae, scilicet quod inutilis sit expensa pro ludis. (10) quæ a te expectantur, ut omnia pro salute Reipublicae facias, prout facere debes.

batque id interesse & utilitatis, & honoris. In exordio verò Epistola ostendit se gaudere, quod ipse Thermus, & Rhodon amicus ejus, grata habeant beneficia Ciceronis in se collata.

M.T.C. Imp: Q. Thermo Proprætori
S. D.

Officium meum erga Rhodonem ceteraque mea studia, quæ tibi actus præstiti, tibi homini gratissimo grata esse, vehementer gaudeo: mihi que scito in dies majori curæ esse (1) dignitatem tuam: quæ quidem à te ipso (2) integritate & clementiâ tuâ, sic amplificata est, ut nihil addi possit: videatur. (3) Sed mihi magis, magisque quotidie de rationibus tuis cogitanti placet illud meum consilium, quod initio (4) Aristoni nostro, ut ad me venit, ostendi: graves te suscepturum inimicitias, si (5) adolescens potens & nobilis, a te ignominiâ affectus esset, & hercle sine dubio erit ignominia, habes enim neminem gradu superiorem. Ille autem, ut omittam nobilitatem, hoc ipso vin-

- (1) Præturam tuam curo gloriosiores semper reddere.
(2) iustitiâ & aliis virtutibus eadem dignitas inclaruit
(3) Consilium suum aperit, ut Quæstorem non Ligatos relinquat in Provincia. (4) is Ariston fuerat missus à Thermo ad Ciceronem in hoc ipso negotio, de quo res est, consulendum (5) Quæstor, de quo admonetur Thermus, ut eum in loco suo constituat.

cit viros optimos hominesque innocentissimos, Legatos tuos, quod & Quæstor est, & Quæstor tuus. Nocere tibi iratum neminem posse perspicio; Sed tamen tris * fratres, summò locò natos, promptos, non indisertos, te nolo habere iratos, jure præsertim, quos video deinceps Tribunos-plebis per triennium fore. Tempora autem Reipublicæ qualia futura sunt, quis scit? mihi quidem turbulenta videntur fore. Cur ego te velim incidere in terrores Tribunicios, præsertim cum sine (6) cuiusquam reprehensione (7) quæstoriiis Legatis Quæstorem possis anteferre? Qui si dignum se majoribus suis præbuerit (ut spero & opto) tua laus ex aliqua parte fuerit; sin quid offenderit: sibi totum, nihil tibi offenderit. Quæ mihi veniebant in mentem, quæ ad te pertinere arbitrabar, quod in Ciliciam (8) proficiscebar, existimavi me ad te oportere scribere. Tu, quod egeris, id, velim; Dii approbent. Sed si me audies, vita-

* Fratres Quæstoris maximè populares designati erant Tribuni-plebis, hos itaque moriet amicos sibi potius habendo quam inimicos. (6) quia omnes probant iustum esse, ut Quæstor Legatis anteferatur. (7) Quæstorii Legati dicuntur, qui antea fuerunt Quæstores, modo tantum Legati (8) significat se scripsisse in provinciam viz ex Cappadocia in Ciliciam.

bis inimicitias, & (9) posteritatis otio consules. *vale.*

EPIST: III. *Plinii*

Ex lib: 7.

Argum: Plinius morbo amici scribens se ad monitum, quod quando infirmi sumus, nullis vitiis detineamur; alim. et 3 se, 3 Maximum, ut tales velint esse sani, quales infirmi se futuros spondent.

Plinius Maximo suo S.

Nuper me cuiusdam amici langvor admonuit, optimos esse nos, dum infirmi sumus. Quem enim infirmumavaritia; aut libido sollicitat? non amoribus servit, non appetit honores, opes negligit, quantulumcunque, * ut relicturus, satis habet; tunc Deos, tunc hominem esse se meminit; invidet nemini, neminem miratur, neminem despiciat, ac ne sermonibus quidem (1) malignis, aut attendit, aut (2) alitur, (3) balinea imaginatur & fontes. Hæc summa curarum, summa votorum, (4) mollemque in posterum & pingvem si contingat evadere, hoc est, innoxiam beatamque desti-

(9) tuorum etiam posterorum quieti consules.

(*) cum jam totum relinquere debeat. (1) obrectatque; riis (2) gaudet. (3) de remediis recuperandæ salutis tantummodo cogitat si melius habeat (4) proponit sibi cavere à commodis & cibis noxiis

destinat vitam. Possum ergo quod pluribus verbis, pluribus etiam voluminibus Philosophi docere conantur, ipse breviter tibi, mihi que præcipere, ut tales esse sani perseveremus, quales nos futuros profitemur infirmi. *vale.*

EPIST: IV. Plinii.

Ex lib: 8.

Argum: Plinius Maximum in Achajam missum ad eam ordinandam, monet, ut Civitates inspecturus, singulas humanè tractet; laudatque Achajam ab antiquitate, rebus gestis; postremo hortatur, velit bonam famam in Quæstura partam tueri; mollius & clementius tractando homines libertati assvetos.

Plinius Maximo suo S.

Amor in te meus cogit, non ut præcipiam (neque enim præceptore eges) admoneam tamen, ut quæ scis, teneas & observes, aut scias melius. Cogita te missum in Provinciam Achajam, illam meram, & veram Græciam, in qua primum humanitas, literæ, & postea fruges (1) inventæ esse creduntur, & missum ad (2) ordinandum statum liberarum Civita-

(1) quod plurimi Auctores sint, qui dicant in Græcia primum fruges seminari captas esse. (2) ad constituendas leges, ad præscribendos limites illis Civitatibus.

Civitatum, scilicet, ad homines (3) maxime liberos, qui jus à natura datum virtute, meritis, amicitia, fœdere denique, & religione tenuerunt. Reverere (4) conditores Deos, nomina Deorum; reverere gloriam veterum, & hanc ipsam (5) senectutem, quæ in homine venerabilis, in Urbibus sacra est. Sit apud te honor antiquitati, sit (6) ingentibus factis, sit fabulis quoque. Nihil ex cujusquam dignitate, nihil ex libertate, nihil etiam ex aetate decerpseris. Habe ante oculos hanc esse terram, quæ nobis (7) miserit jura, quæ leges (8) non victa acceperit sed petentibus dederit; Athenas esse, quas adeas; (9) Lacedæmonem esse, quam regas; quibus reliquam (10) umbram, residuum libertatis nomen eripere durum, ferum, barba-

(3) quia Romani subjectis sibi Græciæ Civitatibus, concesserunt iis libertatem suo jure utendi, quod certe aliis denegatū fuerat (4) intelligit Palladē. quæ Athenis nomē imposuit (5) Athenienses credūtur vetustissimi omnium. (6) bellum adversus Persas, Amazonum strages, Herculis gesta, Bellum Trojanum &c (7) à Græcis Civitatibus delectas leges decem-viri Romam attulerant (8) quia tunc, quando leges ab Athenis accipiebantur, non à Philippo, neque ab alio subactæ erant Athenæ, sed liberæ. (9) Athenas aliter sic dictas à Lacedæmone Legislatore. (10) quia licet suis juribus vivebant, à nutu tamen Romanorum pendebant.

barbarumque est. Vides à medicis quamquam in adversa valetudine nihil servi ac liberi (11) differant, mollius tamen liberos, clementiusque tractari? Recordare quid quæque Civitas fuerit; non ut despicias, quod esse desierit. Absit superbia, asperitas; nec timueris contemptum. An contemnitur, qui imperium, qui fasces habet? nisi qui humilis, sordidus, & qui se primus ipse contemnit. Malè vim suam (12) potestas aliorum contumeliis experitur: malè terrore veneratio acquiritur: longeque valentior amor ad obtinendum quod velis, quam timor; nam timor (13) abit, si recedas, manet amor: ac sic, ut ille in odium, hic in reverentiam vertatur. Te verò etiam, atque etiam (repetam enim) meminisse oportet officii tui (14) titulum, ac tibi ipsi interpretari, quale, quantumque sit ordinare statum liberarum Civitatum. Nam quid ordinatione civilius? quid libertate pretiosius?

(11) quia omnes homines æquè morbos patiuntur, mollius tamen curantur à medicis molliores & delicatiores (12) quilibet Magistratus potestas dicitur. (13) quia præsentem tantum timent. (14) quod missas sis cum Proconsulari impetio ad reformandos mores Atheniensium.

tiosius? porrò quam turpe, si ordinatio
 everfione, libertas fervitute mutetur?
 Accedit quod tibi (15) certamen est te-
 cum: onerat te Quæsturæ tuæ fama,
 quam ex Bithynia optimam revexifti; o-
 nerat testimonium (16) Principis; o-
 rat Tribunatus, Prætura, atque hæc i-
 pfa Legatio, quafi (17) præmium data.
 Quo magis (18) nitendum eft, ne in
 longinquam Provinciam, quam suburba-
 nam, ne inter fervientes, quam liberos,
 ne forte, quàm judiciò miffus, ne rudis
 & incognitus, quàm exploratus proba-
 tusque humanior, melior, peritior fui-
 fe videaris. Cum fit aliquid, ut sæpe
 audifti, multo deformius amittere,
 quàm non aflequi laudem. Hæc, ve-
 lim, credas, quod initio dixi, fcripiffè
 me admonentem, non præcipientem,
 quanquam præcipientem quoque. Quip-
 pe non vereor in amore ne modum ex-
 cefferim; neque enim timendum eft,
 ne

(15) ne diverfa prioribus recte geftis facias, enitendum
 tibi eft. (16) Trajani, qui multis teftatus eft te virum
 optimum (17) pro anteaftis optimè muneribus (18)
 curandum eft: ut fi in longinqu oribus, qualis eft Bi-
 thynia, in qua Præfectus fuifti; aut fi apud fubditos,
 optimus, & prudens audiebaris; in vicinioribus Pro-
 vincis, qualis eft Achia, & apud liberos, eandem de
 te exiftimationem amplifices.

ne sit nimium, quod esse maximum debet. *vale.*

EPIST: V. *Senecæ* Nro. CV.

Argum: Seneca Lucio perscribit præcepta ad securitatem vitæ utilissima, monetque, quâ ratione vitæ sit optimè instituenda.

Seneca Lucio S.

QUæ observanda tibi sint; ut tutior vivas, dicam. Tu tamen sic audias, censeo, ista præcepta, quomodo si tibi præciperem, qua ratione bonam valetudinem in (1) Ardeatino tuearis. Considera, quæ sunt, quæ hominem in perniciem hominis instigent: invenies spem, invidiam, odium, metum, contemptum. Ex omnibus istis, adeo (2) levissimum est contemptus, ut multi in illo remedii causâ (3) delituerint. Quem quis contemnit, calcat sine dubio, sed transit. Nemo (4) homini contempto pertinaciter, nemo diligenter nocet. Etiam in acie jacens præteritur; cum stante pugnantur. Spem improborum vitabis

(1) Pagus in Latio situs, ubi cer non adeo saluber (2) levissimum malum est, contemni ab aliis. (3) non sunt questi, quod contemnerentur. (4) qui contemptus & abjectus esse videtur, pauciores habet adversarios, quam alii, eosque minus asperos.

tabis, si nihil (5) habueris, quod cupiditatem alienam & improbam irritet, si nihil inigne possederis. Concupiscuntur enim insignia, etiamsi parum nota sunt. Sic vero invidiam effugies, si te non ingesseris oculis, si bona tua non jactaveris, si scieris in (6) sinu gaudere. Odium autem ex offensa sic vitabis: neminem laceffendo (7) gratuito, à quo te sensus (8) communis tuebitur; fuit enim (9) hoc multis periculosum. Quidam odium habuerunt, nec (10) inimicum. (11) Illud præstabit tibi & fortunæ mediocritas, & ingenii lenitas; cum te esse homines scient, quem offendere sine periculo possint. Reconciliatio tua & facilis sit, & certa. Timeri autem tam domi molestum est, quàm foris: tam à servis, quam à liberis. Nulli non ad nocendum satis virum est. Adjice nunc, quod, qui timeatur, timet; nemo potuit esse terribilis
securè

(5) monet superflua & rara abjicienda, quia ea homines irritant ad nocendum (6) si scieris te non ostentare, sed in occulto gaudere de bonis tuis, invidiam vitabis (7) sine causa (8) vulgus saltem judicabit id, quia te alius inique odio prosequitur. (9) sine causa la cessere alium (10) possumus aliquos habere odio, licet non sine inimici, præsertim si odio habeamus non personam, sed facta ejus improba (11) bonum odium erit, si vitis reprehendamus modestè & moderatè.

securè. Contemptus superest: ejus modum in sua potestate habet, qui illum sibi adjunxit; qui contemnitur, quia voluit, non quia debuit. Hujus (12) incommodum & artes bonæ discutiunt, & amicitia eorum, qui apud aliquem potentem potentes sunt; quibus applicari expediet, non implicari; ne pluris remedium, quàm periculum constet. Nihil tamen æque proderit, quàm quiescere, & minimum cum aliis loqui, plurimum secum. Est quædam dulcedo (13) sermonis, quæ irrepit & blanditur, & non aliter, quàm ebrietas, aut amor secreta producit. Nemo, quod audierit, tacebit: nemo (14) quantum audierit, loquetur. Qui rem non tacuerit, non tacebit Auctorem. Habeat unus quisque aliquem, cui tantum credit, quantum ipsi creditum est: ut garrulitatem suam custodiat, & contentus sit unius auribus, (15) populum faciet. Sic quod modò secretum erat, rumor est.

Se-

(12) contemptus vitari potest & artibus bonis, & amicitia familiarium apud Principes, si iis non nimium nos implicemus. (13) adulatio quæ velut amor, aut ebrietas secreta aperit. (14) quia plura semper addet. (15) id est, etiamsi uni rem dixerit, unus alteri &c. & ita populus sciet.

Securitatis magna portio est, nihil illi-
qui facere. Constatam vitam & per-
turbatam impetulant agunt: tantum me-
tuunt, quantum nocent; nec ullo tem-
pore vacant. Trepidant enim cum se-
cerunt, hærent, conscientia aliud agere
non patitur, ac subinde (16) respondere
ad se cogit. Dat (17) pænas, quisquis
expectat: quisquis autem meruit, expe-
ctat. Tutum aliqua res in mala con-
scientia prætat, nulla securum; putat
enim se, etiam si non deprehenditur, pos-
se deprehendi; & inter somnos move-
tur, & quoties alicujus scelus loquitur,
de suo cogitat. Non satis illi oblite-
ratum videtur, non tectum. Nocens
habuit aliquando latendi fortunam,
nunquam fiduciam. *vale.*

Exemplum.

*Amicus amicum monet in omnibus rebus gerendis
salutis rationem maxime habendam.*

Sic habeto rationem dignitatis, ut
memineris salutis. Fama ægrè restitu-
itur, sed restituitur tamen; Vita semel

M amif-

(16) respicere ad se cogit, cum illi conscientia semper
suggerat: quid feci? quid fiet? quid patiar? (17) ipsa
expectatio pænæ, pæna est.

amissa nunquam recuperatur. Stultum est cum eo contendere, cui par esse non possis. Qui certat cum eo, quem non potest vincere, quæso, quid aliud, quam irritat crabrones? Frustra nitendo, nihil aliud, quam odium quærere, an non extremæ dementiæ est? Si adversus naturam tuam niteris, nihil aliud quam cum Diis pugnaveris, & scis quomodo res ea successerit Gigantibus? Quanto cum periculo tententur ea, quæ vires nostras superant, Phæétontis, Jcari, & Gigantium fabula te docere poterit. Quàm non tutum sit audacem esse erga potentes & armatos, Adonidis interitus docere nos debet.

EPISTOLÆ NUNCIATORIÆ.

EPIST: I. *Ciceronis*

Ex lib: 1. Famil: VIII.

Argum: Cicero præmissa excusatione, quod non scribat de rebus ad Lentulum pertinentibus (de quibus certior poterit fieri per Platorium) docet eundem Lentulum, quò statu sit Respublica, ostenditque se maximè habere voluntati Pompeji,

peji,

peji, cum alii malè de Republica sentiant; ita, ut potius vacationem quandam à Republica, quàm administrationem exoptet. Declarat deinde Pompejum amicum esse Lentulo. Concludit denique majori sibi curæ esse res Lentuli, quàm suas, nihilque posse pro eo tantum facere, ut plus non debeat, quàm possit.

M.T.C. Lentulo Proconsuli S. D.

De omnibus rebus, quæ ad te pertinent, quid actum, quid constitutum sit, quid Pompejus susceperit? optimè ex Plætório cognosces, qui non solum interfuit, sed etiam (1) præfuit; neque ullum officium hominis erga te amantissimi, prudentissimi, diligentissimi prætermisit. Ex eodem de toto statu rerum communium cognosces, quæ quales sint, non facile est scribere. Sunt quidem certè in (2) amicorum nostrorum potestate, atque ita, ut nullam mutationem unquam hac hominum ætate habitura res esse videatur. Ego quidem, ut debeo, & ut tutè mihi præcepisti, & ut me pietas utilitasque cogit, ad (3) e-

M2

jus

(1) causam tuam egit. (2) Administratio rerum publicarum est in potestate Crassi, Pompeji & Cæsaris, ita, ut ex eorum manibus nullò modò tolli posse videatur hæc nostrâ ætate. (3) Ego Pompeji voluntati morem gero, quia ejus operâ, & mihi, qui sum ab exilio revocatus, & tibi utendum putasti.

ius rationes adjungo, quem tu in meis rationibus tibi esse adjungendum putasti. Sed te non præterit, quàm sit difficile, sensum in Republica, præsertim rectum & confirmatum (4) deponere. Verumtamen ipse me conformo ad (5) ejus voluntatem, à quo (6) honestè dissentire non possum, neque id tantum facio, ut forsitan quibusdam videar, simulatione; tantum enim animi (7) inductio, & mehercule amor erga Pompejum apud me valet, ut quæ illi utilia sunt, & quæ ille vult, ea mihi omnia jam & recta, & vera videantur. Neque (ut ego arbitror) errarent, ne adversarii quidem ejus, si cum pares esse non possent, pugnare desisterent. Me quidem etiam illa res consolatur, quod ego is sum, (8) cui vel maximè concedant omnes, ut vel ea defendam, quæ Pompejus velit, vel taceam, vel etiam, id quod mihi maximè lubet, ad nostra me studia

(4) aliter sentire, quam consuevi, scilicet, ne rectè sentiam. (5) ad Pompeji. (6) meritò non possum dissentire à Pompejo, quia benè meritus est de me. (7) persuasio, propositum quoddam. (8) quem nemo reprehendit, cui nemo adversatur, sive cum dicam aliquid pro parte Pompeji, sive cum non adsum in Senatu, sed studio literarum vacem.

dia referam literarum; quod profectò faciam, si mihi per (9) ejusdem amicitiam licebit. Quæ enim proposita fuerant nobis, cum & honoribus amplissimis, & laboribus maximis perfuncti essemus, dignitas in sententiis dicendis, libertas in Republica capeßenda, ea sublata tota: sed nec mihi magis; quàm omnibus. Nam aut assentiendum est nulla cum gravitate paucis, aut frustra dissentiendum. Hæc ego ad te ob eam causam maxime scribo, ut jam de tua quoque (10) ratione meditere. Commutata tota ratio est Senatûs, judiciorum, rei totius publicæ; otium nobis exoptandum est: quod (11) ii, qui potentiuntur rerum, præstaturi videntur, si quidam homines patientius eorum potentiam ferre potuerint. Dignitatem quidem illam Consularem fortis & constantis Senatoris, nihil est, quod (12) cogitemus; amissa est culpâ eorum, qui
à Sena-

(9) si per Pompeji amicitiam licebit, faciam, ut ad literas me conferam, præsertim cum sublata sint, & libertas, & dignitas in sententiis dicendis. (10) Qualiter tu te gerere debeas postquam veneris in Senatum (11) Crassus, Pompejus, Cæsar, spem pacis nobis promittunt, si eorum potentiam aliqui patientius tulerint. (12) nihil est quod speremus futuram Consulatûs potestatem veterem.

à Senatu & (13) ordinem conjunctissimum, & (14) hominem clarissimum alienaverunt. Sed ut ad ea, quæ conjunctiora rebus tuis sunt, revertar: Pompejum tibi valde amicum esse cognovi, & eo tu Consule, quantum ego perspicio, omnia, quæ voles, obtinebis; quibus in rebus me sibi ille affixum habebit, neque à me ulla res, quæ ad te pertineat, negligetur. Neque enim verebor, ne sim ei molestus, cui jucundum erit etiam propter idipsum, quod me esse gratum videbit. Tu vero tibi ita persvadeas, nullam rem esse minimam, quæ ad te pertineat, quæ mihi non carior sit, quàm meæ res omnes; (15) idque cum sentiam, sedulitate mihi metipse satisfacere possum: re quidem ipsa ideo mihi non satisfacio, quod nullam partem tuorum meritorum non modo referendâ, sed ne cogitandâ quidem gratiâ consequi possum. Rem te valde bene gessisse rumor erat. Expectabantur literæ tuæ de quibus eramus jam cum Pompejo locuti; quæ si erunt, allatæ nostrum

(13) Equestrem vel plebejum (14) Cæsarem, cui in alterum quinquennium Galliam Provinciam non decreverunt. (15) quod nulla res ad te pertineas sit minima

nostrum studium extabit in (16) conveniendis Magistratibus & Senatoribus. Cætera, quæ ad te pertinebunt, cum etiam plus contenderimus, quàm possumus, minus tamen faciemus, quàm debemus.

EPIST: II. *Ciceronis.*

Ex lib: 3. Famil. I.

Argum: *Appius in Cilicia Procons: & Imperator erat exercitûs; ad eum Phania se confert, cui Cicero dat literas ad Appium breviores, quàm instituerat, quoniam Phaniam omnia relaturum putabat, quæ in Republica gerebantur. Scribit etiam de amore suo in Appium; Laudat Phaniam, & Valerium commendat.*

M.T.C. Appio Pulchro Imp: S.D.

Si ipsa Respublica tibi narrare! posset, Squomodo se se haberet, non facilius ex ea cognoscere posses, quàm ex liberto tuo Phania: ita est homo non modo prudens, verùm etiam (quod (1) juvet) curiosus; quapropter ille tibi omnia explanabit, quod & ad (2) brevitatem est aptius,

(16) ut tibi supplicationem & honores pro rebus in Provincia bene gestis decernant.

(1) utiliter, & in rebus dignis esse curiosum donotat.

(2) quia Phania tibi referet omnia, quæ forent scribenda, ideo Epistola mea erit brevior, & res alias commodius continebit.

aptius, & ad reliquas res providentius. De mea autem benevolentia erga te, & si potes ex eodem Phania cognoscere, tamen videntur etiam aliquæ meæ (3) partes. Sic enim tibi persuade, carissimum te mihi esse, cum propter multas suavitates ingenii, officii, humanitatis tuæ, tum quod ex tuis literis, & ex multorum sermionibus intelligo, omnia, quæ à me profecta sunt in te, tibi accidisse gratissima. Quod cum ita sit, perficiam profecto, ut longi temporis (4) usuram, qua curuimus intermissâ nostrâ consuetudine) & gratiâ, & celeritate & magnitudine officiorum meorum sarciam; idque me (quoniam ita vis) puto non (5) invitâ Minervâ esse facturum: (6) quam quidem ego, si forte de tuis sumpsero, non solum Pallada, sed etiam Appiada nominabo. (7)

Cilix

(3) mearum etiam est partium, ut tibi scribam. (4) fructus a Cilix, hoc est, officiorum ad invicem præstandorum ratio, quæ aliquanto tempore est intermissa, promittit se Cicerone refectionem diligentius. (5) non repugnante naturâ, promptô ingenio (6) Quæ quidem Minervâ, sive promptitudo ingenii ad officia præstanda; si mihi de tuis scriptis aut literis advenit, illam Minervam non suo nomine deam, Pallada, quæ mihi subministraret ingenium, sed Appiada ab Appio appellabo (7) idem quod Phania, à Ciliciæ Provincia sic dictus

Cilix libertus tuus, antea mihi minus fuit notus; sed ut mihi reddidit à te literas, plenas & amoris & officii, mirificè ipse suò sermone subsecutus est humanitatem literarum tuarum. Jucunda mihi ejus oratio fuit, cum de animo tuo, de sermonibus, quos de me haberet quotidie, mihi narraret. Quid quaeris? Biduo factus est mihi familiaris: ita tamen, ut Phanium valde sim desideraturus, quem cum Romam remittes, quod (ut putabamus) celeriter eras factururus, omnibus ei de rebus, quas agi, quas curari à me voles, mandata des, velim. L. Valerium, jureconsultum valde tibi commendo: (8) sed ita etiam si non est jureconsultus. Melius enim ei (9) cavere volo, quàm ipse aliis solet. Valde hominem diligo; est ex meis domesticis, atque intimis familiaribus; (10) omninò tibi agit gratias, sed idem scribit, meas literas maximum apud te pondus habituras. Id eum ne fallat, te etiam, atque etiam rogo. *vale.*

EPIST:

(8) licet non sit, bene consultus, seu peritus consulendi (plurimi enim id nominis sibi arrogabant.) (9) consulere illi ego volo melius, quàm ille aliis solet. (10) in literis suis ad me ex Cilicia scriptis ostendit se esse gratum tibi pro tuis erga se beneficiis.

EPIST: III. Bembi.

Ex lib: 1.

Argum: Bembus Patri suo reddit rationem
itineris Venetiis Messanam peracti.

P. Bembus Bernardo Bembo Patri
S. P. D.

Messanam venimus ad quartum Nonas
Majas, navigatione usi perincom-
modâ: quod viæ cum discedens a te, pe-
dibus me facturum putarem, mutavi con-
siliū, cum essem Neapoli, propter ho-
spitiorum infrequentiam, tū ipsa ho-
spitia ab omnibus rebus imparatissima.
Itaque naviculam nacti, decimo die Si-
ciliam tetigimus nauseantes. Sed ab-
sterfit nobis omnem molestiam Constan-
tini Lascaris humanissima congressio,
qui nos excepit libentissimè, & libera-
liter est pollicitus; idque re præstat.
Erudimur enim mira ipsius diligentia, tū
amore prope paterno. Omnino nihil
illō sene humanius, nihil sanctius. Re-
liqua etiam omnia satis ex Sententia.
Urbs præclarô locô posita ad mare,
portu amplô, atque tutissimô. Aëris mi-
ra temperies. Annona rerum ad vi-
ctum

cum omnium, cum vilis, tum luctulenta. Quæ tibi nota esse volui, ut consideres nos hic etiam cum voluptate futuros. Vale mi Pater optime, atque optatissime.

EPIST. IV. *Plinii.*

Ex lib. 9.

Argum: Plinius ordinem vite, quem ruri æstatis tempore servabat. Fusco Salinatori explicat, simulque studiorum suorum, & victus modum, ac amicorum confabulationes &c. enarrat.

Plinius Fusco suo S.

Quæris, quemadmodum in Tuscis diem ætate disponam? Evigilo, cum libuit, plerumque circa horam primam; sæpe ante, tardius raro, clausæ fenestræ manent. Mirè enim silentio & tenebris animus alitur, ab iis quæ avocant, abductus, & liber, & mihi relictus: non oculos animo, sed animum oculis sequor, qui eadem, quæ mens, vident, quoties non vident alia. Cogito si (1) quid in manibus, cogito ad (2) verbum scribenti, emendantique similis: nunc pau-

ciora

(1) si quid operis est mihi imperfecti (2) singula verba diligenter examino.

ciora, nunc plura, ut vel difficile, vel facile componi, (3) tenerivè poterunt. Notarium voco, & die (4) admissò, quæ formaveram, dicto; abit, rursusque (5) revocatur, rursusque remittitur. Ubi hora quarta vel quinta (neque enim certum dimensumque tempus) ut dies svavit, in (6) xystum me, vel cryptoporticum conféro, reliqua meditor, & dicto, vehiculum ascendo. Jbi quoque (7) idem, quod ambulans, aut jacens, durat intentio; mutatione ipsa refecta paulum redormio, dein ambulo, mox orationem græcam latinamve clarè & intentè, non tam vocis causâ, quam stomachi, lego, pariter tamen & illa firmatur. Iterum ambulo, ungor, exerceor, labor. Cænanti mihi sic cum uxore vel paucis, liber legitur; post cænam * comedi aut lyristes: mox cum meis ambulo, quorum numero sunt eruditi. Ita variis sermonibus vespera

(8)

(3) memoria, v. mandari memoriæ (4) apertis fenestris (5) ad connotandum deinceps, quæ distanda excogitavi. (6) locum ambulationis sub dio, qui hinc inde arbores & porticus habet. Cryptoporticus, significat: additam porticum ad deambulandum núbilo tempore (7) facio. * introducantur, ut recreent animum

(8) extenditur, & quanquam longissimus dies, cito conditur. Nonnunquam ex hoc ordine aliqua mutantur. Nam si diu tacui, vel ambulavi, post somnum demum lectionemque, non vehiculô, sed quod brevius, quia velocius, equô gestor. Interveniunt amici ex proximis oppidis, partemque diei ad se trahunt, interdumque lassato mihi opportuna interpellatione subveniunt: Venor aliquando, sed non sine (9) pugillaribus, vel quamvis nihil caperim, non nihil referam. Datur & colonis, ut videtur ipsis, non satis temporis, (10) quorum mihi agrestes querelæ literas nostras, & isthæc urbana opera commendant: *vale.*

EPIST: V. *Plinii*

Ex lib: 10.

Argum: Cùm Nerva ob senium despectui esset militibus, Capitolium ascendens designavit Imperatorem Trajanum tunc cum imperio adversus Germanos absentem. Nunciat itaque Plinius Trajanob;

(8) protrahimus sermones ad multum nobis. (9) significat amorē literarū. qua ratione licet ex venatione nullā prædam dicit se referre, non tamen, vacuū redire. (10) ex agrestibus querelis dicit urbana opera, & studia literarum longe commendatissima esse.

no, diem hunc, quo suscepit Imperium, celebrasse, & Commilitonibus iusjurandum solenne dedisse.

Plinius Trajano.

Diem, Domine, quò servasti Imperium, dum suscipis, quantâ mereris, lætitiâ celebravimus; precati Deos, ut ut te generi humano (cujus tutela & securitas salutis tuæ invisæ est) incolumem florentemque præstarent. (1) Prævivimus & Commilitonibus iusjurandum more solenni præstantibus, & provincialibus, qui eadem certarunt pietate, jurantibus.

EPIST: VI. Sabellici

Argum: Sabellicus defert Catalutio, quod de ejus duobus Filiis alter præ alio majorem in studiis profectum faciat; monetque eum, ut rerum suarum rationem habeat.

Sabellicus Catalutio S.

Situ cum tota Domo vales, bene est, Nos hic, Dei benignitate, valemus. Stephanio noster omnem mentem, curam & cogitationem in bonarum Arti-

um

(1) conceptis verbis iusjurandum in acta Cæsarum, & verba nomenque Imperatorum prælegimus subsequente populo.

um studia conjecit: cæpitque jam effusis, ut ita dixerim, habenis, studium decurre, quod certamen tyrunculus reformidabat; vix credas, quantum de ejus profectu nobis sperare liceat. Sequitur eum Marius non tam æquis passibus. Spero omnino fore, ut illum vobis virum ægregium restituam. Tu verò, quia te huc venturum scripsisti, cave venias, ac ne alium quidem, quantum in te erit, patiaris ad me venire, habete obsecro & vos quamcunque aliquando mearum rerum rationem, quem peregrinatio illa superioris anni tanta lassitudine affecit, ut vix ad hunc diem respirare contingerit, scis credo, quid dicam, satis tu & Antonia habetis, si adolescens non minus est mihi, quam vobis charus. *vale.*

EPIST: VII. *Sabellici:*

Argum: Narrat se Venetæ Urbis situm tribus voluminibus explicasse.

Sabellicus Thomæ Trivisano S.

Felicissimæ Urbis vestræ situm tribus nuper Voluminibus explicavi, Vir præstantissime. Tentavi calamo assequi, quod & pictor penicillo, ut rem totam
le-

legentium oculis subjicerem. Tu, Vir clarissime, si vacat, cognosce, quæso an quod volui, effecerim, audacterne nimis à me sit factum: quod tam procul hoc, quidquid est, ablegaverim, alii videbunt. Ego lucubrationem ipsam Hieronymo Donato, qui nunc Romæ Oratoris munere apud Alexandrum Pontificem fungitur, eò consiliò inscripsi, ut & mei Quirites, qui locorum distantia rem tantam, & ubique celebrem, videre non potuerunt, velut in tabula quadam, cæterum opere (ut spero) indelebili sit uraturam cernerent. Adjeci illi, imo prætuli Librum unum de Venetis Magistratibus, quem Serenissimo Principi superiore anno inscripsi, ut omnes Gentes planè intelligant: vestræ florentissimæ Reipublicæ justitiam & æquitatem habere minorem esse, quàm ipsius sit Urbis fortuna & amplitudo. *vale.*

EPISTOLÆ PETITORIÆ.

EPIST: I. *Ciceronis*

Ex lib: 5. Famil: IX.

Ar.

Argum: Vatinianus cum gereret bellum in
Illyriis, & ob res bene gestas optaret sibi decen-
supplicationes: quidam malevoli & invidi impug-
bant eum; & honori ejus detrectabant; quare ro-
gat Ciceronem, ut quemadmodum ante in periculo
capitis eum defendit ita nunc defendat in honore.
Deinde pollicetur se daturum operam, ut Diony-
sius Ciceronis servus fugitivus tandem inventi-
turs profugerat enim in eas Regiones.

Publius Vatinianus Imp:

Ciceroni suo S. D.

Si vales, bene est, ego valeo. Si tuam
consuetudinem in patrociniis tuendis
servas, (1) P. Vatinianus (2) cliens ad-
venit, qui pro se causam (3) dicier vult.
Non, puto, repudiabis in honore, quem
in (4) periculo recepisti. Ego autem,
quem potius adoptem, aut invocem,
quàm illum, quò defendente, (5) vince-
re didici? An verear, ne, qui poten-
tissimorum hominum conspirationem (6)
neglexerit pro mea salute, is pro hono-
re meo, pusillorum ac malevolorum ob-

N

tre-

(1) loquitur de se tanquam tertia persona. (2) egens
Patrono, advocatum colens. (3) pro dici, defendi, agi
causam vult. (4) contra Vatinianum hunc, postquam
Consulatu decessit (fuit enim Consul) fuerat instituta
actio à Tribunis plebis, defenderatque eum Cicero ide-
o dicitur: in periculo, salutis scilicet. (5) adversarios
meos. (6) contempserit, neque ea territus sit conspira-
tione, quæ facta fuerat ad versus me.

trectationes & invidias non prostrnat, atque proterat? Quare, si me, sicut solles, amas, suscipe me totum; atque hoc quidquid est (7) oneris, ac muneris, pro mea dignitate tibi tuendum ac sustinendum puta. Scis, meam fortunam, nescio quomodo, facile obtrectatores invenire, non meô quidem, me hercules, (8) meritò: sed quanti id (9) refert, si tamen fatò, nescio quò, accidit? Si quis forte fuerit, qui nostræ dignitati obesse velit, peto à te, ut tuam consuetudinem & (10) liberalitatem in me absente defendendo mihi præstes. Litteras ad Senatum de rebus nostris gestis, quò exemplò miseram, infra tibi perscripsi. Dicitur mihi tuus servus (11) Anagnostes fugitivus (12) Vardaci esse, de quo tu mihi nihil mandasti. Ego tamen terra, marique, ut conquereretur, præmandavi: & profectò tibi illum

repe-

(7) officii, quod tibi impono. (8) non meâ culpa fortunam meam expositam esse detractionibus, cum sim innocens. (9) nihil interest. (10) qua maximè præstas in amicis defendendis (11) nomen est officii, & tales servi erant domi q. i. domo aliquid prælegere solebant ex græco veli. o præsertim inter canadam, & inter otlandum. (12) Civitas in Illyrico.

reperiam; nisi si in Dalmatiam aufugerit:
& inde tamen aliquando eruiam. Tu
nos, fac, ames. vale.

EPIST: II. *Ciceronis.*

Ex lib: 15. Famil: X.

Argum: Cicero rogat Marcellum, Consulem
designatum, ut quando accidit eo tempore eum ha-
bere Magistratum, cum ei prodesse potest, curet;
ut Senatus - consultum honorificentissimum de eo
fiat, ut ei faveat, & in supplicatione decernendas
& in ceteris rebus; quæ eum facere debere multis
causis probat.

M.T.C. Imp: Marcello Consuli

Design: S.P.D.

Quando id accidit, quod mihi maxi-
mè fuit optatum, ut omnium Mar-
cellorum, & Marcellinorum etiam (mi-
nistrius enim generis ac nominis vestri
fuit erga me semper ànimus) quum ergo
ita accidit, ut omnium vestrum (1) stu-
dio tuus Consulatus satisfacere posset,
in quem meæ res gestæ, lausque & ho-
nos (2) earum potissimum incideret,

N2

peto

(1) studio vestrum omnium, quod habetis honoris mei
amplificandi, Consulatus tuus unicus satisfacere potest.
sive, studium illud complere. (2) rerum gestarum in
Provincialibus in hæc tempora, quibus Consul es designa-
tus, incidit, ut sc: supplicatio decerneretur.

peto à te id, quod facillimum factu est, non aspernante, ut confido, Senatu, ut quàm honorificentissimum Senatus-consultum, literis meis recitatis, faciendum cures. Si mihi tecum (3) minus esset, quàm est cum tuis omnibus, allegarem ad te illos, à quibus intelligis me præcipuè diligi. Patris tui beneficia in me sunt amplissima; neque enim salutis meæ, neque honori amicior quisquam dici potest. Frater tuus quanti me facit, semperque fecerit, esse hominem, qui ignoret, arbitror neminem. Domus tua denique tota me semper omnibus summis officiis prosecuta est. Neque enim (4) tu in me diligendo cuiquam concessisti tuorum. Quare à te peto in maiorem modum, ut me per te, quàm ornatissimum velis esse, meamque & in supplicatione decernenda, & in ceteris rebus existimationem satis tibi esse commendatam putes. *vale.*

EPIST: III. *Bembi.*

Ex lib: 5.

Argum: *Michael Venetus cesserat Bembo Beneficium Ecclesiasticum, cujus possessionem antequam*

asse-

(3) minus amicitiae, familiaritatis &c. (4) tu ipse etiam non superaris à quoquam in amore mei.

assequeretur Bembus, Michael vitâ decessit. & difficultatem ejusdem Sacerdotii assequendi reliquit. petit igitur Bembus Bannisum, qui plurimum valuit apud Cæsarem, ut ad illius Beneficii possessionem a litum sibi faciat. Atque imprimis declarat Bembus se esse optimâ voluntate erga Bannisum; tum denique petitionem suam exponit.

P. Bembus Jacobo Bannisio S.P.D.

Et amavi te omni tempore, mi Bannisi; egregia enim doctrina tua mihi dudum perspecta & cognita, studiorumque similitudo, atque imprimis singularis probitas, moresque candidissimi tui, tibi me jam pridem devinxerunt; & proximè omnibus tuis in rebus, quibus esse usui apud Leonem X. Pont. Max: potuit studium & diligentia mea, tibi non defui. Cujus rei vir, tui planè studiosus, Stephanus (1) Rosinus est testis. Utinam mihi se occasio aliquando det, propensam ad tua commoda, dignitatesque voluntatem, quam præfero tibi aliqua magna in re ostendendi! Vincam certè meis studiis expectationem

(1) Rosinus amicus Bannisii morabatur Romæ aliquanto tempore, vixitque familiariter cum Bembo, eum itaque adducit testem suorum studiorum, quæ præstitit apud Pontificem pro Bannisio.

onem tuam. Tu si eadem es in me voluntate; non videor in re mea, studium item & commendationem apud Imperatorem tuam, non jure petiturus. Ea verò est ejusmodi: cessit mihi, dum viveret. Angelus Michàel Civis Venetus Sacerdotium, quod is in Veronensi habebat, Monzabanensium templum. Hujus Sacerdotii possessionem assequi nunquam potuimus: quanquam id Princeps suo & Reipublicæ nomine fieri jussèrit. Quamobrem familiariter abs te peto, ut cum Cæsare, quicum semper es, agas; ut is, cujus quidem liberalitatem omnes homines prædicant; mandet, jus mihi meum, ea in re, non impediri: possessionem Sacerdotii Procuratori meo aliquando tandem dari. Frit id & illius magnitudinis animi proprium, & mihi ab eo magnopere gratum; abs te etiam jucundissimum. *vale.*

EPIST: IV. *Plinii.*

Ex lib: 4.

Argum: *Plinius nomine Herennii rogat Julium Severum, ut per aliquem summum artificem curet imagines Cornelii Nepotis, & Titi Cassii quàm simillimas Archetypo depingendas, quas Herennius in sua Bibliotheca positurus est.*

Plini-

Plinius J. Severo suo S.

Herennius Severus, vir doctissimus mare igni æstimat in Bibliotheca sua ponere imagines (1) Municipum tuorum Corn: Nepotis & Titi Cassii: petitque si sunt istic, ut esse credibile est, exscribendas, pingendasque (2) delegem. Quam curam tibi potissimum injungo: primum quia desideriis meis amicissimè obsequeris: deinde, quia tibi (3) studiorum summa reverentia, summus amor studiosorum: postremo, quod (4) Patriam tuam, omnesque, qui nomen ejus auxerunt, ut Patriam ipsam veneraris & diligis. Peto autem, ut pictorem quàm diligentissimum assumas. Nam cum est arduum similitudinem effingere ex vero, tum longe difficillimum est (5) imitationis imitatio. A qua, rogo, ut artificem, quem elegeris, ne in (6) melius quidem finas aberrare. *vale.*

EPI-

(1) Convivium, sive eodem jure viventium, ad eandem Urbe originem ducentium (2) committam (3) literarum (4) Par nam, quam suis scriptis & rebus gestis Cornelius cum Tito illustrarunt. (5) non exemplaris, sed jam alterius picturæ tr ductio dici ur. (6) nam imitator semper deficit ad imitatio. (6) ne in majorem quidem decorem, hoc est, per adulationem.

EPIST: V. Plinii.

Ex lib: 10.

Argum: Plinius petit commeatum excurrentem in oppidum Tybernum, & in agros suos per mensum, quod illic esset edificaturus Templum, in quod Trajani indulgentiâ erat translaturus Principum statuas per sanctos sparsas, appositâ ipsiusmet Trajani statuâ, & agros suos ordinaturus.

Plinius Trajano.

Cùm divus (1) Pater tuus, Domine, & oratione pulcherrimâ, & honestissimô (2) exemplô omnes Cives ad munificentiam esset cohortatus, petii ab eo, ut statuas Principum, quas in (3) longinquis agris, per plures successiones traditas mihi, quales acceperam, custodiebam, permetteret in (4) Municipium transferre, adjectâ suâ statuâ, quodque ille mihi cùm jure plenissimo indulserat, ego statim (5) Decurionibus scripseram, ut assignarent solum, in quo Templum pecuniâ meâ extruerem: illi in (6) ho-

(1) Nerva, à quo Trajanus fuerat in filium adoptatus. (2) nam & de suo plurima donavit, & bona damnatorum injuste à Domitiano Imp: ablata hæredibus restituit. &c. (3) procul ab Urbe. (4) Tybernum oppidum, juxta quod villam suam habuit & a quo juvenis ad huc in Patronem suum cooptatus fuerat. (5) Senatoribus Typherni. (6) pro honore, pro ratione operis, quod sanctum erat.

nore operis ipsius electionem loci mihi obtulerant. Sed primum meâ, deinde Patris tui valetudine, postea curis delegati à vobis (7) officii retentus, nunc videor commodissimè posse in (8) rem præsentem excurrere. Nam & (9) menstruum meum Calend: Septembris finitur, & sequens mensis complures dies (10) feriatos habet. Rogo ergo ante omnia, permittas mihi opus, quod inchoaturus sum, (11) exornare & tuâ statuâ: deinde, ut hoc facere quam maturissimè possim, indulgeas (12) commeatum. Non est autem simplicitatis meæ (13) dissimulare apud bonitatem tuam, (14) obiter te plurimum collaturum utilitatibus rei familiaris meæ. Agrorum enim, quos (15) in eadem regione possideo, locatio cum alioqui (16) CCCC. excedat, adeo non potest differri, ut prox-

xi-

(7) Præfectus ærarii fuerat. (8) ad locum templo deligendum & alia peragenda (9) alternis mensibus Præfecti ærario curam ejus sustinebant. dicit itaque mensem suum finiri (10) à negotiis publicis vacuos (11) petit à Trajano ut concedat suam etiam statuam poni, (12) facultatem discedendi (13) abscondere id, scilicet, (14) quod si tantum indulseris mihi commeatum, maximas mihi utilitates à te collatas esse sentiam. (15) Thuscana. (16) locatio agrorum quadringenta sestertia excedit, id est, redditus ex illis agris. 1200000. Tal:

ximam putationem novus (17) colonus facere debeat. Præterea, continuæ sterilitates cogunt me de (18) remissionibus cogitare, quarum rationem, nisi præsens, inire non possum. Debeo ergo, Domine, indulgentiæ tuæ, & pietati meæ celeritatem, & statuarum ordinationem, si mihi ob utraque hæc dederis commeatum triginta dierum. Neque enim angustius tempus præfinire possum, cum & Municipium, & ager, de quibus loquor, sint ultra centesimum & quiquagesimum (19) lapidem.

Responsoria ad præcedentem.

Trajanus Plinio.

Et (1) privatas multas, & omnes (2) publicas causas petendi commeatus reddidisti: mihi autem vel sola voluntas tua suffecisset. Neque enim dubito, te, ut primum potueris, ad tam (3) districum officium reversurum. Statuam poni mihi à te eò, quò desideras, loco

(17) Possessor cui obligandi sunt agri: putatio vero refertur ad vineas. (18) de rebus aliquid cedere propter sterilitates. (19) milliare lapide notatum.

(1) de agris ordinandis. (2) de Templo extruendo. (3) necessarium, id est, ad rationes Aërii faciendas.

locò (quanquam ejusmodi honorum (4) parcissimus) tamen patior, ne impedisse cursum erga me pietatis tuæ videar.

EPIST: VI. *Plinii.*

Ex lib: 10.

Argum: *Plinius petit Praturam amico suo Actio Suræ.*

Plinius Traiano.

Scio, Domine, memoriæ tuæ, quæ est benefaciendi tenacissima, preces nostras inhærere, quia tamen in (1) hoc quoque sæpe indulxisti, admoneo simul & impensè rogo; ut Actium Suram Præturâ exornare digneris, cùm locus vacet, ad quam spem alioqui (2) quietissimam hortatur & natalium splendor, & summa (3) integritas in paupertate, & ante omnia felicitas temporum, quæ bonam conscientiam Civium tuorum ad (4) usum indulgentiæ tuæ provocat & attollit.

EPI-

(4) quia Trajanus multas sibi Statuas erigi non patiebatur.

(1) ut, scilicet, te quasi admoneam beneficentiæ, concessisti (2) certissimam. (3) magna laus pauperis, si non corrumpatur donis. (4) ad petenda tua beneficia, quia facile exoraris.

EPIST: VII. *Sabellici.*

Argum: Sabellicus petit Carolum, ut literæ majoris cujusdam ponderis domum perferantur.

Sabellicus Carolo suo S.

Ex omnibus officiis, quæ multa & magna mihi, jam inde à nostro veteri contubernio, præstitisti, Carole humanissime, hoc erit omnium maximum, longèque gratissimum, si dabis operam, ut hæ literæ nostræ, quæ majusculi cujusdam sunt ponderis, continuo Domum perferantur, ne eorum, quibus creditæ fuerint, incuriâ intercidant, vide, amabo. Matrem tuam fæminam nobilissimam, & fratres jubeo salvere. *vale.*

Exemplum.

Amicus ab amico petit sibi dari mutuo decem aureos.

Quod ego tibi ultro deferrem, si facultatum tuarum æque mihi, ac meæ indigentia tibi esset, id non dubito, quin & tu mihi lubens delaturus sis, mi Laurenti. Opus est mihi decem aureis, quos, oro, ut mihi des mutuo; non dici potest, quam illis egeam. Etenim ne obolus
qui-

quidem amplius mihi est, & ut scis, multa mihi familia, multæ operæ, quibus victus suppeditandus est; non quærunt unde habeas, sed oportet habere. Neque verò tibi homini tantum non cum Cræso conferendo, difficile factum erit, decem aureos hominis & egentis & amici utibus exponere. Et quamvis tu plures citra dispendium rerum tuarum mihi utendos dare posses, parum abî te peto, ut minore negotiò inpetrem. Quot verò mihi commoditates parva tua pecunia allaturus sis, vide: meam existimationem, ne omnino elevetur, conservabis; liberi, operæ, uxor ne fame pereant, cavebis; me in tuo, quod ajunt, ære esse facies. Ubi vicissim si non pecuniâ, at industriâ, consiliò, literis, si quas modò calleo, tibi, tuisque consilere potero; dispeream, si non me tuum esse dixeris. *vale.*

EPISTOLÆ
SVASORIÆ.

EPIST: I. *Ciceronis*

Ex lib: 8. Famil: XVI.

Ar.

Argum: Cum versaretur Respublica in magnis periculis propter discordias Caesaris & Pompeji, scripserat Cicero ad Calium, incertum esse, quod consilium suis rebus caperet. Inde suspicatus est Calius Ciceronem mali aliquid cogitare; & maxime ne se transferret ad Pompejum. Scadet itaque Calius Ciceroni, ne afflictam fortunam sequatur, (pulsus enim erat J. aliâ Pompejus) sed in aliquem locum à bello vacuum secedat, donec bellum confectum fuerit.

M. Cælius M. Ciceroni S.D.

Exanimatus sum tuis literis, quibus te nihil, nisi triste cogitare ostendisti: neque id quid esset, perscripsisti: non enim, quale esset, quod cogitares, aperuisti. Has illico ad te literas scripsi. Per fortunas tuas, Cicero, per liberos oro, obsecro, ne quid gravius de salute & incolumitate tua consulas. Nam Deos, hominesque, amicitiamque nostram testificor, me neque temerè tibi prædicasse, neque temerè monuisse: sed postquam Cæsarem convenerim, sententiamque ejus, qualis futura esset, partâ victoriâ, cognoverim, te certiozem fecisse. Si existimas eandem rationem fore Cæsari in dimittendis adversariis

&

& conditionibus ferendis, (1) erras. Nihil niſi atrox & ſævum cogitat, atque etiam loquitur. (2) ſtatus Senatui exiit: his (3) interceſſoribus plane incitatus eſt: non, me inſecutus erit deprecationi locus. Quare ſi tibi tu, ſi filius unicus, ſi domus, ſi ſpes tuæ reliquæ tibi caræ ſunt, ſi aliquid apud te nos, ſi vir optimus, gener tuus, valet; quorum fortunas non debes velle conturbare, ut (4) eam cauſam, in cujus victoria ſalus noſtra eſt, odiſſe, aut relinquere cogamur, aut (5) impiam cupiditatem contra ſalutem tuam habeamus. Denique illud cogita: quod (6) offenſæ fuerit in illa cunctatione te ſubiſſe? nunc te contra (7) victorem facere, quem dubiis rebus lædere noluiſti? & ad eos (8) fugatos accedere, quos reſiſtentes ſequi nolueris: ſummæ ſtultitiæ

- (1) erras, ſi putas Cæſarem facile diſmiſſurum his, qui eum perſequuntur, niſi ſub graviffimis conditionibus. (2) quod ea, quæ volebat, ab eo impetrare non potuerit. (3) factis pro Pompejo, quem noluit designari Conſulem, priuſquam traderet exercitum & Provincias, (4) Cæſarianam (5) aut mortem tuam cupiamus, quod eſt impium, quia te amore Paterno proſequi debemus. (6) quam graviter offendiſti Cæſarem, cum adhuc dubiis rebus neutram partem ſecutus fuiſſes. (7) Cæſarem (8) Pompejanos Italiâ perſiſos.

tia est. Vide, ne, dum pudet te parum (9) adoptatum esse, parum diligenter, quid optimum sit, eligas. Quod si totum tibi persuadere non possum: saltem, dum, quid de Hispaniis agamus, scitur, (10) expecta, quas tibi nuntio, adventu Cæsars, fore nostras. Quam (11) isti spem habeant, amissis Hispaniis? nescio. Quod porro tuum consilium sit ad desperatos accedere? non, medius fidius, reperio. Hoc, quod tu non dicendo, mihi significasti, Cæsar audierat; ac simul atque ave mihi dixit, statim quid de te audisset; exposuit. Negavi me scire: sed tamen ab eo petii, ut ad te literas mitteret, quibus maximè ad (12) remanendum commoveri posses. Me secum in Hispaniam ducit. Nam nisi ita faceret, ego prius, quàm ad Urbem accederem, ubicunque esses, ad te percurrisse; & hoc à te præsens; contendisse atque omni vi te retinuisse. Etià atque etiam

(9) non electum à Cæsare quasi diceret, si indignaris quod te Cæsar in suas partes fortius non traxerit, cave; ne te magis pœniteat, si tibi eligas partes Pompeji (10) expecta saltem quid fiet in Hispaniis, quo Cæsar misit exercitum contra Petreium & Afranium Pompeji Duces. (11) Pompejani. (12) ne accederes ad Pompejum, sed ut in eodem statu; neutrum sequendo, permaneres.

tiam, Cicero, cogita, ne te, tuosque omnes funditus evertas; ne te ſciens prudentique eò demittas, unde exitum vi-
des nullum eſſe. Quod ſi te aut voces Optimatum (13) commovent, aut non nullorum hominum inſolentiam & ja-
ctantiam (14) ferre non potes: eligas, cenſeo, quoddam oppidum, vacuum à bello, dum (15) hæc decernuntur; quæ cum confeceris, & ego te ſapienter fe-
ciſſe judicabo, & Cæſarem non offen-
des. *vale.*

EPIST: II. *Bembi.*

Ex lib I. part: II.

Argum: Leo X. cum eſſet inauguratus Sum-
mus Pontifex, intellexit diſſenſiones inter Sigis-
mundum Regem Poloniæ, atque Albertum Marchi-
onem Brandeburgensem, eſſe. Sualet itaque Sigis-
mundo concordiam, offerendo ſe ſe, cauſam in Con-
cilio Lateranenſi, quod jam tunc agebatur, inter
eos compoſiturum Romæ, cui ut aſſentiat Sigis-
mundus, terret eum malis Reipublicæ Chriſtianæ
imminentibus à Turcarum irruptione; precatur
eum, ut a bello deſiſtat, pro amore pacis, & pro
dignitate illius.

O

Si-

(13) ſi induceris ad partes Pompeji ſuaſionibus Principum aliquorum. (14) quod te non nulli perſequan-
tur, quia ſolus plane diſſentis ab omnibus, cum nul-
li factioni adhæreas (15) donec bellum finitur.

Sigismundo Poloniæ Regi.

Intellexi magna quidem cum molestia inter te atque Albertum Marchionem, ut appellant, Brandenburgensem, (1) Marianorum Theutonicorum in Prussia Magistrum plurimas atque maximas jam inde à vestris majoribus ortas, atque traditas dissensiones extisse; eamque ob rem omnes homines, quibus vestræ utriusque (2) rationes atque causæ cognitæ essent, magnopere vereri; ne post (2) eum diem, qui dies erit pridie Id. Martias, magnum atque apertum bellum inter vos commoveatur, maximisque cum gentium & populorum, qui vestro in imperio sunt, detrimentis atque claudibus exerceatur: qui dies præstitutus à vobis fuit; quo die (4) ille statueret, utrum à te imperata faceret, an se in libertatem vindicaret. Itaque vel pro mea in omnem Christi populum cura & studio, vel maximè pro ea voluntate, quam quidem

(1) ordinis Crucigerorum, qui ex Germania conducti à Polonis tanquam amici, postea facti sunt hostes Polonis insensissimi, & Prussiam occuparunt (3) quam vobis insensu estis, & quam fortiter adversus vos armamini. (1) pridie Idus Martias bellum incipiendum erat. (4) Marchio Brandeb: ab hac die dicebat pendere fortunam vel imperandi, vel imperata faciendi.

quidem erga te benevolam & propen-
sam imprimis habeo, graviter tuli hōc
ingressu atque initio mei Pontificatūs
certiorem me fieri, novajamjamque à
vobis bella imminere, novos armorum
mōtus, nova incendia excitari: cum il-
lud imprimis cupiam, eique rei omnem
meam curam & cogitationem adhiben-
dam statuerim, ut ea, quæ dudum suc-
censa ardere adhuc, flagrareque viden-
tur, bella, inimicitiaque magnorum Prin-
cipum, modis omnibus restinguantur.
Quod quidem Dei Optimi Maximi au-
xiliō, qui ad se tendentes, seque unum
respicientes, conatus hominum consilia-
que non deserit, brevi fore confidebam.
Quamobrem paterno te & amore, & stu-
diō esse hortandum putavi; ut cursum
atque impetum irarum tuarum tantif-
per sustineres, dum à me Legatus am-
plissima cum potestate (5) istuc veniat,
qui vestris causis & controversiis cogni-
tis, quæ æqua sint, amicè statuatur, con-
cordeque vos, si fieri potest, & pacatos
reddat. Decrevi enim meos Legatos
magnum viros ad plurimas quàmprimū

O2

Natio-

(5) in Poloniam miserat suum Legatum ad has discor-
dias componendas:

Nationes mittere. Vel tu, si id tibi erit (6) antiquius, rem totam integrasque partes tuas Lateranensi Concilio jam incepto remittas, atque rejicias; à quo (7) porro maximè convenit Regum, & Ducum, & magnorum Principum contentiones controversiasque terminari. Quod & nobis erit gratum, ut causa ipsa, cujus non nullas sæpius partes aliquod (8) ante me Romani Pontifices rectè utrique vestrum consulentes attigerunt, Romæ per Concilium transigatur; & tibi certè cùm ad rerum tuarum statum securitatemque conducibilis, tum ad animi tui quietem & tranquillitatem longè aptius; non unum modò Romanum Pontificem, sed una cum ipso etiam reliquos omnes universamque (9) Rempublicam vestrarum litium, expostulationum, discordiarum, disceptatricem extitisse: cum existimandum sit, quæ totius Reipublicæ oculis perspecta decernuntur; ea & rectissimè confici, & firma

(6) si id tibi videbitur melius (7) certè, profectò (8) bellum hoc à multis annis trahebatur, itaque ante Leonem adhuc alii Pontifices in eo sopiendo laborarunt (9) intelligit Cardinales, Patriarchas, Episcopos & alios, qui ad Concilium confluere solent.

firma atque solida planè fore. Iniquum est etiam & profectò miserum, optimas populosissimasque Nationes, quæ ad Christianæ ditionis atque gloriæ terminos propagandos, vel propter fortitudinem animorumque robur omnium aptissimæ, vel propter locorum (10) naturam opportunissimæ videantur esse: suis inter se oïlis conteri, suis ipsarum simulatibus infringi & debilitari. Tum illud vehementer timeo; ne si vos magnos Principes hostes perpetui nostri Turcæ, quos habetis finitimos, conversis contra vos armis concurrere. malè animatos senserint; magnâ ipsi ex ea re lætitiâ voluptateque perceptâ opperientes, dum vestris cladibus vires, opeſque vestræ fractæ ac debilitatæ sint, unanimis atque integri vos adorianur; & magno vestro cum malo, quod Deus omen avertat, Christiano nomini notam aliquam insignem, atque perpetuam iurant. Hoc cavere ipse; cui quidem universi gregis mandata cura, atque satisfactio est; maximè omnium debeo; & pro-

(10) quia hæc ditiones & Regna Turcis, Moschis, sunt confinia, ideo ad propagandam Christianam Religionem opportunissima.

profectò cavebo, si te de me, deque re Christiana publicè merendi studium, cogitatioque excitabit; quàm nulla esse Regibus magis propria, nulla honestior ac palnè laudabilior potest. Quod quidem te facturum, tuâ virtute, atque prudentiâ fretus, sanè confido. Atque id, quod lubentius facias; scire te volo, eadem me de re ad Albertum literas daturum; ab eoque postulaturum, ut se contineat. Verùm quò tu propter Regiam dignitatem, atque amplitudinem apud omnes homines major, excellentiorque es, eò te cupimus priorem facilioremque meis hortatibus præstò esse. Quantò enim te leniorem & placabiliorem mihi & Reipublicæ præstiteris, tantò se Deus omnibus tuis aggrediendis, tractandisque rebus magis benevolùm, atque propitium adjunget.

EPIST. III. *Plinii*

Ex lib: 3.

Argum Corellia Hispula, Corelliò Patre, & Hispula Matre genita adolescentem filium domi erudiebat; Plinius itaque, olim Corellio amicissimus, suadet ei, filium humanioribus literis Rhetori alicui instituendum tradat; Inter ceteros autem Præceptores, Julium Genitorem unicè probat.

Pli-

Plinius Corellæ Hispulæ S.

CUM, Patrem tuum gravissimum & sanctissimum virum (1) suspexerim magis, an amaverim? dubitem; teque & in (2) memoriam ejus, & in honorem tuum unicè diligam, cupiam necesse est, atque etiam, quantum in me fuerit, enitar, ut filius tuus avo similis existat: equidem malo (3) materno: quanquam illi (4) paternus etiam clarus, spectatusque contigerit. Pater quoque & Patruus illustri laude conspicui, quibus omnibus ita demum similis. adolescet, si imbutus honestis artibus fuerit, quas plurimum refert, à quo potissimum (5) accipiat. Adhuc illum pueritiæ ratio intra (6) contubernium tuum tenuit, Præceptores domi habuit, ubi est (7) erroribus modica, vel etiam nulla materia. Jam studia ejus (8) extra limen proferenda sunt, jam circumspiciendus Rhetor latinus, (9) cujus scholæ seve-

(1) veneratus sim, an amaverim magis? (2) & quod ejus memor sim, & quod te honorem (3) volo potius materno avo, id est, Patri tuo eum similem formari (4) id est, avus, mariti tui Pater, (5) à quo imbuatur interest (6) inter familiaritatem propter adolescentiam educabatur. (7) vitiis. (8) in Scholas publicas. (9) qui sit severior in instituendo, abstinens se à vitiis, vitæ incorruptæ, honestæ.

ritas, pudor imprimis, castitas. Adest enim adolescenti nostro cum cæteris naturæ fortunæque dotibus, eximia corporis pulchritudo, cui in hoc (10) lubrico ætatis non Præceptor modo, sed custos etiam, Rectorque quærendus est. Videor ergo demonstrare tibi posse Julium Genitorem; amatur à me, (11) iudicio tamen meo non obstat charitas hominis, quæ ex iudicio nata est; vires emendatus & gravis: paulò etiam (12) horridior & durior, ut in hac licentia temporum; quantum (13) eloquentiæ valeat pluribus credere potes; nam dicendi facultas aperta & exposita statim cernitur. Vita hominum altos (14) recessus, magnasque latebras habet, (15) cuius pro Genitore me sponso accipe. Nihil ex hoc viro filius tuus audiet nisi profuturum, nihil discet, quod nescisse rectius fuerit; nec minus sæpe ab illo, quam à te, meque admonebitur, quibus (16) imaginibus oneretur, (10) in adolescentia, quæ facile potest ad malum declinare (11) rectum tamen iudicium meum est de eo, licet eum amem: (12) aliquantum formidolosior pro ratione nostrorum temporum, in quibus maximâ licentiâ utimur, cum antiquitus idem non diceretur horridus. (13) dicit Iulium præsertim in loquendo esse acriorem. (14) abdita est natura hominum, & non statim cognosci potest, quæ cuiusquam sit. (15) pro natura Genitoris ego spondeo. (16) quos maiores suos habeat.

quæ nomina & quanta ſuſtineat. Proinde, faventibus Diis, trade eum Præceptorî, à quo mores primùm, mox eloquentiam diſcat, quæ malè ſine moribus diſcitur. *vale.*

EPIST: IV. *Plinii.*

Ex lib: 8.

Argum: Plinius monet Geminium, non eſſe imitandam illorum conſuetudinem, qui alios graviffimè inſectantur, in quo ipſi maximè peccant, quinimo à vitiis ſeipſum comprimendum, & alienis erroribus parcendum.

Plinius Geminio ſuo S.

Noſtine hos, qui omnium libidinum ſervi, ſic aliorum vitiis irafcuntur, quaſi invident, & graviffimè puniunt, quos maximè imitantur? cum (1) eos etiam, qui non indigent clementiâ ulius, nihil magis, quàm lenitas deceat. Atque ego optimum & emendatiſſimum exiſtimo, qui ceteris ita ignoſcit, tanquam ipſe quotidie peccet; ita peccatis abſtinet, tanquam nemini ignoſcat. Proinde hoc domi, hoc foris, hoc in omni vitæ genere teneamus, ut nobis implacabiles ſimus, exorabiles iſtis etiam, qui

(1) bonos, qui nihil reprehendendum admittunt.

qui dare veniam, nisi (2) sibi, nesciunt: mandemusque memoriâ, quod vir mitissimus, & ab hoc quoque maximus Thrasea crebro dicere solebat: qui vitia, odit, homines odit. Fortasse quæris, quò commotus hoc scribam? Quidam nuper; (3) sed melius coram; quanquam ne tunc quidem. Vereor enim, ne id, quod improbo, eos sectari, carpere, referre, huic, quod quàm maximè repugnet. Quisquis ille, qualiscunque, fileatur, quem (4) insignire exempli nihil, non insignire humanitatis plurimum refert. *vale.*

EPIST: V. Plinii

Ex lib: 9.

Argum. Plinius alterius exempli sordet Juniori remittenda quædam filio, neque semper utendum severitate, cum omnes homines aliquò errore ducantur.

Plinius Juniori suo S.

Castigabat quidam filium suum, quod paulò, sumptuosius equos, & canes
eme-

(2) suis vitiis, cum aliena acerrimè infectentur (3) tanquam incipit describere aliquem, qui aliorum vitia acriter flagellaverat, sua verò sibi indulgebat. Postea verò desistit scribere, & dicit melius fore. si idem dicat datâ occasione; sed & hoc non debere fieri censet, ne contra suum consilium videatur facere. (4) declarare nihil prodest,

emeret: huic ego, juvene digreſſo, heus tu, nunquamne feciſti, quod à Patre corripì poſſet? feciſti dico. Non interdum facis, quod filius tuus (ſi repente Pater ille, tu filius) pari gravitate reprehendat? Nonne omnes homines aliquò errore ducuntur? non hic in illo ſibi, in hoc alius indulget? Hæc tibi admonitus immodicæ ſeveritatis exemplò, pro amore mutuo ſcripſi, ne quando tu quoque filium tuum acerbiùs duriùſque tractares. Cogita & illum puerum eſſe, & te fuiſſe, atque ita hòc, quod es Pater, utere, ut memineris & te hominem eſſe, & hominis Patrem. *vale.*

EPIST: VI Senecæ No LXI.

Argum: Seneca ſcribens ad Lucilium, ſua-
det vitam immutandam, cogitandamque mortem,
ut ſemper imminentem, & utique venturam.

Seneca Lucilio S.

Definamus, quod volumus eſſe. Ego certè id ago ſenex, non eadem velle, quæ puer volui. In hoc unum eunt dies, in hoc noctes: hoc opus meum eſt, hæc cogitatio: imponere veteribus malis finem. Idago, ut mihi inſtar totius vitæ, ſit dies. (1) Nec,
me-

(1) nec hunc diem, quem cenſeo eſſe ultimum vitæ totius, in voluptatibus tranſigo:

me-hercules, tanquam ultimum rapio, sed sic illum aspicio, tanquam esse vel (2) ultimus possit. Hòc animò tibi hanc epistolam scribo, tanquam cum maximè scribentem mors evocatura sit. Paratus exire sum, & ideo fruor vità: quia quamdiu futurum hoc sit, non nimis (3) pendeo. Ante senectutem curavi, ut benè viverem, in senectute, ut benè moriar. Benè autem mori, est libenter mori. Da operam ne quid unquam invitatus facias. Quidquid necesse est, futurum est. Repugnanti, non volenti necessitas est: in volente necessitas non est. Ita dico, qui imperia libens excipit, partem acerbissimam servitutis effagit, facere quod nolit. Non qui iussus aliquid facit, miser est, sed qui invitatus facit. Itaque sic animum componamus, ut quidquid res exiget, id velimus; & imprimis finem nostri sine tristitia cogitemus. Ante ad mortem, quàm ad vitam præparandi sumus. Satis (4) instructa vita est; sed nos instrumentorum ejus avidi sumus. Deesse nobis aliquid videtur,

&

(2) sed eum sic perago, ut optimus esse possit. (3) non sum anxius. (4) in vita sunt multa bona, quæ homines insatiabiliter appetunt.

& semper videbitur. Ut satis vixerimus, nec anni, nec dies facient, sed animus. Vixi, Lucili carissime, quantum satis erat: mortem plenus expecto. *vale.*

Exemplum.

Amicus Amico suadet, ut Juri civili navet operam

Audito te, vir optime, tecum inire rationem, cuinam studiorum generi te tradas. Tu verò, si amici consilium admittis, svadeo, ut animum tuum ad Juris civilis scientiam adjungas. Quid enim honestius hòc studiò aut dici, aut fingi potest? Hòc poteris succurrere pupillo, defendere viduam. Quid porrò necessarium magis? tolle è medio Jus civile, & omnes Urbes subverteris, omnes Rerumpublicarum formas confuderis. Non, opinor, ignoras, quid dicat Cicero in oratione pro Cluentio: quod hoc vinculũ sit Civitatis, hoc fundamentũ libertatis. Ut enim corpora nostra sine mente, ita Civitas sine legibus, suis partibus, & nervis, & sanguine, & membris uti non potest. Audi

verò

verò quid dicat idem Orator pro Cinnâ: Nihil in Civitate, inquit, tam diligenter retinendum, quàm Jus civile quò sublatò, nihil cuiquam exploratum esse potest, quid suum, quid alienum sit. In hoc enim incumbit Jus civile, ut optima Civitas constituatur, Alcinoe auctore. En habes Juris civilis necessitatem. Jam verò quantum adferat iis, qui ei præsunt, honoris, gratiæ, dignitatis, quis ignorat? & ut alios omittam, quantum splendoris ars hæc Mutio Scævola attulit, ut cujus domus verum oraculum Civitatis Romanæ dicta est? Sabinus quidam angustæ rei familiaris, propter Juris civilis studium à Tiberio Cæsare in Equestrem ordinem jam grandis natu, & fermè quinquaginta annorum, exceptus est. Cajus Cassius Longinus sub eodem Tiberio in maximo honore habitus est; sub Claudio Præfectus Syriæ creatus. Quod si quæstum quoque ambis, nulla est ars quæstuosior: id quod versiculus ille, licet in syllaba una vulgo vitiosus, satis arguit: Dat Galenus opes, & Sanctio Justiniani. Quid, quod re ipsâ vides nullum
quan-

quantumvis mediocriter juris peritum,
rei familiaris inopiā laborare? Nec ve-
rò est, quod te difficultas deterreat,
studium istud admodum facile est, si quis
illud, disciplinis aliis instructus, adeat.
Tu verò cum sis lingvarum & literarum
calentissimus, facundiā & memoriā præ-
ditus, quid quæso difficultatis persensu-
rus es? Accedit huc, quod totum istud Jus
in certos, nec illos innumeros libros re-
latum est; quod si perdidiceris (perdi-
fces autem, si ingenium intenderis) tan-
tum non alter Scævola futurus es. Hic
quoque certum aliquem scriptorem e-
lige: nec fac, ut plerique faciunt, qui
jam illius, jam istius Authoris intrepres-
tamenta sequentes, & ipsi incerti sunt,
quos sequantur, & auditores multò in-
certiores abeunt. Denique est mira qua-
dam in cognoscendo Jure civili svavi-
tas & delectatio. Nam (ut Ciceronis
verbis utar) si quem aliena studia dele-
ctant, plurima & in omni Jure civili, &
in Pontificum libris, & in XII. tabulis
antiquitatis effigies, quod & Romano-
rum prisca vetustas cognoscitur, & a-
ctionum genera quædam majorum con-

fve.

svetudinem vitamque declarant. Age igitur, cum Juris civilis studiô nullum sit honestius, nullû magis necessarium, nullum utilius, facilius, denique jucundius, Coræbo (ut ajunt) stultior eris, si non ad hoc studium animum tuum appuleris. *vale.*



F O R M U L Æ

Responsionum ad Epistolas

Vario Epistolarum Generi accommodæ.

Resp: Ad Consolatorias.

Plinii: Commendas mihi Julium Nasonem candidatum. Nasonem mihi quid si me ipsum? fero tamen & gnosco. Eundem tamen commendassem tibi, si te Romæ morante ipse abfuisset. Tabet hoc sollicitudo, quod omnia necessaria putat; tu tamen, censeo; alios roges, ego precum tuarum minister, adiutor, particeps ero. *Vale.*

Item Quid ego audio? vis tibi ignosci, quod me tuis commendatitiis Literis oneras. Imò sic interpretor, ingens beneficium abs te datum, qui tali viro me conciliaris &c.

Ciceronis Rursum istum amicum tuum, de quo iterum ad me scribis, adjuvarem, quantum possem, etiam si ab eo læsus essem, cum te tantopere videam ejus causâ laborare. Cum verò & ex tuis Literis, & illius ad me missis intelligam, & judicem magnæ curæ ei

P

salu-

salutem meam fuisse, non possum ei non amicus esse, neque solum tua commendatione, quæ apud me, ut debet, valet plurimum, sed etiam voluntate ac iudiciò meò. &c.

e. g. Quid possim tu videris. Quis sit exitus rei futurus, fortunæ in manu est. Illud tamen efficiam, ut Laurentius intelligat nostram amicitiam haud-quāquam vulgarem esse.

vel. Et tu diligenter commendas hominem, & ille mihi visus est dignus, cui tantopere faveas. Sed temporum iniquitas in causa fuit, quò minus licuerit illi tantum præstare, quantum volebamus. &c.

Resp: *Ad Commendatitias.*

Cicero respondet Sulpicio, cujus Epistola est inter Consolatorias, scripta in Obitu Tullie Ciceronis Filia, quam prius legi opportune svaserim, ut max legenda facilius intelligatur. Præsertim quæ hanc - ipsam nullis notis illustratam hic ponimus. Reperitur autem hæc Epistola. lib: 4. Famil. Nro: VI.

M.T.C. Serv. Sulpicio S.D.

Ego vero, Servi, vellem, ut scribis, in meo gravissimo casu affuisses.
Quan-

Quantum enim præsens me adjuvare potueris & consolando, & propè æquè dolendo, facile ex eo intelligo, quod literis, aliquantum acquievi. Nam & ea scripsisti, quæ levare luctum possent, & in me consolando non mediocrem ipse animi dolorem adhibuisti. Servius tamen tuus, patris imitatus amorem, omnibus officiis, quæ illi tempori tribui potuerunt, declaravit, & quanti ipse me faceret, & quàm suum talem erga me animum tibi gratum putaret fore: cujus officia jucundiora licet sæpe mihi fuerint, nunquam tamen gratiora. Me autem non oratio tua solum, & societas penè ægritudinis, sed etiam auctoritas consolatur. Turpe enim esse existimo, me non ita ferre casum meum, ut tu, tali sapientiâ præditus, ferendum putas. Sed opprimor interdum & vix resisto dolori, quod ea me solatia deficiant, quæ cæteris, quorum mihi exempla propono, simili in fortuna non defuerunt. Nam & Q. Maximus, qui filium Consularem, clarum virum, & magnis rebus gestis, amisit; & L. Paulus, qui duos septem diebus; & vester

Gallus; & M. Cato, qui summô ingeniô, summâ virtute filium perdidit, iis temporibus fuerunt, ut eorum luctum, ipsorum dignitas consolaretur ea, quam ex Republica consequerentur. Mihi autem, amissis ornamentis illis, quæ ipse commemoras, quæque eram maximis laboribus adeptus; unum manebat illud solatium, quod creptum est. Non amicorum negotiis, non Reipublicæ procuratione impediabantur cogitationes meæ: nihil in Foro agere libebat: adspicere Curiam non poteram: existimabam, id quod erat, omnes me & industriæ meæ fructus & fortunæ perdidisse. Sed, cum cogitarem hæc mihi tecum, & quibusdam esse communia, & cum frangerem jam ipse me, cogeremque illa ferre toleranter, habebam, quò confugerem, ubi conquiescerem, cujus in sermone & suavitate omnes curas doloresque deponerem. Nunc autem hoc tam gravi vulnere, etiam illa, quæ conlanguisse videbantur, recrudescunt. Non enim, ut tûm me à Republica næstû domus excipiebat, quæ levaret; sic nunc domo mærens ad Rempubicâ confugere possû,
ut

ut in eius bonis conquiescam. Itaque & domo absum & Foro, quod nec cum dolorem, quem à Republica capio, domus jam consolari potest, nec domesticum Republica. Quò magis te expecto, teque videre quàm primum cupio. Major mihi levatio afferri nulla potest, quàm conjunctio consuetudinis sermonumque nostrorum: quamquàm sperabam tuum adventum (sic enim audiebam) appropinquare. Ego autem cum multis te expecto quàm primum videre, tum etiam ut ante commentemur inter nos, quàm ratione nobis traducendum sit hoc tempus, quod est totum ad unius voluntatem accommodandum, & prudentis & liberalis, & (ut perspexisse videor) nec à me alieni, & tibi amicissimi. Quod cum ita sit, magnæ est tamen deliberationis, quæ ratio sit ineunda nobis non agendi aliquid, sed illius concessu & beneficio quiescendi. *vale.*

Item Mihi autem videtur acerba semper, & immatura mors eorum, qui mortale aliquid parant. Nam qui voluptatibus dediti, quasi in diem vivunt, vivendi causas quotidie finiunt, qui verò posteros cogitant, & memoriam sui

operibus extendunt, his nulla mors non repentina est, ut quæ semper inchoatum aliquid abrumpat. &c.

Item Me in summo dolore maximè consolatur spes, quam ex tuis rebus capio, quod valde suspicor, fore, ut infringatur hominum improbitas & consiliis tuorum amicorum, & ipsâ die, quâ debilitantur cogitationes & inimicorum & proditorum. Facile secundo loco consolatur me recordatio temporum meorum, quorum imaginem video in rebus tuis. &c.

Resp: *Ad Excusatorias.*

Politiani Tantum mihi dolorem cruciatumque errata ætatis tuæ attulerunt, ut non solum animus à factis, sed aures quoque à commemoratione eorundem abhorreant. Verùm hæc cum ætatis non dum benè compositæ esse fatearis, æquè ætatis hujusmodi, ac errandi rationem præterivisse jam (ut conjicio) optimò argumentò, confessione tuâ, conaris mihi persuadere. Faxint id Superi. Ego quidem & me in eo, & te persuasum haberi volo in hoc, quod à me, ut optas, tenerrimè amaris. *vale.*

Item

Item Et iustâ & idoneâ usus es excusatione intermissione literarum tuarum, tamen ne id sæpius facias rogo. Imò cum imperiis tuis desiderem literas, noli committere, ut excusatione potius expleas officium scribendi, quam assiduitate literarum.

e. g. Ante tibi non nihil irascebar, nunc sum vehementer iratus; nec injuria. Hæc enim tua tam diligens purgatio effecit, ut videaris, aut parum nosse meum ingenium, aut certè de amicissimo homine non amicissimè sentire. &c.

Vel Egonè tam ferox sum, ut id ab amico molestè feram, quod si faciat æmulorum quispiam, non injuriâ sed officiò me affectum putem? &c.

Resp: Ad Gratiarum-actorias.

Ciceronis Quod autem grata tibi mea erga te studia scribis esse, facis tamen quidem abundantiam quâdam amoris, ut etiam grata sint ea, quæ prætermitti sine nefario scelere non possunt. &c.

Item Officium meum erga Rhodum, cæteraque mea studia, quæ tibi actis præstiti, tibi homini gratissimo, grata esse vehementer gaudeo; mihi que scito in

to in dies majori curæ esse dignitatem tuam, quæ quidem à te ipso integritate & clementiâ tuâ sic amplificata est, ut nihil addi posse videatur. &c.

Item Quanquam gratiarum actionem à te non desiderabam, cum te re ipsa atque animò scirem esse gratissimum, tamen (fatendum est enim) fuit mihi perjucunda. Sic enim vidi, quasi ea, quæ oculis cernuntur, me à te amari. Dices quid antea? semper quidem, sed nunquam illustrius. &c.

Resp: Ad Gratulatorias.

e. g. Gratulatio tua & si mihi probatissima, quod ab optimo sit animò, tamen hoc mihi multò jucundius est & gratius, quod in summa paucitate amicorum, propinquorum ac necessariorum, qui verè salutis meæ faverent, te cupidissimum mei, singularem mihi benevolentiam præstitisse cognovi. &c.

Vel. Si quid esset in rebus meis unione vel candidius vel pretiosius, hâc notâ signarem eum diem, quò singulari votorum tuorum declaratione & augmentum maximum veteri amicitie nostræ, & cumulum gaudis meiis, aut
poti-

potius nostris, addidisti. Jam ego precor Superos, ut hoc gaudium, quod largiti sunt, nobis omnibus perpetuum esse velint.

Resp: *Ad Hortatorias.*

Epistola ex lib: 4. Famil: Nro. VI.

Cicero scripserat intellexisse se ex Furnio virtutem Planci in re militari, & justitiam in administranda Provincia. Deinde eum hortatus fuerat ad curam & defensionem Patriæ. Itaque respondens Plancus dicit ea sibi fuisse gratissima, quæ Cicero ex verbis Furnii ad se scripserat. Quod autem ipse antea non scripsisset, id factum dicit propterea, quod intellexerat Ciceronem profectum in Græciam, nec prius cognovit eum rediisse, quàm Cicero ad eum scripsit. Postremo pollicetur se in omnibus obtemperaturum præceptis ipsius Ciceronis, ostenditque optimas & justissimas causas esse, quare id facere debeat; se tamen dicit esse sollicitum, & de rebus Urbanis & de ipsa Gallia Cisalpina propter discordias, quæ erant inter ipsos Romanos.

Plancus Ciceroni S. D.

Gratissimæ mihi Literæ tuæ fuerunt, quas ex Furnii sermone te scripsisse animadverti. Ego autem præteriti temporis excusationem afferro, quod te pro-

profectum audieram, nec multò ante rediisse, quàm ex epistola tua cognovi. nullum enim in te officium nec minimum quidem sine maxima culpa videri posse præterire, in quo tuendo habeo causas plurimas vel pristinæ necessitudinis, vel meæ à pueritia observantiæ, vel tui erga me mutui amoris. Quare, mi Cicero, quod mea tuaque patitur ætas, persvade tibi te unum esse, in quo ego te colendo primam mihi constituerim sanctitatem. Omnia igitur tua consilia mihi non magis prudentiæ plena, quæ summa est, quàm fidelitatis, quam ego ex mea conscientia metior. Quare si aliter sentirem, certè admonitio tua me reprimere, aut si dubitarem, hortatio impellere posset, ut id sequerer, quod tu optimum putares. Nunc verò quid me in aliam partem trahere possit? quæcunque in me bona sunt aut fortunæ beneficiò tributa, aut meo labore parta, & si à te propter amorem carius sunt existimata, tamen vel inimicissimi judiciò tanta sunt, ut præter bonam famam nihil desiderare videantur. Quare hoc unum tibi persvade, quantum viribus eniti, consilio

liò providere, auctoritate monere potuero, hoc omne Reipublicæ semper futurum; non est ignotus mihi sensus tuus; neque si facultas optabilis mihi quidem tui præsentis esset, nunquam à tuis consiliis discreparem. Nec nunc committam, ut ullum meum factum reprehendere jure possis. Sum in expectatione omnium rerum, quid in Gallia Citeriore, quid in Urbe geratur, mense Januario ut sciam. Interim maximam hic sollicitudinem curamque sustineo, ne inter aliena vitia agentes nostra mala suam putent occasionem. Quod si proinde; ut ipse mereor, mihi succederit; certè & tibi, cui maximè cupio, & omnibus viris bonis satisfaciam. Fac valeas, meque mutuo diligas.

e. g. Cum ego id ipsum, destinassè, addidisti calcar sponte currenti. Video quàm faveas gloriæ meæ. Itaque dabo operam, ut non solum judicio de me tuo, verum etiam studio satisfaciam. &c.

vel. Strenuè tu quidem suffundis aquam, ut ajunt, sed mihi magis opitulatore opus est, quam hortatore. Quin ipse capeffis, ad quod me instigas? Si videres vires meas esse pares negotio,
nihil

nihil esset opus, qui adderes animum. Animi satis est quidem, si tantundem esset virium. &c.

vel. Ego tuis auspiciis rem fortiter aggrediar, & quantum in me est, erectum præstabo animum, tantum ut fortibus ausis aspirent Superi: aut etiam tu ipse quemadmodum addis animum, ita possis & successum rei dare.

vel. Ut forti militi tubæ sonitus ad prælium addit animos, ita tua exhortatio me, jam satis animatum, reddit alacriorem; Nam qui monet, quasi adjurat, quemadmodum ait Plautus, ita qui hortatur, qui acclamat, qui applaudit. &c.

Resp: Ad Invektivas.

e. g. Interpretor ego mihi, te, quæ facis, optimò animò facere. Cum mihi exploratius nihil esse potest, quam animus tuus erga me. Sed tamen (ut ingenuè dicam, quod sentio) videris mihi quædam facere, non ausim dicere inconsultius, virorum prudentissimus; non dicam inimicè, vir sincerissimæ fidei; ast tamen parum circumspectè. Non dubito, inquam, quin ista facias amicò
animò

animò, sed tamen mihi gratulor inimicis meis non esse tantum ingenii ad lædendum. Probas denique tuipſe te invehi in me pro amore mei rerumque mearum; quid refert, utrum me amicè jugules, an inimicè? &c.

vel. Quod mandata tua ita, ut tu jufferas, & ego receperam, non dum peregi, facultas mihi hactenus defuit, non voluntas. Iſtis autem ſuſurronibus, imò maledicentiſſimis nebulonibus, qui, quod pro invidia fortunæ no træ, ſemper aliqua comminiſcuntur, tibi que occaſionem me apud te criminandi offerre videntur, nihil eſt, quod imprecer, niſi ut penitus obmuteſcant. &c.

Reſp: *Ad Lamentatorias.*

Ciceronis. Ut illa ſecunda moderatè tulimus, ſic hanc non ſolum adverſam, ſed etiam funditus everſam fortunam ferre debemus, ut hoc ſaltem in maximis malis conſequamur, ut mortem, quam etiam beati contemnere debebamus, propterea, quod nullum ſenſum ſit habitura, nunc ſic affecti non modo contemnere debeamus, ſed etiam optare. Tu ſi me diligis, fruiſte iſtò otio, tibi-

tibique persuade præter culpam ac peccatum, quo semper caruisti & carebis, homini accidere nihil posse, quod sit horribile, aut pertimescendum. *vale.*

e. g. Tenè sic angi, sic animo jace-
re? Quorsum tandem attinet, ut te af-
flictes? an ista malum lenient? an non
potius exacerbabunt? Quorsum attinet,
tam miserè deplorare, quod mutari non
potest. Ubi nunc est illa animi tui con-
stantia? ubi literæ, quibus aliorum do-
lorem lenire consueveras? Aliis mede-
ri potuisti, tibi nihil prodes. Ipse ti-
bi nunc medicus sis, oportet. Cur fru-
stra & teipsum lachrymis, & amicos,
querelis exanimas? Quæ est ista a-
nimi impotentia, quæ mollities?
Num te virum esse oblitus es? Itane
ista tam graviter fers? Quasi verò ista
tibi contigerint, aut tanta sint, ut ali-
is non multò etiam acerbiora evene-
rint. Quid vel tuò animò, vel doctri-
nà indignius, quàm sic angi, sic sei-
psum abjicere, quomodo ne mulier qui-
dem ulla posset. Neque enim video,
quem fructum adferre possint inanes
lachrymæ & querimonix. Nam si e-
jusmodi malum judicas, ut ad salutem
refle-

reflecti nequeat, cur luctu duplicas incommodum? si spes est, cur non eâ potius te sustentas? atque id agis, quâ ratione quamprimum ex istis malis queas emergere? Si desperas memineris illud: in istiusmodi conditione bonum animum dimidium adimere mali; sin speras, cur perinde tanquam in re desperatissima te maceras? &c.

vel. Cognovi ex literis tuis te tam graviter angi, ut ex luctu, quid tecum agatur, ignorare penitus videaris. Deum immortalem! quid tibi vis? quin tu potius obduras, ac servas te rebus secundis? Cur tu & amicis luctum auges, & inimicis voluptatem præbes, & te ipsum indignè conficis?

Tu contra audentior ito, quò tua te fortuna sinet.

Dacunt volentem fata, nolentem trahunt. Tutum ista te conscientia, iste animus, ista virtus, istæ literæ, ista rerum gestarum memoria te comitabitur, caveto, putes exulem ubicunque locorum, quocunque sub cælo erit vivendum, etiam si ultra Getas relegatus esses. Sed quid ego sus Minervam? Facit sanè non loquacitas mea, sed benevolentia longiores epistolas. *vale.* Resp:

Resp: *Ad Laudatorias.*

Ciceronis Si laudatus à te laudare te cepero, vereor, ne non tam proferre iudicium meum, quàm referre gratiam videar. Omnia scripta tua pulcherrima existimo, maximè tamen illa, quæ de nobis. Accidit hoc una eademque de causa; nam & tu quæ de amicis, optimè scribis, & ego quæ de me, ut optima lego. &c.

Item Laudem pariter & gratias agam? Neutrum satis possum, & si possem timerem, ne arrogans esset, ob ea laudare, ob quæ gratias agerem. Unum illud addam: omnia mihi tantò laudabiliora visa, quantò jucundiora, tantò jucundiora, quantò laudabiliora erant &c.

e. g. Laudes itas, quas affatim in me congeris, sic ecquidem interpretor, quasi non me depingere volueris, qualis sim, sed optimum exemplar præscribere, qualis esse debeam. &c.

Vel Hoc effecit ista tua laudatio tam magnifica, ut jam mihi minus incipiam placere, qui planè videam, quantum absim ab ista perfectæ virtutis imagine &c.

Resp:

Resp: *Ad Monitorias.*

Plinii Epistolarum, quas mihi, ut ais, apertò pectore scripsisti, oblivi-
sci me jubes; at ego nullarum libenti-
us memini. Ex illis enim vel præcipuè
sentio, quantopere me diligas, cum sic
egeris mecum, ut solebas cum tuo filio.
Nec dissimulo hoc mihi jucundiores fu-
isse, quod habebam bonam causam, cum
summo studio curassem, quod tu cura-
ri volebas. Proinde etiam, atque eti-
am te rogo, ut mihi semper eadem sim-
plicitate, quoties cessare videor, nun-
quam enim cessabo, convicium facias.
Quod & ego intelligam à summo amo-
re proficisci, & tu, non meruisse me,
gaudeas. *vale.*

e. g. Raras tuas quidem (fortas-
se enim non perferuntur) sed svaves
accipio literas, vel quas proximè acce-
peram, quàm prudentes, quàm multi &
officii & consilii. Et si omnia sic con-
stitueram mihi agenda, ut tu admone-
bas, tamen confirmantur nostra consi-
lia, cum sentimus prudentibus, feliciter-
que svadentibus idem videri &c.

Q

Resp:

Resp: *Ad Petitorias.*

Ciceronis Quod mecum p̄r literas agis, unam ob causam malle, coram egisses. Non enim solum ex oratione, sed etiam ex vultu, ex oculis, ex fronte (ut ajunt) meum erga te amorem. perspicere potuisses. Nam cum te semper amavi, primum tuò studiò, post etiam beneficiò provocatus, tum his temporibus Respublica te mihi ita commendavit, ut chariorem habeam neminem. Literæ vero tuæ, tum amantissimè, tum honorificentissimè scriptæ, sic me affecerunt, ut non dare tibi beneficium viderer, sed accipere a te ita petente, ut inimicum necessarium tuum, me invito servare nolles, cum id nullò negotiò facere posses.

Plinii. Quod admones, gratias ago, quod rogas, queror. Admoneri enim debeo, ut sciam, rogari non debeo, ut faciam, quod mihi non facere turpissimum est. &c.

e. g. Excusarem me profectò vel fratri hoc sanè tempore, sed arctior est amicitia nostra, quàm ut ullam patiatur exceptionem, quoties alterutrius se-
 cia res agitur. &c.

VNIV

IAGELL



GRACOVENSIS

ras
am
ne,
on-
em.
per
ne-
ef-
ha-
ero
tif-
da-
re à
um
id

a-
i e-
de-
ere

ra-
est
tia-
se-



Biblioteka Jagiellońska



stdr0025846

